



廣文苑英華

和  
1018  
9

九





門和 16  
冊 1018  
卷 9



唐紫微侍郎贈黃門監李又神道碑

蘇頌



世稱李公德為範、言為師、行為則、事為程、於戲彼之  
四者、吾以一貫及值緝熙之運、懷廣大之業、天下謂  
之登相國踐台司、竟而此位不躋、亦公之譽也。若季  
孫何訪、不對者、宣尼季子可法、以書者、文仲夫如是、  
故聞其風、志其道、粵未量已。公諱又、字尚真、趙房子  
人也。伯人侯曇裔、孫侍書勁、十一世孫自咎、繇虞臣  
老聃、周史純嘏之烈、清華其冠、曾祖彥博、振威將軍  
光州固始令、祖惠明、弋陽西曹掾、熊州司倉書佐、父



大智閔州新政令公貴達追贈濟州刺史以昭孝焉  
北臨代有恒岳東注彭有泫水豈恒之寶泫之精矣  
何奇士之不乏而我公誕生歟公幼而閔凶弱不好  
弄十一從學極奧研幾十二屬詞含商咀徵中書令  
薛元超謂人曰此子必負海內盛名十九郡舉茂才  
策第考功郎劉思立一見又如之調補潞州壺關襲  
州武義尉羈雲逸而在泥蟠也秩滿詣選吏部侍郎  
蘇味道偉藏器而嗟韞櫝也特受藍田尉又策高第  
累遷乾封萬年尉雍州長史薛季昶視事咨謀推誠  
悅服主畫諾而班詔書也擢爲監察御史歷殿中侍

御平而不頗疎而不漏與御史令黃門監漁陽公承  
旨鞠僞發姦除惡刑以矯末禮以教中有若決滄瀆  
癰焚符破璽景龍中葉靜能諂媚妬權勢傾人自  
謂金鼎可期羽衣而立公劾奏其僻中宗原而宥之  
不肖者懼不仁者遠無何加朝散大夫遷尚書司勳  
左司二員外右司郎中中書舍人立義起草司言揮  
翰蓋閑練而芳蔚也遂兼長昭文館學士雲龍待問  
天馬成歌群士躍鱗繁公稱旨太子上即位檢校吏  
部郎中正關鍵端也持刀尺審也建是無撓翕然有  
聲二歲遷黃門侍郎加銀青光祿大夫進爵中山郡



開國公食邑二千戶四歲轉紫微侍郎掌制數月兼  
刑部尚書明年正除檢校尚書校郡國考績凡二歲  
古之邁迹垂憲遷賢與能多矣抑揚者或齟齬爲心  
塞默者或澹條爲貌介無不執執則嫌於偏柔無不  
通通無惡于善士君子患也公列近臣居常伯則不  
然秉彛德微乘理錯綜平枉梧按倫省忠而公信而  
順謀始而作慮先而動明可照肝膽精可析毫芒議  
必當而刑不放也故邦釋令典公敷大猷粗舉凡矣  
聖人迪謨訓書簡冊惟文乎公掌司綽握鈇槩典可  
常而史不隱也聖人鞠師旅繕甲兵惟武乎公賦其

草蒐以器居有禮而用有神也聖人訊法約疇事省  
惟清乎公削煩苛節更筭著諸令而便於宜也聖人  
核臧否甄黜陟惟明乎公差九牧區五等措諸枉而  
舉於直也夫文武以序清明以成斯事體大與時偕  
行行之我公則無遺矣嗚呼我公何不壽矣明靈罔  
恤闇忽而殂享年六十開元丙辰歲仲春癸酉薨于  
京師宣陽里第旒冕震悼衣冠痛惜秦里奚鄭子產  
烏足擬哉制贈公黃門監絹布三百疋米粟三百石  
以賻之太常考行曰貞宜矣公每誡其子師於薄葬  
有子寧等五人並喪過乎感奉遵先古不敢隳廢韋



賢業儒竟遷魯國杜預知禮自表邢山故寧等以其  
夏丙申卜葬長安細柳原東北望帝京二十有五里  
償其志也。樞既引戶部尚書東平畢構少府監吳郡  
陸餘慶散騎常侍扶風馬懷素黃門侍郎清河崔泰  
之洎紫微侍郎武功蘇頲祖於延年門外舉觴言曰  
不還故鄉達也。別於此路窮也。孰云中山寧厥后土  
非此公之爲慟。吾誰慟乎。服馬悲鳴而不前行。人涕  
泣而相向。僉以頲者公稱知我。我謂之甥。固嘗揮斤  
見期必使刊石爲事。頲則不佞。曷於是重相泣。謂曰  
我輩見中山弗冥冥隨行。弗察察從政。弗執利邀寵。

記事客

弗夸毗耀榮。無躁求。無苟得。結友朋。義也。誨子弟。仁  
也。薦賢畏其知。聞善若已。出急於病。讓於夷。輕於財。  
重於施。迺中山之度矣。所著文集成六十卷。五言之  
妙。一變乎時流。便清婉。經綸密緻。猶樂簫韶。工黼黻  
也。至於心疑風味。神嬉景華。奕碁不孤。絃酌相伴。樂  
然有地。貴豈在人。奈何則亡。不可復見。因更爲長慟。  
俾愚叙之。黃門監漁陽公盧公居世有閑散之任。與  
公有范張之密。強學偉詞。蓋撰其實也。遂作頲云。  
龍德周史。龜文漢相。鼎彝遞襲。簪纓相望。常山之英  
泫水之精。代稱不乏。人惟持生。其鯉趨成。訓敦詩閱。



史鴻漸于磐陟遐自邇斃勞州郡俄拾青紫王佐之才一日千里其二高遊省門近侍軒墀守位以正行已無私無私伊何惟忠是効以正伊何臨事不撓其三八座爰踐三階未陟如何不臧景命云極中夜嬰癘崇朝孔亟縱壑摧鱗靡霄墜翼其四如水之清如玉之貞如衡之平如鏡之明應享年以介壽何短晷之先傾晉喪名臣兮羊公見哀於武帝鄭有遺愛兮尼父掩泣于僑卿其五歸無途兮往不返歲將晏兮逝水遠南山南河往不返可奈何日運星迴天長地久旌芳宣懿無非舊友其六

刑部尚書韋抗神道碑

蘇頌題

天下膏腴之上莫若雍州雍州紱冕之多莫若韋氏粵自殷伯傳于漢相昌而世濟美慶不乏賢高矣乎猶秦塞出華岳西連於蟠冢大矣乎猶濁河納清渭東至於溟渤言之者可備也故周隋創曆後又當朝惟我二君迭為二祖道公其首郎也其仲處有山林之節糠粃俗塵出為廊廟之器丹青世道節之子太僕少卿陵州刺史武陽公諱津是生銀青光祿大夫太子詹事贈秦州都督謚曰貞諱璿是生司農丞贈金州刺史諱暢皆素風清範百代一時公諱抗字抗



廣州外英華 卷三十一  
三十九  
金州府君第二子也八歲精易十五讀春秋深入爻  
彖試論臣主及貴便成誦具解理微義中初以明經  
射策補魏州參軍立於稠人端若一鶚復常調就太  
子典膳丞丞換岐州司倉雍州司戶右輔要劇上京  
浩穰九年致豐兩訟舉直升左臺殿中侍御史轉尚  
書主客吏部二員外吏部郎中侍中執憲者雖譙郡  
桓彥範廣平宋璟大選持衡者京兆韋嗣立河內司  
馬鍾並遠識高量領賢進善齊白簡共青縑者范陽  
盧懷慎子從愿趙國李乂吳郡陸象先隴西李朝隱  
武功蘇頌爲四公特賞推數子之器公益文墨自持

準繩不雜拜洛陽令役人好惠務約刑清刻石而傳  
鳴桴自止遷御史中丞兼禮部尚書法明象魏禮達  
邦家外守其則內脩其度遷兵部尚書戎政孔殷夏  
司多僻作姦犯科者莫忌接利乘便者皆是公凡易  
四年濯然一變發其狙詐成我鷹揚別加銀青光祿  
大夫除太子左庶子闕以珍攝德以調護而巴蜀方  
隅西南斗絕戎常犯軼蠻或離叛討則勝不補亡厭  
造端之口綏則靜而作乂翹致理之心命公爲益州  
大都督長史持節巡按公至革乎弊順乎美暑往寒  
來人不知用風雨時順物果遂宜入拜黃門侍郎東



密黃扉右巖青闥半股肱之委總脩飾之裕上問燕  
顧近臣言韋抗朕素知之何適不允大鴻臚今與賓  
客之事古稱行人之職俾令即序期以不濫抗宜兼  
授登叶睿圖遷御史大夫持節朔方軍大總管擇副  
宰御元帥廷諍已決廟謀先假挫貪人於敗類追桀  
虜於奔亡公之績也會涼州都督楊敬述羽林將軍  
郭知運失律搖憲喪師倚權公確乎不拔條奏其罪  
公之正也以郡縣吏坐贓發覺貶安州都督尋與之  
蒲雲澤之庶河濱之阜聲淪澳沐頌被和樂未幾拜  
爲大理檢校刑部尚書欽若刑柄繫於人命士師之

望平寇之威安以手足所措慎以毫釐之失繫賴公  
勿喜斯得不寃而待筭則摧其巧粉飾則杜其效上  
將登封岱山留睠洛邑延企遲居徘徊往俞因謂公  
曰朕思久之用出卿者廼仗公作鎮還贈武陽伯兼  
使部銓斥浮動甄貞實妍媸露求當之途勢利塞容  
非之鏡復廬從愿暨頽受恩聯召崇朝交臂至信相  
欵他日攜手微疾應問豈期播落素秋宵冥玄夜開  
元十四年八月某日薨於洛之永義里第享年六十  
嗚呼人之望公以宗伯躋公陟台階佐王道始則夷  
路翹首終而亨衢鏃翻吁嗟全德孤我具膳而勝氣



慶文苑英華卷三十一  
標準色莊辭定舉不忤物行不由徑獨而不黨三者  
無惑聞義於卜商起予立誠於鮑叔知我撫遺恤寡  
常所空置以奮藻揮毫轉爲速速故大課典暮必咨  
於公是亦施政何遽薨也旒展深撫牀之痛纓綉借  
和鼎之實益如鄭國僑虞之奇楚子文魯公儀不其  
偉矣詔贈太子太傅護葬及窆備物加等太常考行  
曰貞粵以其年某月日卜葬於京城東南少陵原禮  
也笳鐸晨送烟霜曉發葬者藏也儉則自完素車出  
日縞服來至吉先兆於著蔡哀更傷於松柏光昭之  
事克恭懿之道存此曷爲然其不捐者三子長京兆

士曹參軍曰載次昭文生曰翹幼某公侯必復美秀  
而文可以崇京兆之阡屬扶陽之館公之季左司郎  
中萬年令澤州長宋曰某松柏之林也公最友于篤  
天倫之孔艱思我兄之不及疇云撰勒其寄雕刊以  
頌爰在弱齡獲知君子牙琴不賞慟哭茲晨樂弩仍  
懸沉羸歲晚銜悽固托撫疾何成愧不得絕妙好辭  
披文而相質爾銘曰

國大可寇家大彭氏亡世疇貴府君鍾美衣冠禮樂  
盡在是矣講信修睦自求諸已命之以官其直如矢  
秉之以憲其清若水遽登金華終列瑤阼威震蠻貊



信夫邊鄙日刑日政載敬載理公輔未升官人作紀  
奈何遠韻忽頓高軌跡滿清時事昭緹史微言遂絕  
令問不已巖綠南望樓丹北峙或向城闈或臨松梓  
盛烈孤邁群悲四起

工部尚書鮑防碑

蘇頌

如撞洪鐘

有唐尚書東海宣公姓鮑春秋六十有九公從三十  
六載致政二年歷官二十五凡居達官之長十二領  
四嶽十三州牧之寄三貞元六年秋八月景申薨于  
洛陽私第冬十月旬有七日從先公于北邙南原詔  
贈太子少保給鹵簿鼓吹旌其卒葬後三年嗣祖宗  
由惟中古封樹之制且曰丘隴與年代相推幾何而  
平松栢與霜露相薄幾何而盡將令百代之後游九  
原者徘徊不朽之烈歎息可作之美其惟金石刻乎  
是用建碑表墓以揚先懿公諱防字子慎河南洛陽



人其先蓋夏禹之苗裔春秋時杞公有仕齊者食菜  
於鮑因以命氏曾祖標皇隴州汧陽令祖仁爽雅州  
飛越尉贈眉州刺史父思溫彭州唐昌丞贈工部尚  
書皆盛德下位發祥於公天寶中天下尚文其口聞  
人則重侔有德貴齒高位公賦感遇十七章以古之  
政法刺譏時病麗而有則屬詩者宗而誦之舉進士  
高第調太子正字中州兵興全德違難辭末王去來  
璵爲李光弼所致光弼上將薛兼訓授專征之命于  
杲越輟公介之始兼訓之奉光弼也以順命爲忠不  
及於義公知光弼之不終也諭而絕焉東越仍師旅

饑饉之後三分其人兵盜半之公之兼訓也令必公  
口事必公手兵兼于農盜復于人是時中原多故賢  
士大夫以三江五湖爲家登會稽者如鱗介之集淵  
藪以公故也徵拜尚書郎優游公卿間執政者以代  
言之司見屬無何薛兼訓寢疾太原上以北門寄重  
軫念於薛思所以貳而代之者莫與公比召對勞賜  
寵而遣之公之至也人不知其帥之疾帥不自知其  
疾及其代也由亞尹中丞洎居守專征之倅各遷其  
任兵自勇厲至于輯睦人自安業至于移風政自無  
闕至于有典代宗嘉歎之不足圖寫公形列于別殿



蓋麟閣名臣之次也。三載朝覲屬今上嗣位，惟新大政，授公紀律，俾作典刑。拜御史大夫，旋以文武之柄，方鎮爲大。南國萬里，俾之師長，統閩越，轉江西。公之撫人也，以家勤之，以子愛之，利用用之，厚生生之。詔加銀青光祿大夫、右散騎常侍，紀成績也。真拜右常侍，扈從，遷符轉禮部侍郎。上還鎬京，展謝郊廟，公預太常折無文之禮，進封東海公，詔徵賢良，求其讜言。時薦仲兄，不敢違詔，承詔實蒼生利之宰臣病之。與公並命考第者，以爲異日故事言，或有犯投之不疑焉。公曰：使吾聞所未聞，聖朝之瑞也。擢居甲科，每歲

貢士充于王庭，心爲靈龜，事絕請托。京師仍歲蝗旱，務殷人耗，拜京兆尹，詔下風行，令宣政舉，威革難理。惠周無告，旣而痿痺生疾，陳乞遂閑，上置上將軍員，以待功臣，先用文儒者，耄以寵其選，拜右武衛上將軍，厥疾加劇，優詔授工部尚書，致仕。徙家東周，富天祿貴，天爵樂天命，頤天和，以終夫天年。嗚呼賢哉！公德本于孝，才歸于周，從王牧人，即戎臨事，大畧以忠肅慈惠，沉毅莊敏爲稱。喜善怒惡，不必爲已。論交任人，必惟其忠，入爲羽儀，出作藩翰，夔夔然以家人嚴君之義，屬于長兄。蓋什卿之祿，千乘之賦，一以奉之。



四時賓客之事。車服器用之費。一以稟之公與夫人。視諸孤郡。從唯所授。公不敢以禮秩異。夫人不敢以居有私。而敬恭和樂之道。於是乎久。御史中丞武威賈全公之甥也。少長於我。登朝異門。教切義方。慈均天性。故全之報也。稱天下甥舅加禮焉。鄭滑節度使隴西李融公之吏也。推以腹心。齊厥憂寵。歷佐三道。其間如一。故融之報也。類天下賓主加歡焉。於全也。見公之內。於融也。見公之外。然則公之行。已與人可知矣。夫人蘭陵郡夫人蕭氏。始佐公賢。終成公貴。及公既歿。清風如同。二孤前左衛兵曹參軍殿中省進

馬宗參以文學世公之業。孝友繼公之志。猶日不足以抒夫罔極。於是乎發揚垂裕之義。作為銘曰。穆穆宣公。為王蓋臣。終始明哲。優游寵勛。在昔理平。逢時尚文。高唱寡和。長才不群。星河麗天。卉木榮春。羽翰方睦。風雲構屯。乃佐戎帥。名屈道伸。乃登天朝。盛美惟新。茫茫南國。赫赫北門。股肱王室。父母生人。執憲成式。尹京作則。春官主文。宗伯尚德。出捍牧圉。入趨宸極。望實攸并。謀猷允塞。賢宜翊聖。道厄于命。方叔元老。冉耕所病。明明天子。禮優致政。曳履散金。願真保性。良辰何遠。厚夜何長。歸全故丘。鞏洛之陽。



唐文苑英華 卷三十一 碑銘類 四十七 奇賞齋

貞石是勒德音孔章於戲宣公百世不亡

唐刑部尚書致仕贈尚書右僕射太原白公墓  
碑銘 并序 李商隱  
公字樂天諱居易前進士避祖諱選書判拔萃注秘  
省校書元年對憲宗詔策語切不得為諫官補盤屋  
尉明年試進士取故蕭遂州澣為第一事畢怙集賢  
命其客取文刻碑文曰

唐刑部尚書致仕贈尚書右僕射太原白公墓

碑銘 并序 李商隱

公以致仕刑部尚書年七十五會昌六年八月薨東  
都贈右僕射十一月遂葬龍門子景受大中三年自  
潁陽尉典治集賢御書待大夫人弘農郡君楊氏來  
京師胖胖兢兢奉公之遺畏不克既乃伴右功世以  
命其客取文刻碑文曰

公字樂天諱居易前進士避祖諱選書判拔萃注秘  
省校書元年對憲宗詔策語切不得為諫官補盤屋  
尉明年試進士取故蕭遂州澣為第一事畢怙集賢

別味

唐文苑英華 卷三十一 碑銘類 四十七 奇賞齋



校理月中詔由右銀臺門入翰林院試文五篇明日以所試制加段佑兵部尚書領涇州遂爲學士右拾遺滿將擬官請掾京兆以助供養授戶曹時上愛兵襄陽荊州入疏獻物在約束外公密詆二帥且曰非善良後雖與宰相不戢禍其後禮官竟以多殺不辜謚于頔爲厲李師古襲父事逆務作項領以謾儕曹上錢六百萬贖文貞故第以與魏氏公又言文貞第正堂用太宗殿材魏氏歲臘鋪席祭其先人今雖窮後當有賢即朝廷覆一瓦魏氏有分彼安肯入賊所贖第邪上由是賜錢直以居其孫在職三年每謙

盛德

見多前笏留上輦是否意詔滿剔扶摩望及少年見天下無一事五年會憂掩坎廬墓七年以左贊善大夫著吉武相遇盜殊絕賊棄刀天街日比午長安中盡知公以次紙爲疏言元衡死狀不得報即貶江州移忠州刺史穆宗用爲司門員外四月知制誥加秩主客真守中書舍人叙緋受上旨起田孝公代恒陽孝公行贈錢五百萬拒不內燕趙相殺不已公又上疏列言河朔畔岸復不報又貶杭州旣至築堤扞江分殺水孔道用肥見田發故鄴侯泌五井渟儲其清以變飲食循錢塘上下民迎濤祠神伴侶歌舞徒右



庶子出蘇州授秘書監換服色遷刑部侍郎乞官分  
司得太子賓客除湖南尹復爲舊官進階開國九年  
除同州不上改太子少傅申百日假又二歲得所薨  
官白氏由楚入秦秦自不直社郵事封子仲太原以  
有其後祖某鞏縣令考季庚襄州別駕贈太保一女  
妻譚氏始公生七月能展書指之無二字橫縱不誤  
旣長與弟行簡俱有名故李刑部建庾左丞敬休友  
最善居家以戶小飲薄酒朔望晦輒不肉食携鄧同  
韋楚白服遊人間姓名過海流入鷄林日南有文字  
國爲中書舍人三日如建中詔書上鄭公覃自代後

爲相稱質直文宗時文貞公果有孫起使下數歲至  
諫議大夫賢可任爲今上御史中丞他日景受嘗跪  
曰大人居翰林六同列五且爲相獨白氏亡有公笑  
曰汝少以待其曾祖弟今右僕射平章事敏中果相  
天子復憲宗所欲得開七關城守四州以集巨伐仲  
冬南至備宰相儀物擎跪齋粟給事寡嫂永寧里中  
有兄弟家指嚮徒慕以信公知人集七十五卷元相  
爲序系曰  
公之世先用談說聞肅代代優布蹤河南陰德未校  
公有弟昆本跋不攝乃果敷舒匪幣匪牖噫其醇腴



于鄉泊邦取用不窮天子見之層陞玉堂徵徵其中  
上汰唐禹帝爲輦留續緒縈縷歲終當遷戶曹是取  
曄白其華矚不痕繼用從棄遣至道天子疇誰與伍  
率中道上納筆懾麾綽三郡理旣去刑部倏東其居  
大尹河南剪其暴逋君有三輔臣有田畝臣衰君強  
謝不堪守翊翊伸伸君子之文不僭不怒惟君子武  
君子旣貞兩有其矩孰永厥家曾祖之弟坤柄巽繩  
以就大計匪哲則知亦有教詔益褒其收擢莠而導  
刻詩於碑以報百世公老於東遂葬其地

翰林學士李白墓碑

裴敬

李翰林名白字太白以詩著名召入翰林世稱才名  
占得翰林他人不復爭先其後以脅從得罪旣免遂  
放浪江南死宣城葬當塗青山下李陽冰序詩集粗  
具行止敬嘗遊江表過其墓下愛其才壯其氣味其  
嗜酒知其取適作碑於墓且曰先生得天地秀氣耶  
不然何異於常之人耶或曰太白之精下降故字太  
白故賀監號爲謫仙不其然乎故爲詩格高旨遠若  
在天上物外神仙會集雲行鶴駕想見飄然之狀視  
塵中屑屑米粒蟲睫紛擾菌蠢羈絆蹂躪之比又嘗



此事大奇

有知鑒客并州識郭汾陽於行伍間爲免脫其刑責而獎重之後汾陽以功成官爵請贖翰林上許之因免誅其報也又嘗心許劔舞裴將軍予曾叔祖也嘗投書曰如白願出將軍門下其文高其氣雄世稀其本慙失其傳故傳叙之太和初文宗皇帝命翰林學士爲三絕贊公之詩歌與裴將軍劔舞泊張旭長史草書於三絕夫天付上才必同靈氣賢傑相投龍虎兩合何爲知者言非常人所知也夫古以明德稱占其官謚者甚希前以詩稱者若謝吏部何水部陶彭澤鮑參軍之類唐朝以詩稱若王江寧若宋考功韋

蕪州王右丞杜員外之類以文稱者若王拾遺蘇司業元容州蕭功曹韓吏部之類以德行稱者元魯山陽道州以直稱者魏文貞狄梁公以忠烈稱者顏魯公段太尉以武稱者李魏公英公以學行文翰稱者虞秘監唐之得人於斯爲盛翰林其以詩稱之一也予嘗過當塗訪翰林舊宅又於浮屠寺化城之僧得翰林自寫訪賀監不遇詩云東山無賀老却棹酒船迴味之不足重之爲寶用獻知者又於歷陽郡得翰林與劉尊師書一紙思高筆逸又嘗遊上元蔣山寺見翰林讚誌公云水中之月了不可取刀齊尺量扇



其文勝于詩

迷陳語文簡事備誠為作者附於此云會昌三年二  
月中敬自潁水草堂南遊江左過公墓下四顧青山  
兩發塗口徘徊不忍去與前濮州鄆城縣尉李邵同  
以公服拜其墓問其墓左人畢元宥實備灑掃留絹  
帛具酒饌祭公知公無孫有孫女二人一嫁劉勸一  
嫁陳雲皆農夫也日口二孫文不拜墓已五六年矣  
因告邑宰李君都傑請免畢元宥力役俾專灑掃事  
噶享名甚高後事何薄謝公舊井新墓角落青山白  
雲其為蕭索巨竹其墓如公卓犖天長地久其名不  
朽此為祭文寫授元宥又為碑曰

貴盡皆然名存則難故子重名不重官作李翰林碑  
十五字而已



廣文苑

卷二十一

碑

韓愈

少府監胡公神道碑  
韓愈

可以式靡

少府監胡公神道碑

韓愈

八月十四日葬京兆奉先夫人天水趙氏祔焉其子  
逞廼巡遇迹遷造與公婚廣文博士吳郡張籍以公  
之族出行治歷官壽年為書使人自京師南走八千  
里至閩南兩越之界上請為公銘刻之墓碑於潮州  
刺史韓愈曰胡姓本出安定後徙清河於今為宗城  
屬貝州大父諱秀武后時以文材徵為麟臺正字父  
宰臣用進士卒官平陽冀氏令贈潭州大都督公早  
孤能自勸學堅節槩非其身力不以衣食凡一試進

廣文苑

卷二十一

碑

韓愈



士二即吏部選皆以文章占上第出爲儉勤自刻削  
不干人以矯時弊及爲富平尉一府稱其斷決建中  
四年侍郎趙贊爲度支使薦公爲監察御史主餽給  
渭橋以東軍洗手奉職不以一錢假人賊平有司覈  
考刑吏多坐死獨公以清苦能檢飾無漏失遷河南  
倉曹魏公賈耽以節鎮鄭滑以公佐觀察事檢校尚  
書工部員外郎以剛直齟齬不阿忤權貴除獻陵令  
居陵下七年市置田宅務種樹爲業自給教授子弟  
貞元十一年吏部大選以公考選人藝學以勞遷奉  
先令以治辦遷尚書膳部郎中改坊州刺史州經亂

無孔子廟公至則命築宮造祭器率博士生講讀以  
時如法以祀人更聚觀歎息遷舒州刺史州歲大熟  
麥一莖數穗間里歌舞之考功以聞遷尚書駕部郎  
中教以公事犯尚書李巽巽時主鹽鐵事富驕恃勢  
以語丞相由是退公爲鳳翔少尹巽死遷少大理元  
和十二年朝廷爲公年老能自祗力事職不懈可嘉  
拜少府監兼知內中尚明年以卒公始以進士孤身  
旅長安致官九卿爲大家七子皆有學守女嫁名人  
年幾八十堅悍不衰事可傳載可謂成德銘曰  
竭竭胡公旣果以方挾藝射科每發如望人求於人



廣文苑英華 卷三十一 五十四 詩賞齋  
我已爲之自始訖終不降色辭因官立事隨有可載  
發跡餽軍遭讒府界去居陵下爲吏爲隱坊舍之政  
于茲有嘆守官駕部名昇以屈躋于少府甚宜秩物  
不配其有君子耻之少府古卿公優止之刻文碑石  
以顯公行維公後人無怠嗣慶

虞部贈衛尉卿李公神道碑

王元之

嘉祐八年六月某甲子制曰朕初即位大賚群臣陞  
朝者及其父母具官某父具官某率德蹈義不躬榮  
祿能教厥子並爲才臣加賜名命序諸卿位所以勸  
天下之爲人父者豈特以慰孝子之心哉可特贈衛  
尉卿翌日某甲子中書下其書告第又副其書賜寬  
等以待墓焚寬等受書焚其副墓上乃撰次衛尉官  
世行治始卒來請曰先人賴天子慶施賜之官三品  
矣而墓碑未刻惟德善可以有辭于後世者夫子實  
聞知某曰然衛尉公墓隧宜得銘久矣於是爲序而



銘馬序曰公姓李氏故隴西人七世祖諱某始遷于光山五世祖諱某以其郡人王閩從之始爲建安人曾祖諱某祖諱某皆不仕考諱某嘗仕江南李氏稍顯矣江南國除又舉進士中等以殿中丞致仕有學行名能知人贈其父大理評事而已亦以子貴贈至吏部尚書遊豫章樂其湖山曰吾必終於此於是又始爲豫章人尚書之子伯曰虛已官至尚書工部侍郎以才能聞天下其季則公也公諱某字公濟少篤學讀書兼晝夜不息一以進士舉不中即以兄廕爲郊社齊郎再選福州閩清洪州靖安縣尉有能名遷

每見淡於  
仕進之人  
欣然願爲  
之役

饒州餘干縣令至則毀淫祠取其材以爲孔子廟率縣人之秀者與于學豪宗大姓斂手不敢犯法州將部使者奏乞與京官移之劇縣不報而生不覺獄卒殺人以免當是時侍郎方以分司就第公曰吾兄老矣我得朝夕從之游以洒掃先人廬冢尚何求而仕遂止不復言仕侍郎之卒也天子以公試祕書省校書郎知江州德安縣事辭不就後嘗一至京師大臣交口勸說欲官之終以其不可強也而晏元獻公爲公請乃除太子洗馬致仕初尚書未老棄其官以歸至侍郎及公之退也亦皆未老自尚書至公再世皆



有子而皆以嚴治其家如吏治江西士大夫慕其世德稱其家法蓋近世士多外自藩飾爲聲名而內實罕能治其家及老往往顧利冒耻不知休息公獨父子兄弟能如此嗚呼其可謂賢於人也已公事親孝比遭大喪廬墓六年然後已事兄與其寡姊衣食藥物必躬親之及公老矣二子就養如公之爲子弟也寬嘗爲江浙等路提點鑄錢坑冶又嘗提點江南西路刑獄定亦再爲洪州官不去左右者十二年皆以才能爲世聞人以恩遷公官至尚書虞部郎中階至朝奉郎勳至護軍以嘉祐四年七月某甲子卒於豫

章之第室年八十九夫人長壽縣君趙氏先公卒八年旣葬矣五年某月某甲子以公葬于夫人之墓左曰雷岡在新建縣之桃花鄉新里夫人故衢州人某官湘之女湘有文行尚書與爲友故爲公娶其女子三人寬定定定守秘書省正字早世于公之葬也寬爲尚書司勳員外郎定爲尚書庫部員外郎女子二人已嫁孫二十有一人曾孫十有五人皆率公教無違者公旣葬而二子以恩贈公衛尉卿云銘曰  
李世大家隴西其先於唐之季再世光山移遷于閩嶺海之間乃生尚書節行有偉始來江南考室章水



繩繩二子隱顯兼榮孰多後祿其季維卿幼壯躬孝  
 維君之踐能不盡用止於一縣退以德義肇身於家  
 外內肅雖人不疵嗟亦有二子維天子使父曰往矣  
 致而臣身子自歸哉以寧吾親以率其婦左右恂恂  
 以官就侍天子之仁既具祉福考終大耄追榮子幽  
 乃賜卿號伐石西山作為螭龜管之墓上勒此銘詩

故宋文節先生謝公神道碑

李源道

天訖宋命皇元一四海而統之至元二十三年行御  
 史臺侍御史程鉅夫以宋遺士三十人薦于朝於是  
 江東謝枋得在舉中被徵丁內艱辭亡何連詔江浙  
 行省丞相蒙古台江西行省左丞管如德名皆不起  
 廿六年春正月福建行省參政魏天祐復被旨集守  
 令戍將迫蹙上道迺行夏四月至京師不食死春秋  
 六十有四八月子定之奉柩還廣信明年九月葬其  
 鄉之玉亭龔厓其門人誄而題之曰文節先生謝公  
 墓先生曾祖彥安祖一鶚考應琇潯州僉判妣桂氏



封碩人先生諱枋得字君直信州弋陽人宋寶祐乙卯薦于鄉丙辰試中禮部高等比對力詆時宰闈宦奮不顧前後抑置第二甲第一人初潯州君以事忤使者董槐被劾以死先生既第董槐執政竟不堂參以歸丁巳名試教官調建寧府教授己未趙葵宣撫江東西辟爲屬尋除禮兵部架閣令募兵援江上出楮幣十萬貫得信撫義士數千人以應宣撫司罷賈似道當國會軍與出入簿責任事者公毀家以庚不足坐廢至元初長星竟天踰月我師壓江上宋社日替江東漕司猶試士徵較藝先生憤賈竊政柄害忠

良誤國毒民發策十問擿其奸極言天心怒地氣變民心離人才壞國有亡諂辭甚剝切大佛賈肯臺評竟上其謗訕鑄兩秩與國軍安置因謫所山門自命疊山守令皆及門執弟子禮丁卯以史館名先生曰似道餌我也不赴閉戶講道聞之者翁如若周岳熊朝余安裕楊應桂余炎謝禹莫若輩皆知名介然自將足跡不及權門里中人行事或不循於理者輒曰謝架閣聞乎有持兩爭必來質平遣以理無秋毫假與人意人亦高其風必自審乃進非義者未嘗敢至其前也乙亥連以史館校勘祕書省著作郎召牢辭

不輕言貴  
謂道何爲



授江東提刑總其兵以守饒信撫與王師戰輒敗不能軍遂易服負母走閩中隱于卜信守將悉捕公妻子弟姪送建康獄夫人李氏有容德有廉帥者欲妻之一夕自經死弟某某姪某某及一女二婢皆死獄中惟二子熙之定之移獄廣陵得釋又有弟禹在九江亦以不屈斬于市先生資嚴厲雅負奇氣風岸孤峭不能與世軒輊而以天時人事推宋必亡於二十年後抗論儉宰老竭魔不售終不取合於時其為人蓋如此及程公之薦報書廼曰弓旌招賢輪帛迎士有志經世者孰不興起及非其人非我皇帝夢卜求

賢之初意也觀其言非徒決於剛憤者少力學六經百氏悉淹貫爲文章偉麗卓然天成不踐襲陳言宿說論古今成敗得失上下數千年較然如指掌尤善論樂毅申包胥張良諸葛亮事常若有千古之憤者而以植世教立民彝爲任貴富賤貧一不動其中其言曰清明正大之心不可以利回英華果銳之氣不可以威奮其自信率此類先生之比也貧苦甚衣結屨穿行雪中人有嘗德之者以兼金重裘不受平日所著易書詩三傳行於世雜著詩文六十四卷翰林學士盧公摯爲之序引深所推激夫人李氏男三



義勇早卒熙之歸自廣陵亦卒定之賢而甚文累薦  
不起孫男二信孫仁孫先生死之二十有四年門人  
虞舜臣率其徒築室買田祠公弋陽之東江浙行省  
請于朝爲疊山書院又五年予在集賢待制悉易周  
應極狀其事致定之之語求銘墓道嘗謂先生天下  
士源道仰其文章風節蓋四十年而不一識是區區  
者尚何辭哉銘曰

嗚呼先生生也何時生也後時日薄崦嵫維南有孽  
龜玉毀折我朝天明乃完其節鷄鳴風雨歲寒松栢  
伊其板蕩古有蓋忠道統旣闕人文斯一有美翔鸞  
載鳴載集曷廸匪庭曷裸匪京萬里氷天介石自貞  
奚卒不施闕于佳城嗚呼先生



朝官類

故金尚書右丞耶律公神道碑

元好問

右丞文獻公在大定間所以爲通儒爲良史爲名卿材大夫者其事未遠當代耆舊尚及見之好問嘗從事史館每見薦紳先生談近代賢臣莫不以公爲稱首公自初入館即被顧問忠言嘉謀不可一二數及薊州召還世宗始有意大用公於是時汨沒文字間者餘二十年其衰且病亦已久矣故財入政府即乞罷未幾果以不起聞私竊慨歎以爲生材爲難盡其材爲尤難古之人急於拯世至於分陰爲惜歲不我與忽焉有賣志之恨觀姚元崇之薦張柬之與張嘉



貞之所以自薦爲可見矣。世宗重惜名器百執事之人必擇焉而後用。得人之盛近古所未有。至於孤儁偉傑之士困於資考限於銓選百未一試兀然而空老者抑多矣。以公之材當春秋鼎盛時不能使之極其所至以建久安而隆長治故雖爲章宗所相至論得時行道識者猶以不能亟用爲世宗惜之。公諱履字履道遼太祖長子東丹王突欲之七世孫東丹生燕涼留守政事令婁國婁國生將軍國隱國隱生太師合魯合魯生太師胡篤胡篤生定遠大將軍內刺內刺生銀青榮祿大夫興平軍節度使德元公之考

曰聿魯興平之族弟也。公早孤養於興平五歲時嘗夏夜露臥見天際浮雲往來忽謂乳母言此殆臥看青天行白雲者耶。興平聞之驚且喜曰吾兒文性見於此矣。自是日知問學讀書一過目輒不忘及長通六經百家之書尤邃於易太玄至於陰陽方技之說歷象推步之術無不洞究善屬文早爲時輩所推爲人美風儀善談論見者懍然敬之嘗以鄉賦一試有司見露索失體即拂衣去。廕補內供奉班尋辟國史院書寫素善契丹大小字譯經潤文旨辭達而理得。大定初朝廷無事世宗銳意經籍詔以小字譯唐史



成則別以女直字傳之，以便觀覽。公在選中，獨主其事。書上，大家賞異，擢國史院編修官，兼筆硯直長。改置經書所，徑以女直字譯漢文，選貴胄之秀異就學焉。一日，世宗召問公，朕比讀貞觀政要，見魏徵忠諫，恨不與之同時。近世如徵者，獨未之見，何也？公乃感奮爲上言，徵輩不難得，時太宗不常有耳。世宗曰：卿謂我不納諫耶？卿識劉用晦、張汝霖否？二人者皆不應得三品，朕以其屢有忠言，故越次用之。朕豈不納諫耶？公曰：臣自幼未嘗去朝廷，彼二人者，誠未見其諫也。且海陵杜塞言路，天下緘口，習以成風，願陛下

懲艾前弊，開忠諫之路，以通下情。則天下幸甚。初，議以時務策設女直進士科，禮部以所學不同，未可驟稱進士。詔公定其事，乃上議曰：進士之科起於隋大業中，始試以策。唐初因之。至高宗時，雜以箴銘賦頌。文宗始專用賦，且進士之初，本專策試。今女直諸生以試策稱進士，又何疑焉？世宗說事遂施行。十五年，授應奉翰林文字，兼前職。以大明曆積微浸差，乃取金國受命之始年，誤乙未元曆云自丁巳大明曆行。正隆戊寅三月朔日當食而不之食，曆家謂必當改作，而朝廷不之卹也。及大定癸巳五月朔甲午十一



廣文苑英華 卷三十一 禮部 禮部 禮部  
月朔日食皆先天丁酉九月朔乃反後天臣輒跡其  
差忒之由冀得中數以傳永久書成上之世推其精  
密十九年遷脩撰二十年詔提控銜慶宮畫功臣像  
以稽程降應奉踰年復為脩撰轉尚書禮部員外郎  
章宗為金源郡王以公該洽每以經史疑義為質公  
承間請曰殿下注意何經章宗曰吾方授左氏春秋  
公曰左氏雖授經聖人率多權詐駁而不純尚書孟  
子載聖賢純一之道願留意焉章宗善之曰醇儒之  
言也二十六年進本部郎中兼同脩國史翰林脩撰  
表進孝經指解言宋仁宗時司馬光以為古文孝經

先秦所傳正得其真因為指解上之臣愚竊觀近世  
皆以兵刑財賦為急而光獨以童蒙所訓者進之君  
正以孝為百行之本其至可以通神明動天地為人  
君者誠取其辭旨措之天下四方則元元之民受賜  
溥矣臣竊慕焉故敢以為例世宗母睿宗貞懿皇后  
睿宗厭世即為比丘尼當時朝命嘗有國師之號及  
是世宗議遷祔于景陵朝臣有以孝寧宮碑所載遺  
訓當用出家禮葬不可違改為言者事下禮部講求  
往時主上在潛貞懿身奉釋教業已受朝命必當別  
葬無可議者尚以人情所難恐傷主人孝心故出明



訓使之遵行出於母慈灼然可見本不知有今日之事而然今則子爲天子母后稱號不得不尊國師之命固已革去矣向使主上登極之後貞懿萬福尊崇之數自有典常母后聖性明達必不重違有司之請以桑門之教以此言之碑文所載不可質於今日明矣從之世宗嘗問宋名臣孰爲優公以端明殿學士蘇軾對世宗曰吾聞蘇軾與駙馬都尉王詵交甚款至作歌曲戲及帝女非禮之甚其人何足數耶公曰小說傳聞未必可信就令有之戲笑之間亦何須深責豈得并其人而廢之世徒知軾之詩文爲不可及

戲笑亦可

臣觀其論天下事實經濟之良材古之古人陸贄而下未見其比陛下無信小說傳聞而忽賢臣之言明日錄軾奏儀上之詔國子監刊行俄以疾求解世宗憫其勞授薊州刺史爲郡寬猛適中旬月之間政聲藹然此州寶坻鹽司所在瀕海之民煎鹵而食鹽官時以弓兵捕之亦有平民被羅織者一陷於禁往往爲之破產官吏疾其然凡以鹽事逮捕者一切勿遣或捕得弓兵則幽之獄中鹽司隨亦取報前後數政不能解一日捕得弓兵公召僚屬論以和解之意即縱遣之口授文移過爲謙抑鹽官大爲感悅前弊遂



華薊人至今德之是年車駕東狩過州聞公疾稍平  
召爲翰林待制同脩國史明年擢禮部侍郎兼翰林  
直學士進官五階世宗不豫詔公入侍遂預太師淄  
王定冊之功二十九年春三月章宗即位進禮部尚  
書兼直學士同脩國史特賜孟宗獻榜進士及第初  
世宗遺詔移梓宮於萬寧宮章宗詔百官議其事皆  
謂當以遺詔從事獨公奏曰非禮也天子七月而葬  
同軌畢至其可使萬國之臣朝大行於離宮乎土從  
之乃遷座於大安殿七月拜參知政事兼脩國史進  
官兩階公辭以才薄任重恐貽天下笑章宗曰朕在

東宮時熟御名今觀卿言行無不可者故首命相朕  
此自朕意非左右爲之先容卿其毋讓公乃拜命自  
以兼直學士入拜乃舉前代光院故事以錢五十萬  
送學士院學者榮之明昌元年進尚書右丞夏六月  
丙午春秋六十一薨於位天子聞而震悼戊申權殯  
於都城南柳村詔百官會喪中使宣慰其家賜錢二  
百萬秋八月辛巳車駕臨奠宰相百官陪賜諡曰文  
獻賜錢二百萬帛四百匹重幣四十端九月庚午葬  
於義州弘政縣東南鄉先塋之側其發引也勅百官  
郊遣使祭於路給鼓旗二十事以導詔同知臨海送



軍節度使管護喪事凡飾終之具皆從官給哀榮終始當世莫及積官正議大夫漆水郡開國公始娶蕭氏遼貴族再娶郭氏岵山世胄之孫三娶楊氏名士曇之女公以時制人之養於諸父者不得別贈所生父官故三夫人皆不爲請封子男三人曰奉國上將軍武廟署令辨才曰龍虎衛上將軍贈工部尚書善才曰領中書省楚才女一人嫁士族男孫四人鈞鉉鏞鑄公資通敏善辭令曾懷倜儻有文武志膽酬酢事變若迎刃而解與人言必盡誠無隱得人一善若出諸已至稱道不絕一推賢讓能力爲引薦後

生輩借公餘論多至通顯論事上前是非利病惟理所在未嘗有所回屈世宗朝御史大夫張景仁領國史公爲編脩受詔脩海陵實錄他日世宗問侍臣海陵弑熙宗血濺於面霑及衣袖景仁何爲隱而不書或曰景仁事海陵頗被任使故爲諱之世宗作色曰朕不謂景仁乃有是心公曰臣與景仁嘗有隙必不妄爲蓋蔽然景仁未嘗有是心也世宗曰景仁與卿何隙曰臣以小字爲史掾景仁以漢文爲史官予奪之際意多不相叶且謂臣藏匿遼史秩滿移文選部使不得調此私隙也今對上問公言也臣不敢以私



害公。世宗又曰。隋煬帝弑逆。血濺於屏。史亦書之。卿謂景仁無是心。何不如隋史書之。曰。煬帝自諱其惡。故史臣不載之。帝紀而詳見於他傳。此所謂闡而章者也。海陵以廢昏爲辭。明告天下。居之不疑。此不同也。且與之弑君而不辭。血濺之罪。雖不書可也。世宗怒。遂解章宗朝太府少監李特里。先爲漢王長史。吏卒苦其苛暴。誣以怨望。語連漢王。有司論當死。公上封事言。陛下飛龍之始。當以親親爲先。李特里之獄。本出構成就。使實如所論。猶當以漢王之故。容之。况疑似之間乎。書奏。即日原之。初。典平養公爲子。後生

子震興。平捐館。悉推家資予之。及震卒。妻子貧無以爲資。復收養之。族人有負人債而宦遊不返者。公代爲輸息者十年。旣又無以償。遂代償之。奉使江左。得金直千萬。皆散之。親舊旬月而盡。薨之日。庫錢裁餘二千而已。體素臞瘁。一旦暴得吐疾。登至委頓。家人憂懼。不知所爲。冠曰。死生如往來。人之恒理。何憂。患之有。取吾冠服來服之。怡然而逝。其安常處順。又如此。晚稱忌言。居士有文數百篇。論者獨推其操。著說蓋不階師授。而獨得之者。癸卯秋。八月中。令君使謂好問言。先公神道碑。泰和末。先夫人教授禁中。章宗



以魏搏霄所撰墓銘爲未盡欲喬轉運宇爲之而不  
及也今屬筆於子幸而論次之以俟百世之下好問  
再拜曰謹受教乃爲之銘曰

德星煌煌出東方讓王七世蔚有光高陽苗裔襲衆  
芳得易貞幹書潛剛帝前魏冠講虞唐德音一鳴鳳  
朝陽謂公不逢相明昌謂公爲逢違所長風后力牧  
望顏行老之著作暨典常興陵用公殆未嘗丘山萬  
牛僨且僵顧以根闢待豫章繫國短脩奚我傷維公  
之息季獨良不周柱天屹堂堂有來殷士作裸將力  
挈一世歸壽康泝游推之公不亡千年萬家置冢安

龜石有銘示不忘淵兮溱水其未央



卷三十一  
七

翰林學士元公神道碑

馬祖常

有元古文之宗曰翰林學士清河元公以至治二年  
壬戌二月七日薨于位葬而墓碑未刻其長子奉議  
大夫同知峽州路事晦又死次子嵩七歲一女病而  
不嫁一孫尚乳也夫人清河郡夫人李氏纍然抱其  
孫僦船歸清河織紵以居賓客僚隸皆四散無一顧  
之者獨其友玄教大宗師吳全節謂馬祖常曰清河  
公以文起家可謂貴顯光榮矣而其葬之後無碑以  
載其官閥世次行事之實爾宜為文我求善楷書者  
礱石以刻焉祖常曰嗟乎甚之士一得志則攘袂於

黃文苑英華 卷三十一 墓神類 三十一 奇賞齋



所親一不得志則視魄而不能生者比比也今子託  
跡老氏而以禮義之事振吾徒何能侈言以飾愧哉  
謹按公諱明善字復初資穎悟絕出讀書目所過即  
記諸經皆有師法尤深於春秋弱冠游吳中奮宋金  
季世之習已名能古文流轉江淮間浙東部使者薦  
之行省辟正安豐路學再正建康路學居歲餘行樞  
密院辟克令史故辨章董公上選實僉院事敬之如  
賓不以曹屬御之也董公遷江西行省左丞復羅致  
之省中會贛賊劉貴反從左丞將兵討之擒賊三百  
人議緩註誤得全活者百三十人又將斬一賊命公

臨斬左丞曰掾儒生能臨斬乎當震怖矣終刑已色  
不變將佐白宜多戮人及尸一切死者用張軍聲公  
固爭以爲王者之師恭行天罰若等小賊跳梁殺其  
渠魁耳餘何辜焉賊貴盜書民丁十萬於籍有司喜  
欲發之公夜置火籍橐中焚之以滅跡贛吉遂安南  
行臺聞之亦辟爲掾未幾進登仕佐郎樞密院照磨  
轉中書省左曹掾曹無留事坐誣免不拜僑寓淮南  
文學益肆頃之坐誣事明復掾省曹至大戊申我仁  
宗皇帝養德東朝左右文化選天髦俊之士列在宮  
臣公首被簡拔授以直郎太子文學仁宗即皇帝位



遷翰林待制承直郎兼國史院編脩官與脩成廟實錄明年與脩順廟實錄加奉議大夫是年陞翰林直學士朝列大夫知制誥問脩國史有詔命節書文譯其關政要者以進公請與宋忠臣子集賢直學士文陞同譯潤書成每奏讀一篇上必善之曰二帝三王之道非卿莫聞也太皇太后既受尊號朝堂集議宜赦公曰數赦非善人福宥過可也乘傳出賑山東河南飢彭城下邳諸州連數十驛保馬民飢官無文書公專以鈔萬二千定分給之民免死徙皇慶壬子脩武宗皇帝實錄明年遷翰林侍講學士中奉大夫預

議科舉服色延祐乙卯國家始策試士子選充考官廷對又充讀卷官迅筆詳定試卷數語辭義咸委曲精盡他人抒思者不及也改禮部尚書正孔氏宗法以五十四世孫忌晦襲封衍聖公事上制可之參議中書省事毗贊良多知戊午貢舉復入翰林爲侍讀學士通奉大夫歲中拜湖廣行省參知政事便道過家上冢鄉之父老子弟迎謁勞問禮意周洽庚申英宗踐祚徵入爲集賢侍讀學士召至上都議廣廟制授翰林學士資善大夫脩仁廟實錄百官迎仁廟聖容云有卿雲見承認爲文以紀之賜酒嘉口英宗親



履文苑英華 卷三十一 七十三 奇賞齋  
裸太室禮官進祝冊葉請署御名上命代署者三眷  
過褒優近世無有也既薨之三月歸塋於清河王家  
原之先塋西三里泰定間得請于朝贈資善大夫河  
南江北等處行中書省左丞追封清河郡公諡文敏  
曾祖諱興不仕曾祖妣楊氏二世以下皆以公貴祖  
諱海贈嘉議大夫祕書卿上輕車都尉追封清河郡  
侯諡貞惠祖妣高氏追封清河郡夫人考諱貢將仕  
佐郎同管勾蘆瀝鹽場贈中奉大夫吏部尚書護軍  
追封清河郡公諡孝靖妣弭氏追封清河郡夫人元  
氏蓋拓跋魏之苗南北轉徙不知所系家清河者至

公四世矣享年五十有四其文有賦五詩凡一百六  
十三銘贊傳記五十九序三十雜著十五碑誌一百  
三十出入秦漢之間本之於六經以涵泳其膏澤參  
之於諸子百家以騁其辨刻而不見其跡新而必自  
已出蔚乎其華敷鑠乎其古聲倡古學於當世爲一  
代之文章者柳城姚燧暨公而已信乎其必傳也雖  
然才用而未盡積厚而施寡徵之於天其善後也無  
疑祖常曩從公游及公考士又辱下列義當銘銘曰  
於維公文並古立大沛厥辭世莫躡震龍警瞶力不  
克蜚聲天衢名焜焜位臻公卿發軔跡蘊而不施用



廣雅釋義卷三  
弗極神視其馳學乃碩天藻揆縟琢圭璧五十四年  
返玄宅

領太史院事楊公神道碑

姚燧

嗚呼有秦君子楊公諱恭懿字元甫其先始鄉耀之  
同官中避宋亂徙美原五世祖儀徙今京兆之高陵  
與高祖亨再世力田曾祖植祖禮再出仕縣吏考天  
德擢金興定進士第由傳之聊城丞掾陝西行臺權  
大理寺丞主京兆長安慶陽安化簿辟令順德之隆  
德及安化而安化兼錄事州之判官三職具脩積官  
中大夫其德其烈有先師司徒許文正公墓誌言章  
宗南郊爲太常臣授幣而立御史將劾不恭其友曰  
夫夫習於禮者各行祕書蓋從而問曰授坐不立御



史慚縮而止太常則孫公通祥實公外王父公以正大乙丙生于其居京兆之雙桂坊童而讀書記識強敏日數千言時艱從中大夫逃亂而東不恒其居于汴于歸德于天平雖間關險阻未嘗怠弛其業年十七侍中大夫西歸無田于郊假室以居鄉鄰或繼其匱皆謝不取惟服勞以爲養暇則力學綜博於書無不經目而究心者摠衣之徒戶外滿屨橫經入問爲析疑義源源其辭若決江河而下之名聲日延海內縉紳友太中者馳書交譽知之庸者求觀其文後其肆者以爲鱣堂之席有繼與其極者直期以宗盟斯

道於將來時已邃易禮春秋思有纂述恥爲章句儒而止志於用世反覆史學以監觀廢興存亡理亂得失於千數百年之中曰輔治之具禮樂兵刑禮樂非王者果爲不可興行於天下兵恃以芟暴亂而安元元刑取其弼教循本以求皆仁義之資也不講之有素或一旦帥三軍爲士師貿貿焉不知其方反受成教武人俗吏乎事雖未試從可槩見其佐王之略年二十四始得朱子集註章句四經太極圖小學近思錄諸書誦其言而推其意嘆曰人倫日用之常天道性命之妙皆萃此書今入德有其門矣進道有其途



矣。吾何獨不可及前脩踵武哉。窮理以致其知，反躬以踐其實，動靜云爲，一乎持敬，行之以剛健，居之以悠久，日就月將，俟其成功於潛齋之下，自任益重，前習盡變，不事浮末矣。歲甲寅，司徒奉潛藩教來，秦公往見之際，具道德之光，聞其仁義之言於傾蓋頃歸，心服曰：世烏有斯人之倫。敬事猶師，而司徒友之，亦至分庭而行，抗席而坐，一遇講貫，動窮日力，而所造益深。平居詎于爲言，喪中大夫絕口水漿五日，喪葬用牲盡，桑門惑世之法爲具不足，稱貸益之，棺槨皆黃腸衣衾，必緇䟽衰，饘粥悲憂爲疾，杖始能興，司其

會葬歸，語學者曰：小子志之，曠世墜典，夫夫特立而獨行之，其功可當肇脩人極。聚居六年，司徒東歸，喪妣夫人，猶中大夫，其疾益酷，三輔士夫知由禮制，自致其親者，皆本之公。先是宣撫司行省欲以掌書記共議事，祿之皆不可屈。至元七年，詔司徒由國子祭酒拜中書左丞相，始與右丞相安同共政。日譽公賢，丞相以聞，十年上遣協律郎申敬來召疾，不能行。十一年，儲皇下教中書，汝如漢惠聘四皓者，其聘以來，故丞相遣郎中張元智書致，是命其冬下車京師。上遣丞相第今國王和童勞其遠來，他日入見，上問何鄉



先德爲誰從何師學子今有幾無不周悉其夕嘔血  
上遣尚醫來候且賜之藥少間明年月正元日之翼  
日上御香殿以大師南伐使久不至方念之深欲筮  
之時以日者待詔公車百十爲輩獨以命公蓋以其  
道德素著可交神明者其言頗祕侍講徒單公履請  
設取士之科詔先少師文獻公司徒竇文正公與公  
雜議公上奏曰三代以德行六藝賓興賢能漢舉孝  
廉兼策經術魏晉尚文辭而經術猶未之遺隋煬始  
專賦詩唐因之使自投牒貢舉之法遂熄雖有明經  
止於記誦宋神宗始試經義亦令典矣哲宗復賦詩

遂金循習將救斯弊惟如明詔嘗曰士不治經學孔  
孟之道日爲賦詩空文斯言足立萬世治安之本今  
欲取士宜勅有司舉有行檢通經史之士使無投牒  
自薦試以五經四書大小義史論時務策夫旣從事  
實學則士風還淳民俗趨厚國家得識治之才矣奏  
入上善之丞相每咨世務倚以自毗會北征公遂  
請畢男婚而歸十三年詔改曆太史王恂總筭同知  
郭守敬推測司徒明曆理或言公嘗推曆終一甲子  
而得日月薄食者七十有奇曰日月之眚古無是之  
多也十六年召公著曆義十七年授時曆成奏曰黃



廣文苑英華 卷三十一  
帝迎日推策顓頊載時象天堯之欽若舜在璣衡周  
太史正歲年以序事皆日官世守其業隨時占考以  
與天合暴秦焚書廢古偽作置閏歲終兩漢因之建  
曆之本必先立元元立然後定日法法定然後度周  
天以定分至賈逵譏其守一元不與天消息杜預謂  
當順天以求合非爲合以驗天者皆確論也臣今治  
曆廢曆元日法析舊儀六合三辰四遊而異之省天  
經黃道惟用四遊移天常赤道遊於南軸之下以取  
候視之無窒倍入尺之表而五之以影符進退其晷  
使不失于芒忽日日測考積月爲歲積歲爲世必於

曆法益精益求精非但正數十年一改之弊且可上追  
黃虞三代之舊矣又曰一月之始日月相合謂之合  
朔漢太初曆用平朔法小大相間或有二大以故日  
食或不在朔先後一日時亦鮮中宋何承天測四十  
年得三大二小以正朔望使食必在朔隋劉孝孫劉  
焯爲定朔唐傅仁均取以造戊寅曆貞觀竟改從平  
朔李淳風造麟德曆得四大三小求避人疑間以平  
朔又爲進朔使食避元日一行造大衍曆以爲四大  
三小何善今授時曆後是二年當十九年自八月後  
四月併大實日月合朔之數皆改從實方奏太史臣



皆列跪詔獨起司徒及公曰二老自安是年少皆受學汝者故終奏皆坐畢其說亦異禮也授集賢館學士太中大夫兼太史院事明年以徒家得請歸又明年儲皇俾靈臺郎岳鉉召後中書議相承旨李濤儲皇不可以公爲識治再召又明年詔翊儲皇以爲太子賓客二十二年召明年以昭文館大學士正議大夫領太史院事召二十九年以耆艾議事中書召皆疾辭不行三十一年疾亟親賓問之忽長息曰有是哉國衰也聞者危之亂以他言徐又曰誠哉後三日顧言子賓曰敬慎小心以卒實正月二十有五日也

後嗣位詔下則賓天果以其日人以其平生與國至誠所格嗚呼使人哭者有如溫公則公當亦如呂晦起言天下事矣徵士蕭軒誌其墓曰朱文公集周程夫子之大成其學盛於江左北方之士聞而知者固有其人求能究聖賢精微之蘊篤志於學真知實踐主乎敬義表裏一致以躬行心得之餘私淑諸人繼前脩而開後覺粹然一出乎正者維司徒暨公嗚呼誠知德不易之言哉後十年寅以江南行臺監察御史疾得告去自金陵過宣以燧少受知公而耳其雅言求銘墳道然所貴乎君子三焉耳德耳位耳道耳



廣文苑英華 卷三十一  
得於心之謂德用於時之謂位行其學之謂道如對  
之言同其德矣未及位也以年考之司徒之生前公  
十有六年入見前十有四其卒也前十有三而卒官  
皆昭文館大學士領太史院事同其位矣然是位也  
皆極人臣之亞爲古人命位實行道之鐵謂不得君  
知名而召旣至則溫其玉音以勞疾則尚醫交候饋  
藥太官繼膳疑政賜問入見坐語聞辭則留留而不  
可暫聽其去去而思之復召司徒十召公八召其體  
貌之亦至矣哉如是而兩公迭爲循墻不可謂道之  
行亦天也雖然天道遠遙不可以已事而知必來者

始見猶農夫焉未有播粒於土而不苗者今也四海  
匪獨士子凡筐篋之吏求售於時其誦而習亦先四  
書蓋天理同根人心誦其言而衆則爲其道者將多  
非兩公肇是太平之基其誰力歟斯古之人所以重  
歎其善作而不必善成者也公以卒年三月從墓中  
大夫之昭文有潛齋遺藁高祖妣齊氏曾祖妣皆  
紀氏妣寇氏孫氏夫人李氏以柔嘉作配君子姻里  
德焉三子寅其胄也宙今令京兆蒲城宏方學女子  
子四人適圭京兆長安簿席貽士子馮嘉鳳翔提控  
按牘王繼述樞密院祿傅昱男孫僖女子二人長



適呂曾幼姆銘曰

維天生賢匪使自有俾拯烝民爲責已厚公於明命  
實肩實負乾乾其行良良其守師古喪祭如禮不苟  
三綱之淪我條自手推得其類無倦誨誘學者宗之  
西土山斗鳶飛魚躍潛齋自部令聞之延已徹宸甍  
束帛粲粲賁及林藪丹宸曰來何暮汝叟大師之南  
伴斷已久其宜進退汝著以叩又曰多士文字儷偶  
求得碩才奚策以取又曰歷義群喙紛糾汝折衷之  
其從誰某凡是大政無不可否公拜稽首瀝膽悉剖  
丹宸曰噫惟茲儲后端本萬邦汝賓以友儲后曰今  
識治責者惟汝爲可肱股元首公益抗章臣蚤衰朽  
養安踰紀僅止中壽歸從先藏奉政之阜止阡有碑  
無我樵想垂詩千齡以告爾後

終



廣文苑英華 卷二十二 碑類 奇賞齋

奇賞齋廣文苑英華卷之二十二

史官陳仁錫明卿甫評選

碑類

唐贈范陽大都督忠烈公李公神道碑銘

楊炎

潘鎮類

秦霸也張祿去魏漢興也淮陰離楚龍鳴風雨之會  
蛇變泥蟠之中透迤感通精氣相合斯冥契也豈人  
力也皇唐贈司空范陽大都督李公諱楷其本出於  
隴西八代祖節後魏鴈門太守燕齊之亂族沒鮮卑  
東遷號良將之家北部實大人之種其生渤碣其居

廣文苑英華 卷二十二 碑類 奇賞齋



戴斗海塞廻抱興公之氣天星下直爲國之祥英氣  
混茫熊據龍驤望其形得山河之狀覩其銳見金鼓  
之威神明爲徒義勇爲器久視中以驍騎歲入于遼  
西臨太原南震燕趙雲火照于河上天兵宿于北門  
朝廷憂之有命招諭合以信誓際于天人語言感寤  
撫劔歎息是歲以控弦之士七百騎垂橐入塞解甲  
來朝以其本枝復賜李氏授玉鈴衛將軍左奉宸內  
供奉圖形雲閣之中置酒蓬萊之上君臣相賀羽衛  
生光君子曰井谷不可以游龜龍蟻垤不可以戴松  
栢漢於是始靖虜於是始憂是後殪靺鞨于鴨綠之

野覆株胡于榆關之外北出障塞懷其王庭南救河  
源復其歿地石壑之役以一旅定三軍冷陪之師以  
虛聲破精勁東封之歲外將天軍河湟未寧西護監  
牧雲麾鐵騎山動地踴右據清海北登狼山冰泮則  
會師風高則出塞皇威振于四海王化敷於無外故  
得大命三錫天馬輅驟定國難者兩朝拖侯服者四  
紀會兵車者百勝出帳下者千人國有事未嘗不勤  
勞無私可謂知禮於戲天道躡昧胡星未殞以營平  
之年不終大用以伏波之病再出窮荒天寶元年五  
月二十日自河源薨于懷遠縣之師次春秋六十七



贈營府都督明年詔塋于富平縣壇山原維公智之  
大竇神之異門心和體剛慮遠精徹思乎耳目之外  
行乎變化之中震呼戎獯嘯吒風雲貌虎之悍以禮  
成百萬之強以謀勝故鮮卑因之以疲中國天后取  
之以空大漠於中宗開朔方之地四百里於睿宗食  
佐命之邑三千戶於玄宗則主禁衛吞諸戎東西南  
北動罔不尅禦戎安邊凡十命焉祚于後也元子太  
尉中書令東都河南江淮等道副元帥臨海郡王光  
弼少子太保御史大夫渭北鄜坊等州節度使武威  
郡王光進負河圖以列四星遇英主而當三傑肅宗

之功復區宇更爲栢文今上之道訓華夷並爲召畢  
乾元中天子以公炳德丕赫積仁流慶大福再成沒  
而不朽乃命太常追考功績謚曰忠烈贈司空范陽  
大都<sub>府</sub>夫人贈號韓國夫人於是建廟堂命宗紀室  
有山龍之服樂有鍾石之和昭宣令圖是有銘篆銘  
曰茫茫上象降精于北是生純臣在異國矯矯府君  
蔚其英靈蛇蟠斗極鵬化南溟來于本邦會此天庭  
風驅虎旅晝食狼星綿綿塞草天隔華夏北距陰山  
野無胡馬殊勲大績玉劔玄社天摧武庫海折崑崙  
在昔遺慶惟魯臧孫曰聖在天勤于至道旣命太尉



又崇太保一門四龍二作元老赫赫元老氣含清真  
白髮重冠高堂有親帝命韓國祚于夫人亦詔薊丘  
下寵明神彼丘之榛此之磷悠悠令德萬古清塵

河西節度副大使鄯州都督安神道碑

張說

公諱忠敬字某武威人也軒轅帝孫降君弱水安息  
王子以國爲姓世高之違漢李自河南而適遼東高  
陽之受魏封由陰山而宅涼土高陽王岡生尚書左  
僕躬河澗公原晤其河澗生建節將軍西平公纘徒  
正西平生龍驤將軍黃門侍郎廣宗侯薛晤徵累葉  
勲華載於魏史高祖何藏器廣宗之子也周開府儀  
同三司寧遠將軍肅州刺史張掖郡公會祖羅方大  
隋開府儀同三司皇朝贈石州刺史貴鄉公祖興貴



廣文苑英華 卷三十九 四 詩賞齋  
右武侯大將軍涼州刺史徙封榮涼歸三國公考文  
生不仕涼公皇運經綸首平李軌大舉河湟之地遠  
通城郭之國寵錫蕃庶冠絕等彝水出渥洼之神文  
馬者二千乘山得崆峒之曳朱輪者四十人公育榮  
盛之門鬱豪爽之氣孝友天至清華王立幼聚童兒  
必爲軍陣之戲長交英俊唯談韻畧之書始以良家  
子僕射常公待價引於帳下安息將建奇績解褐授  
游擊將軍臨洮府右果毅復以善部統御史大夫唐  
休璟處之前鋒洪源谷立異郊遷右威衛翊府右郎  
將兼新泉軍使進本衛中郎將赤水軍副使兼赤水

新泉兩軍監牧改會州刺史營田使換松州都督防  
禦使遷左司禦率兼河西節度副大使臨洮軍使轉  
鄯州都督使如故其在軍州傾心下士視人如子無  
紆而親附不言而條理其在農牧大田多稼如茨如  
梁思馬斯材有驕有皇輸力四朝歷官三紀名參禁  
衛身任疆場以靜物繁以逸待寇我無亾鏃之費敵  
有不戰之屈茲所謂一方之干城者也享年六十有  
六開元十四年十一月二十八日寢疾終於位知與  
不知莫不隕涕十五年某月塋於烏城之南志公鄉  
附先塋也公寬以御衆卑以自牧直而無許廉而無



劇朋友不聞臧否之言。家人不見喜愠之色。加以心  
淨三業躬勤八戒。推是而行。何往不濟。初甘州有舍  
利涉多禪師道場之四果也。嘗云檀越德克於內。神  
護於外。雖冒鋒鏑。永無害也。及百戰之後。啓手歸全  
西州士人聞之。激勵有子仲璋。如璋季璋。金璋重璋。  
庭襲芝蘭。喪過欒棘。敬奉寗窳。備禮儀於文武。撰述  
家風。刻功勳於金石。詞曰。玉關氣爽。金波秋徹。涼野  
蕭條。寒山積雪。授靈產義。精勁才傑。孝固純深。忠惟  
剛烈。負羽從軍。奮飛青雲。麾幢按部。惠流時雨。惣軍  
扶郡。入文出武。三十年間。式遏戎虜。疆場務靜。非公  
莫鎮。金鼓氣雄。非公莫震。神山與鉞。龍池取駿。霹靂  
陷營。衝風入陣。勇將知時。仁兵善持。反耕去戰。王者  
之師。牧馬如雲。屯瘦如坻。西軍方壯。東首長辭。振古  
同嗟。沒而不歿。所謂明德永傳。神理鍾鼎。題門珠玉  
名子信言。豐石令聞。不已。



唐故河東節度觀察使榮陽鄭公神道碑

唐故河東節度觀察使榮陽鄭公神道碑

河東節度使贈尚書左僕射鄭公墓在榮陽索上元和八年六月庚子太史尚書比部郎中護軍韓愈刻其墓碑曰司馬氏遷江南有鄭豁者仕慕容垂國為其太子少保其孫簡當拓拔魏為榮陽太守後簡者號其族為南祖南祖之鄭入唐有為利之景谷令者曰嘉範于公為曾祖是生撫俗為泗之徐城令徐城生公之父曰洪卒官涼之戶曹參軍公諱儋少依母家隴西李氏舉止異凡兒其舅吏部侍郎季卿謂其



廣文苑英華 卷一百一十五 七 音賞錄  
必能再立。鄭氏稍長，能自課學。明左氏春秋，以進士選爲太原參軍事。對直言策拜京兆高陵尉。考府之進士能第上下，以實不姦。樊僕射澤以襄陽兵戰，淮西公以參謀留府，能任後事。戶曹殯于涼涼地，入西戎。自景谷徐城三世皆未還，榮陽塋公解官舉五喪爲三墓塋。索東徐城墓無表，公能切長哀感，心求不置，以得舊人指告其處。其後爲大理丞、太常博士，遷起居郎、尚書司封、吏部三郎。中能官舉其名德。宗晚節儲將於其軍，以公爲河東軍司馬，能以無心處嫌間。卒，用有就。貞元十六年將說歿，卽詔授司馬節節。

老筆

度河東軍，除其官爲工部尚書、太原尹兼御史大夫。北都留守公之爲司馬，用寬廉平，正得吏士心。及昇大帥，持是道不變。部將有因貴人求要職者，公不用。用老而有功，無勢而遠者，削四鄰之交，賄省媵，嬉之大。燕校講民事，施罷不怠。日用能以十月成政，氓征就寬，軍給以饒。十七年疾廢，朝夕八月庚戌薨。享年六十一。天子爲之不能臨朝者三日，贈尚書右僕射。卽以其年十月辛卯塋。索上疾比薨，醫問交道比塋，弔贈賜使者相及。凡河東軍之士與太原之氓吏及旁九郡百邑之鰥寡、外夷狄之統於府者，聞公之薨。



皆哭曰吾其如何公與賓客朋遊飲酒必極醉投壺  
博奕窮日夜若樂而不厭者平居簾閣據几終日不  
知有人別自號白雲翁名人魁士鮮不與善好樂後  
進及門接引皆有恩意始娶范陽盧氏女生仁本仁  
約仁載皆有文行二季舉進士皆早歿仁本爲後子  
獨存不樂舉選年三十餘始佐河陽軍後娶趙郡李  
氏生三女二夫人凡三男五女長女嫁遼東李繁繁  
亦名臣子有才學遺命二夫人各別爲墓不合塋系  
曰士常患勢卑不能推功德及人常患貧無以奉所  
欲得若鄭公者勤一生以得其位而曾不得須臾有  
焉雖然觀其所旣立其可知已嗚呼哀哉



州縣類

周交州刺史廣饒公宇文公神道碑

庾信

唐朝以元凱並進十有六人周室以昭穆先封十有  
 五國發源纂胄葉派枝分開國承家珠聯璧合是用  
 克明俊德思皇多士盛德有後公其裕哉公諱常字  
 子元豫州滎陽人也周宣中興然後樹賢建戚鄭武  
 有國然後保姓受氏荆衡之賦千乘莫敢加兵虢會  
 之封十城翻為獻邑况復郊門致騎先迎內史之賓  
 南宮旦朝獨識尚書之履祖思慶建威將軍山陽太  
 守建威取曹仁之號可以定名山陽有王暢之賢足



觀風俗考頊銀青金紫方於溫羨傳祗鎮南征東北  
於劉弘荀顛報功之冊則槐路是儀贈行之典則荆  
河惟牧公弱齡早惠幼志夙成立必正方言無勦說  
青衿智勇卽埋雲夢之蛇童子仁心已愛中牟之雉  
始遊庠塾不無儒者之榮或見兵書遂有風雲之志  
出忠入孝事盡於心修身立名理窮於性大統三年  
起義華陽先登廣武浮潛逾沔入渭亂河蒙授永安  
縣開國男輔國將軍自爾長從太祖入爲帳內都督  
河橋接戰秋水則三月不流洛城揮鋒金墉則一月  
路斷西京不賓羗戎侵軼城如飛鳥地有伏龍公以

金僕裁抽靈鈺暫舉降目已奔狼心遂革遷平東將  
軍帥都督十五年襲父封魏昌縣開國伯傳大都督  
魏後三年授使持節車騎大將軍儀同三司黃權受  
詔嘉其入魏之功實憲當官賞其平戎之策公之此  
授勲庸著矣進爵廣饒縣開國公邑五百戶保定三  
年授都羅州諸軍事羅州刺史仍領金州兵馬應接  
上庸公於文谷路溪澗崢嶸巖崖豁輪山窮水斷馬  
束橋飛中埽旣開雙城卽款徃者申息盡掩江黃無  
援洛陽極浦亟犯風塵夏首西浮頻遭鋒鏑公以伏  
波受賑樓船誓衆入橫江之陣進下瀨之兵越客文



身湛盧終去吳人長鬣。除艤遂遠。建德四年授使持節開府儀同大將軍公孫敖下光祿之塞諸葛誕勒九都之山公之處焉。差無慙德。四方雜俗。天下殊風。以君廉能使乎觀察。馳傳擁節。揚於持斧。旣乘驄馬。仍被繡衣。群盜累足。貴戚歛手。鄉亭留宿。幸無歸忌。之疑公車。奏事寧有反支之日。是使陽球司隸無所申威。鮑恢都官因人成事。高祖武皇帝以仲春誓衆。甲子濟河。公仗劔六軍。被圖八陣。譬彼張遼。前鋒而報魏主。方之耿弁。先戰而待蕭王。及乎九州道同。四隩旣定。遂得功參勇爵。名入司勳。授上開府。增邑五

百戶。加以舉功行賞。推恩分邑。兼乘而反。光乎譙郡之城。載寶而歸。照於臨潼之水。卽日賜姓。宇文與國同族。婁敬上書於鹿輅。項伯舞劔於鴻門。公之此榮足爲連類。以公績著。屯險誠貫。風霜其年。授使持節督東徐州諸軍士事。徐州刺史宣政元年。授都督南兗州諸軍事。南兗州刺史。作牧濟河。風行於雷澤。建旟海岱。化被於淮沂。襜帷入境。貪殘者解印。冕旒從政。仁義者郊迎。豈直白石開渠。青鹽換粟。祥雲入境。行雨隨軒而已哉。在任邁疾。薨于方鎮。百里蒿藜。御斯牧賢。能刺史荀中郎連率。此則中興方伯。英聲茂



廣文苑英華卷二十一  
實公之有焉。詔贈某官。謚某公。禮也。以大象二年十一月十日歸葬于榮陽之某山。舊墓九原。悽愴。趙文子其何言。駟馬悲鳴。滕成公其已遠。若夫勒鼎刊碑。銘功頌德。陳其令範。必在生前。嗟乎此之樹碑。異乎洙泗之水。此之勒石。異乎燕然之山。嗚呼哀哉。乃爲銘曰。高陽之子。少典之孫。蒼林遠邁。若水遙源。公侯復始。鍾鼎逾繁。承基纂胄。建國開藩。我壯我武。旣公旣侯。緇衣出鄭。卿士歸周。魚陵北上。榮澤東流。河移陵棄。雨粟陳留。祖守南邦。考鎮東部。兩龜迴印。雙虵結綬。日察陰風。星占長柳。是曰世載。其名不朽。事親

之道。孝以立身。事君之道。忠以立仁。今君嗣德。一此君親。如松之茂。如竹之筠。功參荆棘。職主兵戈。北臨青嶺。南通白波。直雲橫塞。長星渡河。陳開沙斷。師移龜多。舉功行賞。封疆受位。宮室鏤珪。山河分地。決勝千里。謀深計秘。建武功。成名連星。次建旗。濟漯擁節。龜蒙旣蠶。桑土實撫。梧桐野無異器。恭河無別風。吳亭楚壁。莫敢彎弓。倏忽身世。俄然松楸。路轉銅魚。山迴石馬。武侯之廟。樂公之社。望此高碑。淒然淚下。



公諱... 伯州... 建昌公... 王公神道碑... 碑文內容...

唐伯州刺史建昌公王公神道碑

楊炯

王氏之先代為佐命秦之霸也則王維滅楚國而三  
衛漢之興也則王陵誅項籍而五侯同拜南陽定命  
應圖識而作司空西晉聿興合詞謔而濟天下昔者  
伊尹伊陟但保又於商朝太公桓公唯夾輔於周室  
蕭何之後居食祿而無聞鄧禹之孫在當塗而不嗣  
未有夏殷三統金木五遷冊命重光軒喪代襲則我  
瑯琊之郡有冠蓋之里乎建昌之縣有公侯之子乎  
公諱義童字元稚其先瑯琊臨沂人也求嘉之末徒



于江外皇運之始遷于五陵今爲雍州萬年人也祖  
僧興齊會稽令梁安郡守南安縣開國侯祿位千石  
珪符五等營室迴於羽儀山河入於盟誓父方賒梁  
正閭主簿伏波將軍梁安郡守隋上儀同三司以惠  
和之性有文武之才伏波將軍從征等於馬援儀同  
三司開府均於鄧騭家餘積慶郡不乏賢代臨本州  
則元賓之父喜形於色繼爲本守則張翕之子送者  
如雲自齊國遜位於梁庭及隋人內禪於皇室夏禹  
之鼎寶命集於周朝御龍之家世祿歸於范氏公台  
階茂緒昂宿精靈五百歲之賢才一千里之皇佐忠

佐忠規武節學府詞林元方闔門敬其有德少游鄉  
里稱其善人實惟清廟之器是曰皇居之寶韻諧金  
石奏虞庭之八音德合珪璋列塗山之萬國黃河一  
曲之水莫測其源赤城千丈之巖未階其峻群童忽  
聚綴帛而引旛旗父老相呼授履而傳兵法隋授左  
勳衛率非其好也漢東離拆海內風塵天子溺於膠  
船諸侯問於金鼎能扶天下之危者必據天下之安  
能除天下之憂者必享天下之樂我高祖神堯皇帝  
就之如日望之如雲發三河之雷電平四海之曆象  
武王之仗黃鉞一月臨於孟津高帝之執朱旗五星



廣文苑英華 卷二十一  
會於東井公瞻烏于屋射隼于墉陳平則間行而去  
楚鄴生則長揖而歸漢奉符繫組觀軹道之降王腹  
武修文見山陽之散馬初拜車騎將軍稍遷右屯衛  
將軍錄有功也考於周典崇德報功稽於春秋策勳  
舍爵車騎萬隊備京土之羗戎衛軍千兵掌京師之  
屯禁于時天下初定邊方未輯二十八舍尚有吳越  
之妖氛一十三州猶積東南之殺氣武德四年詔公  
爲江南道招尉使鼓琴而送受命而行乘使者之轡  
車掌行人之旌節陸賈至於南海先責尉佗隨何入  
於九江卽徵黠布詔除泉州都督封建昌縣男食邑

三百戶斗牛星象舜禹精靈境接東甌地隣南越言  
其實利則璫瑁珠璣叙其風俗則丹雞白犬公門容  
駟馬位列三刀防蕙苾之說嫺絕簡書之流謗豈知  
廣州清節酌貪泉於石門合浦神君返明珠於漲海  
貞觀三年詔還散騎常侍行果州刺史長期天帝肇  
跡人皇南克國之舊都西巖渠之古邑岡巒紛紜天  
彭雙闕而作門珠貝浮沉巴水三迴而成字公入叅  
師友出居方伯金蟬百貂朱旗曲蓋纔臨蜀郡卽聞  
來暮之謠初踐益州已聽中和之樂七年詔遷銀青  
光祿大夫行恒州刺史西街畢鼎北岳恒山天開太

文有屬氣



廣文苑英華 卷一百一十一  
一之官地列并州之鎮境分靈壽魏將樂羊之所封  
邑對行唐趙王惠文之所築公政成暮月風行萬里  
鄧晨一郡漢帝稱爲主人李廣數年匈奴號爲飛將  
行嘗計日郭伋不負於童兒郡異中平玉觀無私於  
任子旣導德而齊禮亦勝殘而去殺三禾在殿將拜  
鄭弘兩鴈隨車坐悲虞國享年若干以十五年冬十  
一月二十五日薨於洛陽之清化里公家傳將相世  
有忠貞屬離亂之弘多值風雷之草昧河宗兩日負  
鼎而謁成湯渭水七年垂釣而逢西伯將軍再命刺  
史三遷仲高樂巴牧人之良翰龐參虞詡將帥之宏

規立事於當年揚名於後代兄國印穀州刺史弟國  
稀仁州刺史荆枝擢秀棣萼生光何止平輿之二龍  
是爲賈家之三虎唐虞之際四岳分居趙魏之間八  
男爲郡公雖勳叅締構位惣班條金友玉昆良田廣  
宅而能吐食下士倒屣迎賓無笑客之美人有拜賓  
之童隸策名委質善始令終生當封侯克成丈夫之  
志歿而可作無忘事君之道越十六年二月二日葬  
于伊闕縣之萬安山詔賜雜物百段給儀仗往還禮  
也亭連長樂城枕高都守闕塞者汝寬適伊川者辛  
有北瞻洛汭尚想元亮之境東望邢山依然國僑之



廣文苑英華 卷五十二 十一  
基夫人楊翟縣君河南褚氏卽太常卿楊翟康侯亮  
之女中書令河南郡公遂良之妹也宋公子之流派  
褚先生之苗裔弘夫人之禮傳淑女之詩有文在手  
歸於魯國有鳳和鳴適於陳氏邑之石窰縣以封丘  
夫尊於朝妻貴於室仙人暫別初悲寡鶴之聲寶劍  
纔分終合雙龍之氣以某年月日薨於某所越某年  
月日祔建昌公之舊兆長子師本太穆神皇后挽襲  
郎建昌公歷韓王府祭酒岐州司士叅軍定州安喜  
縣令譽聞州里學富丘山以卿子而爲郎以象賢而  
開國朝遊楚澤暮宿燕宮東臨石柱雍爲積高之地

右會長星唐是中山之邑出遊隣國不以陪臣見朝  
上謁邦君不以屬官相待洛陽朝覲適見雙鳧東都  
墓田行悲駟馬以年月日終於某所越某年月日卽  
陪葬於先兆次子師表左于牛備身遷尚輦直長歷  
許州臨潁博州堂巴滄州樂陵緜州萬安果州西克  
五縣令能傳祖業克嗣家聲有言偃之文章兼仲曲  
之政事晨陪紫極繞鈞陳之六星旦奉黃麾屯玉車  
之千乘至若繁昌土宇魏文帝之壇壇堂邑隄封漢  
陳嬰之侯國河分九道渤海東臨江派五津崑崙北  
指莫不愛人以禮爲政以德鍾離意之禁暴不厠尺



刀公孫述之有神能持五縣次子師玄雋州都督府  
臺徵縣丞次子師楚夔州都督府雲安縣令芝蘭有  
秀羔鴈成行滇北數十尹莫大邛都之縣邑東七百  
里雖有巫山之峽言其縣賊黃龍入於闕門叙其宰  
人鸞鳥翔於學舍咸能生盡其孝喪盡其哀積粟萬  
鍾思負米而何得椽題三尺泣吾親而不見十其宅  
兆麟鳳匝其岡巒陳其簠簋春秋變其霜露思傳舊  
德式建豐碑戴安道作頌於鄭玄蔡伯喈披文於郭  
泰魏武王讀而稱妙非所望焉夏侯堪見而陋之固  
其宜也銘曰厥初兮后稷尊生人兮知稼穡降及文

王精翼日兮衣青光平東遷兮郊鄆晉上賓兮帝鄉  
秦三將兮繼代漢五侯兮克昌比狼山兮峻極等淮  
水兮靈長惟祖考兮鼎盛佩金璋兮疊映彼山川兮  
降靈生玉樹兮青青成張良兮昂宿乘傳說兮箕星  
出忠兮入孝武緯兮文經陳嘉謨兮制千里檄藻思  
兮挾天庭有隋兮喪亂土崩兮瓦散皇運兮權輿人  
神兮攸贊值笙鏞兮變響屬大地兮貞觀河兩日兮  
事殷并五星兮歸漢帶長劔兮曄曄擁幡旌兮照爛  
周命兮惟新雲雷兮尚屯控東南兮荒景負江海兮  
未賓陳禮樂兮命使動輜車兮麟麟用虵符兮澤國



頌武節兮山人專一方兮革面重九譯兮稱臣天垂  
今星紀地連兮交趾山草樹兮潛移蜃樓臺兮鬱起  
遷合浦兮太守爲廣州兮刺史臨漲海兮明珠飲石  
門兮貪水俛冲天兮八翼代出身兮萬里全蜀兮奧  
區枕邛邛兮倚巴渝有靈臺兮古跡有克國兮舊都  
豐貂兮左珥介士兮前驅濟三刀兮持節昌兩日兮  
剖符降鳴鳩兮大夏騁騁馬兮長衢畢昂兮分野蘭  
堂兮四下漢皇帝兮國都耿將軍兮壇社若恒山兮  
詔鄧猶朔方兮命賈李北平兮漢飛郭并州兮竹馬  
瞻太階兮坐躡惜天年兮不假伊天姓兮潁川有美

人兮嬋媛桂生兮因地女嫁兮因天見乘龍兮奕奕  
覩飛鳳兮翩翩知遽瑗兮有禮笑虞丘兮未賢始銜  
悲兮晝哭終共盡兮千年十龜謀兮習吉陳旨酒兮  
嘉粟車徒儼兮在門旌旆紛兮竟術循洛橋兮南渡  
從國門兮右出樹蕭蕭兮有風雲倏倏兮無日指丘  
陵兮一閉與天地兮相畢悲孝子兮純深孰憂思兮  
可任訴高天兮泣血踏厚地兮崩心樹碑兮神道無  
媿兮詞林歷陽之都兮水沒圓嶠之海兮山沉俾外  
孫兮幼婦生日玉兮黃金



後周青州刺史齊貞公宇文公神道碑

後周青州刺史齊貞公宇文公神道碑

楊炯

惟皇帝大電之精以太清而張樂惟高辛招搖之象以人事而紀宮於是乎生我司徒敬敷五教翼贊虞帝而咸熙庶績惟殷湯受天明命以統九有之師惟微子崇德象賢以為萬邦之式於是乎生我丞相約法三章光輔漢室而威加四海大齊宣皇帝商周之日號西伯以稱臣太祖高皇帝堯舜之朝避南河而革故司空臨川獻王懿親明德論道經邦中庶子平樂侯開國承家丹書白馬於是乎生我齊貞公惟魏



之實惟周之幹開上帝而格天地變陰陽而平水土  
詳求典載歷選台衡或大澤而康帝圖或高丘而濟  
王業諸侯五百伊尹出於庖厨甲士三千太公起於  
屠釣未有上從軒后下及今齊聖主明君三居域中  
之大帝師王佐累極人臣之重古所謂歿而不朽者  
柳斯之謂與公諱處字明俊蘭陵人也卽宣帝之玄  
孫高帝之曾孫臨川王之孫平樂侯之子稟神河岳  
藉慶王侯攀兩曜之末光乘五行之秀氣溫厚廉讓  
當時以爲達人宣慈惠和天下謂之才子屬三方鼎  
立九土星分祿去公朝朱諸侯之盟會政由梁國建

天子之旌旗士女同歎於商墟鬼神共謀於曹杜公  
杜門屏跡心不自安與門生故吏數百人歸於後魏  
宣武皇帝以客禮待之詔除給事中假龍驤將軍正  
光五年兼彭城府長史假節則將軍比於王濬長史  
兼於杜襲龍驤可畏晉后任之於渡江騏驎不乘魏  
託之於留府六年除通直郎散騎常侍中書侍郎  
永安三年帝北巡遷撫軍將軍銀青光祿大夫散騎  
常侍散騎通直起於天興之元中書侍郎始自黃初  
之代宣王撫軍之號僕射光祿之名奇才物於文武  
重任歸於將相徐方叛逆以公爲行軍長史兼統別



部仍加鼓節彭城宋邑海岳徐州嶧陽孤桐羽猷夏  
翟昔稱都會今實邊陲魯伯禽始得專征周穆玉遂  
行天討公手執旗鼓坐謀帷幄以陶侃部分之明當  
阮孚戎旅之重有如荀美獨負逸群之木不學江道  
空有連雞之稱徐州平遷黃門侍郎揚州大中正黃  
扉藹藹青瑣沉沉有若張公之萬戶千門博觀圖籍  
大湖爲侵會稽爲山若有荀最之十郡一州詮藻入  
物累遷大司農秦稱內史漢曰司農管夷吾陳不涸  
之名耿壽昌立常平之議時播百穀后稷讓於虞書  
阜成兆民列卿拜於周典普泰元年遷車騎將軍加

右光祿大夫永熙二年出爲潁川太守人稱汝潁俗  
尚申韓有鄭伯之別都有周公之朝邑教之德化無  
囚歷於八年任於賢能旁潤踰於九里于時齊武王  
居中作相實有遷鼎之謀周太祖在外持兵深懷事  
君之道昭公失位由季氏之執權襄王出居成晉文  
之霸業三年秋八月武帝幸長安以義兵從順大統  
元年授開府儀同三司封靈縣開國子邑三百戶金  
堤石印清濟濁河爰賜土田以爲藩屏漢之宰相始  
開封邑周之列辟實兼卿士二年拜車騎大將軍九  
年遷五兵尚書十年遷中書監領驃騎大將軍加開



府儀同三司進爵爲公增邑一千戶天子有詔不入  
軍門匈奴未滅不營私第蔡謨兼五兵之署鄧騭比  
三台之儀掌中書之綸翰加上公之冕服十六年遷  
侍中驃騎大將軍以下並如故昔惟常伯今則侍中  
切問近對益遺補闕冕旒無象先問顧和王佩不存  
卽徵王燦廢帝後二年公不賀出爲使持節華州刺  
史侍中並如故桃林國邑太荔城隍三秦六輔之輿  
區五岳四瀆之襟帶倪寬之爲內史唯事漑田薛宣  
之守馮翊但知拱默尋加特進餘如故官品第一朝  
廷所敬辟吏如五府之間班列在三公之後唐虞之

繼文德也稷契謨明於兩朝魏晉之順大名也裴王  
建功於二代周武成三年進封青州齊郡公邑二千  
戶賜號東岳先生詔曰堯有四岳朕惟公一人賜雜  
彩二千段甲第一區雍州良田百頃其優禮如此堯  
命羲仲星鳥嵎夷之官周賜姜牙穆陵無棣之境三  
王不襲同盟固於泰山百代相因舊國傳於負海惟  
保定四年公薨於長安私第天子罷朝群臣赴吊喪  
用官給鳴呼哀哉五年贈少保使持節揚光桂三州  
諸軍事揚州刺史謚曰貞公禮也公小丁外  
艱州黨稱其孝齊武皇帝見而歎曰可謂吾家曾閔



外祖太尉公王儉謂其子侍中騫曰成汝宅相者在此孫乎公之北歸也後魏宣武帝勅曰昔微子去殷項伯歸漢卿又得之於今公泣涕橫流跪而對曰臣家國不造鼎祚淪亡進不能匡正退不能死節今復託身有道何敢比德古人帝因此重之及周太祖作相西朝王族之下皆望塵而拜公與之抗禮太祖尤相敬待屢有諮詢嘗從容曰國家之子房也公體淳和之至性負廊廟之大才孝通神明忠定社稷馬伏波來之帝晏平仲能事百君在魏則賈詡荀攸在周則太顛闕天惟司徒克慎厥始惟丞相克和厥中

惟公載德克成厥終三后同其政道子孫訓其成式輝光助於日月德積廣於宇宙以某年月日塋於少陵原國遷三代年移十紀杜當陽之石沉漢水而無聞仲山甫之鼎銘入匈奴而不出曾孫皇朝右金吾將軍同州刺史得照宏才大節王振金聲入當天子之右軍出臨帝京之左輔承積善之餘慶襲太宇之不遷願述家風思傳祖德是用勒銘刻石相質披又載於景鍾大夫稱伐之義書於太常諸侯計功之道追題瓦屑鄭康成北海之門重刻碑陰張平子南陽之墓其詞曰黃帝攝政勤勞耳目舉于版泉戰于



廡文苑英華 卷二十三  
涿鹿咸陽黜夏登壇受福表正萬邦績禹舊服逮乎  
微子周之國賓降及蕭叔宋之懿親高祖丞相王迹  
是因宣皇御史社稷之臣太陰所立皇齊誕聖既創  
元基仍集大命謀孫翼子重熙累盛天祿未終南風  
不競惟公載誕克嗣家聲千丈多節三年一鳴待時  
而動以族而行才歸晉國壁入秦庭符堅拜首降天  
之使陶豫策名勤王之事任隆起草榮高近侍赫奕  
禁門雍容貂珥日暮青瑣夕郎之職法駕畢陳黃門  
次直帝王之盛成在農殖如京如坻我黍我稷吳王  
舊國採山鑄錢公為中正佩以常紘夏禹遺跡今來

穎川公為太守示以蒲鞭齊稱東帝周稱西伯諸侯  
謀王天子下席公子忠義如彼松柏發自新邑歸于  
陸海魏德雖衰天命未改功成晉鄭為而不宰寵茂  
山河於是乎在亞夫真將去病元勳持兵對揖絕漠  
行軍尚書武庫抑有前聞待中重席曾何足云當途  
遜位有周經野三國唐虞兩朝裴賈出守馮翊人無  
訟者受封于齊寶匡天下晨占赤烏夜辨黃熊曾參  
易簣期於令終子囊城郢沒有遺忠明君輟祭郡臣  
會同黃屋左纛輕車介士朝發桐鄉暮歸蒿里積善  
餘慶由來尚矣公侯子孫必復其始



周隴右總管長史贈太子少保豆盧公神道碑

庾信

君諱承恩字基昌黎徒何人本姓慕容燕文明帝既  
 之後也朝鮮微子之封孤竹伯夷之國漢有四城秦  
 為一侯其先保姓受氏初在柳城之功開國承家始  
 靜遼陽之亂自天市星妖連津兵覆尚書府君改姓  
 豆盧筮仕於魏祖代左右將軍魏文皇帝直寢父長  
 少以雄畧知名不幸早世周朝以公兄弟佐命義存  
 追遠保定二年有詔贈柱國大將渾涪陵郡公是知  
 春雨潤木白葉流根西伯行而推存及歿公以山岳



精靈星辰秀異氣侔鍾鼎聲感風雲觀於秦兵尚稱童子對於楚戰猶在青衿太祖文皇帝乘時撥亂奄有霸業潁州從我舊愛無望春陵故人相知惟有普泰二年關西建義授殄寇將軍奉迎大駕賜封新興縣伯邑五百戶開新安之郡還移揚僕之關解弘農之圍更入劉昆之郡授梓併轡並預前驅大統三年有沙苑之戰四年河橋之役介冑蟻虱戎馬生郊公應變愈長風颺更勇隱若敵國強人意授龍驤將軍中散大夫八年授直寢右親信都督尋轉大都督加通直騎散常侍十六年授使持節車騎大將軍儀同

三司魏元年授驃騎大將軍開府儀同三司鄧騭以漢朝親戚始授中台黃權以魏國功臣初登上將公頻煩寵授朝野爲榮三年都督成州諸軍事成州刺史尋加侍中外惣連帥振威百城內參常伯榮高八舍于時隴坻黠羌時穿上谷榆中郡賊或聚漁陽公卷甲星馳長驅千騎迴洛克徒望風草靡瓜州豪傑束手歸軍後魏元年改封龍支縣侯三年朝廷使大將安政公隨突厥吐蕃渾黠國河鄯二州屬當路首公領騎八千以爲戎防南通丹粟西望白蘭關塞無虞公之勲也周元年授都督鄯州諸軍事鄯州刺史



其年改封沃野縣公增邑千戶二年授隴右總管府  
長史武成元年都督利涉汶三州諸軍事利州刺史  
五千兵破文州陽陣蠻仍平瀘水以保定元年將兵  
破巴州恒狻獠度瀘五月葛亮有深入之兵長坂九  
迴王尊有忠臣之路霜雹不驚水草無乏天幸將軍  
斯之謂矣其年授司會八法斯掌九賦是均事總歲  
成功叅日要三年還授隴右總管府長史公屢弼英  
蕃頻相大府北海入朝仰以對問東平謁帝因而定  
禮遂使馬首懷燕不無樂毅蕃臣擬漢或多因叔兄  
楚國公以叅和拙讓莊賚樂推建國開都奄荒南服

求以先封武陽郡三千戶益公沃野之封朝廷以兄  
弟相讓不無前史推思分邑有詔許焉增邑并前合  
四千七百戶既而六氣相犯五聲相觸靈壽不終遊  
蒐且變薨於官舍春秋五十八詔贈少保幽翼定相  
等五州諸軍事幽州刺史謚曰敬公禮也天和元年  
二月六日塋於咸陽洪瀆州大夫墓樹以栢諸侯墳  
高■雉嗚呼哀哉公資忠履孝蘊義懷仁直幹百尋  
澄波千頃留心職事愛玩圖籍官曹案牘未嘗煩委  
戎馬交馳不妨餘裕兄弟公侯國朝親戚宜春有湯  
沐之盛濯龍無流水之機渭南千畝之竹尚懼盈滿



咸陽二頃之田常思止足身財十世可有遺子則一  
經而已刺史賈逵之碑既生金粟將軍衛青之墓方  
留石麟乃為銘云朝鮮建國孤竹為君稱高柳山  
名密雲遼陽趙裂武遂秦分寶珪世胄雕戈舊勳名  
稱賓實言謂身文挺此含璋隆茲岐嶽有犯無隱王  
道正直唯愛唯敬未成悅色枕籍禮園留連學植策  
參帷帳功披荆棘韓陣揮戈齊城憑軾豹策乃建龍  
船同啓校戰岐陽申威隴坻城壘畫地山林聚米上  
馬諭書臨戎習禮賈復開營廉公屈禮從容傳會占  
對造請用此廉平終茲寬猛綠林兵息潢

振赤山威高青嶺玄獸浮河飛曠出境災氣出隴毒  
水侵涇朝傾地鎮夜洛台星石壇承祀豐碑頌靈渭  
城前栢昌陵下庭須知地市為讀山銘



謝赤山嶽高青嶽支燔平何派輿出鼓炎屏出龍靈

益州温江縣令任君神道碑 楊炯

漢丞相之尊官大位乘車滿於十人齊景公之利用  
厚生有馬盈於千駟羽旄冠劍挺金鳴玉疊其前苑  
囿池臺清歌妙舞喧其後崇高在於寵祿大欲存於  
食貨義然後取橫玉帶以當仁道不虛行坐鹽梅而  
自得若乃時之不與數之不通貴賤任於天窮通由  
於命左大冲之誄史下寮實英俊之揚稽叔夜之著  
書賤職爲老莊之地雖復勢力以高下相懸尊卑以  
商周不敵孔宣父中都之小宰幽厲多謝於陪臣仲  
仲弓太丘之一官公卿有慙於縣長是以德成者上



道在斯尊陶潛則安枕北窻言偃則鳴絃東武柳楊  
足以儀四海顧盼足以破三軍代有人焉於斯爲盛  
公諱晃樂安博昌人也其後因官遂家蒲州之未樂  
天子令德軒皇爲誕姓之源諸侯計功薛國在宗盟  
之後西京執法則有御史大夫東漢循良則有會稽  
都尉任光鄉里之忠厚任隗朝臣之綆直益州從事  
術數知名臨海真人清貞克已况乎東西海岱強齊  
九合之都表裏山河全晉三分之國車馬雷駭衣冠  
鼎盛盟書百代可謂功臣遷徙丘陵實惟豪族曾祖  
顯祖熙考憬並策名天爵獨步人師懷素履之幽貞

保黃裳之元吉張家碑碣荊州有七代孝廉荀氏鄉  
亭潁川有八人才子君外資剛健內育文明合千載  
聖賢之間鍾五行金木之秀王恭濯濯春柳懷風和  
嶠森森寒松列景有曾孫之孝有史魚之直有子夏  
之文有冉求之藝先王德行固名言而在茲大聖溫  
良亦顛沛而於是當朝一見許其王佐之才行路相  
逢知其美人之贈解褐爲家令寺主簿天王太子之  
位赫赫前星天地長男之宮嚴嚴左闕出身事主元  
良求固於萬邦束髮登朝七鬯不驚於百里秩滿授  
將作監主簿千門萬戶張華窮壯麗之圖東主西賓



班固致謳謠之實職掌官觀是名將作大司馬桓溫之府績用在於元琳大將軍竇憲之曹文章寄於亭伯累遷右衛長史南京左掖上將陪藩北落師門天軍例衛東觀漢記梁統有清白之名中興晉書薛羨有恪勤之譽詔遷朝散大夫行益州溫江縣令華陽西極漢水東流背面通秦越之鄉左右夾巴涼之地風煙可接懸車束馬之山雲物潛通織女牽牛之象神仙所宅則有二十四居途路所經則有五干餘里金城石郭還聞上代之風國富人安時聽中和之樂於是乎龍泉獨斷龜旒旁求品命千名封疆萬戶

過云亭乘軒之望可知且詣中軍理劇之才有屬旌孝悌勤農桑省徭役育鰥寡所以一縣稱平所以百城尤最蕭育是杜陵男子不入後曹黃浮非鄉里所知不寬同歲洛陽行馬門士無心齊國池魚權家絕望鄭文公邵陵之縣但稱男子之名師尚父灌檀之鄉唯有神人之哭實謂樞機八座上下三階豈惟縛柱鞭絲操刀製錦巫馬期之任力獎起乘星鍾離意之悅人災生解土享年五十有力以鳳儀二年六月二十五日卒於官第夫人妙氏徵士神人之女也壽丘僊葉媯水靈苗定姚信之機衡審姚光之術藝明



星燄燄不臨太丘之前暮雨沉沉不散巫山之曲婦人謂嫁日歸女子有行織紉組紉棗修榛粟南斗千齡之匣忽愴沉江北方三代之儀終悲共穴先以咸亨三年七月二日終西京翊善里之私第越儀鳳三年冬十一月一日歸祔於永樂縣歷山之平原十虞芮之閑田帶關河之設險居人致祭同鄉有朱邑之祠恠力成墳葉縣有王喬之墓君燕趙奇士神仙中人容貌魁梧衣冠甚偉楊子雲之窮巷好事來遊段干木之閤居通侯展敬自陳力就列居家可移妾本絕於織蒲馬無聞於食粟原予思之厚秩偏給鄉人

孔文舉之中鎔延留坐客加以偏觀國史尤精釋教  
夢切泡電知一切之皆空園林貨財見三陽之已淨  
遭時屯坎浮生蹇剥佳人不再荀奉倩之傷神赤子  
無期潘安仁之慘慟天平到此命也如何及其瞑目  
少城歸懷舊壤平原古樹唯餘孺子之墳春露秋霜  
非復臯繇之祀於是鄉隣作主朋友加麻撰德銘之  
於素表披文刻之於翠石魯哀公作仲尼之誅天不  
慙遺蔡伯喈爲有道之碑人無媿色其銘曰軒帝之  
族漢朝之臣西州智士東海真人豪傑天縮衣冠日  
新實生其德必有其隣道在爲貴知機則神氣衝南



斗價直西秦大蒙之信太平之仁辨窮非馬學究成  
麟孝友爲政觀光利賓重朋比德少海爲春宮室之  
象南斗北辰甲兵之衛閭闔鈎陳山控金馬江迴玉  
輪天文井絡地紀梁岷庭前置水旣內生塵園蠶有  
野雉來馴時命屯蹇生涯苦辛實叙虛贈玉樹長淪  
厚德無輔清仁不親百年天枉一旦颺真雷鳴之下  
長河之濱旌旃委鬱徒御逡巡悲風泊起血下霑巾  
歿而可贖人百其身

豈所欲言  
致無暇擇

原州百泉縣令李君神道碑

楊炯

金城裂地之災玉弩驚天之禍蹴崑崙以西倒蹋泰  
山而東覆三微歷數盡薰歇以聲沉萬國衣裳咸土  
崩而瓦散是故殷憂啓聖人騰海岳之符草昧興  
王王者受風雷之趾則有思窮晷識潛觀赤伏之萌  
識洞機祥暗察黃星之兆天懸兩日詢去就於河宗  
地震三州考興亡於柱史危邦不入亂邦不居剪荆  
棘而叩天門臨壇場而對休命及其玄黃再造日月  
重輪功成而不居名遂而身退南華吾師也親居賤  
職東方達人也安乎卑位然後武城絃唱優游禮樂



之中彭澤琴樽散誕羲皇之表雖杜當陽之文武蘭菊猶存而薛孟嘗之池臺風煙遂歌悲天歿生命也貴賤時也用之則行舍之藏出處者君子之恒務左右之攸宐吾聞其語矣見其人也君諱楚才衛州衛縣人也昔繞樞神電軒轅氏之馭百靈貫月祥星顯項氏之臨四海金科作範商丘有帝系之雲玉扎披崑幽谷有真人之氣由是公侯策命歷千載而彌昌鍾鼎歡娛經百王而不替豈直將軍列位孫吳暗合之兵協律當宮天地冥符之樂若斯而已矣曾祖裕後魏東宮舍人太子洗馬使持節徐州諸軍事

徐州刺史燉煌郡開國公贈秦豫二州刺史真城西望高關東臨非無置驛之歡實有前軍之寵瑯玕負海八門都督之榮王彰穎河百代封侯之貴大父昌北齊彭城王府中兵參軍事隋濟陰郡成襲封燉煌公文場筆海炤爛等於星辰班固談叢鏗鏘叶於風雅九千里之丹鳳始踐王門七十日之黃龍初階郡職考孝友隋晉州岳陽縣令顏回稱太平王佐月角殊姿仲由稱禮義霸臣星衡詭狀唐都晉野有恒山太嶽之風墨綬銅章有錯節盤根之化若夫于公之宅駟馬爭驅辛氏之門五龍齊駕英靈不已還當命



廣文苑英華 卷二十二  
代之期將有後徵克保承家之業東郊競日探秘跡  
於機衡西蜀談玄測靈心於造化雄才壯思首九奏  
而和八音殫見洽聞披五車而接三篋加以興居禮  
樂出入孝忠簡於一人備於萬物弓旌疊奏始命賢  
良幣帛交馳載徵巖穴從微至著濫觴萌括地之波  
積小成 覆簣漸排雲之構隋大業十二年補謁靈  
臺散從員外郎非其好也屬千三否運百六災年諸  
侯窺王鼎之尊天子厭金陵之氣蚩尤則命風召雨  
桀黠於中州共工則折柱傾維崩騰於海縣能扶天  
下之危者必據天下之安能除天下之憂者必亨天

下之樂我高祖神堯皇帝所以從人望宅靈心鎮天  
開迴地軸鼓聲雷駭親張霹靂之威旆羽星懸手握  
招搖之柄君冲情索隱妙筭知來候東井而考前聞  
裂西河而尊故事扶三畧之奇謀蘊六韜之祕訣義  
寧二年授車騎將軍累加開府武德五年遷右衛二  
十四府右車騎將軍仍於邛州鎮守皇階甫闢猶勞  
尉候之虛天步初夷尚有風塵之驚示之以文德陳  
之以武功所以夜戶不扃所以重門罷柝六年轉仲  
山府左列南州舊俗滯其白獸之祠西棘餘曠背我  
黃龍之約王師直進陵劔棧以長驅廟路遺宣指銅



丘而決勝七年詔君討襲楓天棗地金門玉帳之營  
方卦圓著剡木弦弓之射以此衆戰誰能敵之以此  
攻城何城不克雷出而星曜龍騰而鳳飛一鼓而擒  
四姓三戰而平百濮大夫耆老非唯二十七人拓土  
開疆豈直五千餘里返行飲至拾爵策勲焉禮也其  
年加上大將軍賞口十六人并良馬一疋而俄以爭  
功得罪游俠從君特降王綸遐遷騰府通塞有命潘  
安仁之緒言富貴在天卜子夏之餘論無諧封禪空  
太息於周南絕望夏臺竟棲遲於漢北太宗文武聖  
皇帝承聖皇之大寶奉天帝之休期雷雨八瀛光華

四極旌賢赦過惟新之命屢覃念功簡勞惟舊之恩  
累洽貞觀元年授長樂監仍命於北門供奉宜春禁  
苑太液神池浸石菌而揚波擢金莖而挹露南經丹  
徼恒陪萬乘之遊北統黃山再奉三驅之禮當是時  
也穆穆焉煌煌焉濟濟焉鏘鏘焉一陰一陽而有序  
自南自北而無外猶復中宵不寐殷勤多士之林吳  
景忘疲渙汗非常之辟十四年應詔四科舉射策登  
甲第明於國家之大體達於人事之始終可謂宰相  
之璞可謂皇居之寶漢朝才子承宣室之談魯國儒  
士行踐中都之邑尋授靈州鳴沙縣令累遷原州百



泉縣令科通紫微却負黃州涼秋九月寒沙四面平  
雲匝隴處處而秋陰圓鬼低開蒼蒼而夜色君乘輜  
演教佩紱臨人德被三城風移五縣抽琴命操還臨  
單父之堂繫石飛鳴卽對李泉之學明以御下將水  
鏡而通輝清以立身共冰壺而合照神行有感方登  
玉鉉之階靈化無方獨歎瓊棺之墓春秋七十有一  
以顯慶元年十二月八日終于官舍君年十一丁艱  
朋友相哀家人不識昔稱曾閔今日荀何近古以來  
未之有也隋郡東曹掾江溢見而歎曰此真可謂保  
家緯化嗟尚者久之大業末年皇綱漸紊不掃一室

自懷包括之心獨守太玄且忘名利之境于時魏特  
進房僕射杜相州等並以江海相期烟霞相許付同  
心之雅會訖刎頸之良遊或閉戶讀書累月不出或  
登山涉水經日忘歸斯賢達之素交蓋千年之一遇  
洎塵埋丘岳海沒三山辭殷而奉周背楚而歸漢深  
謀遠慮卽良平無以加也行軍用兵則韓彭不能尚  
也數竒命蹇遂無望於豪門日徃月來竟消聲於下  
邑情均寵辱則萬象同歸跡混彭塲則百齡俱盡浮  
生若寄大漸彌留遺誨子孫庶幾薄塋等梁鴻之宅  
兆邈矣侘鄉符祭仲之高居依然新鄭唯仁與達君



其有焉存榮歿哀此之謂也卽以某年月日墓於某  
原夫人廣平宋氏齊尚書左丞士順之曾孫隋建安  
郡司法長文之季女霜淒月瑩菊艷茗華淑問秀於  
閨房柔風洽於詩禮琴前鏡裏孤鸞別鶴之哀竹苑  
城崩杞婦孀娥之泣長子金河川校尉上柱國輔仁  
等十輪方駕萬石駢衡窺上帝之兵鈴入先王之册  
府指蒼天而求訴血不霑襟對白日以長號悲來真  
臆於是總麻執友素蓋賓朋傳祖德於高陽考豐碑  
於太學庶使城隍一變猶知鄧文之名陵谷三遷尚  
識鍾繇之字其銘曰玉斗之英瑤光之精巡河并洛

握紀提衡柱史論道將軍用兵陸離簪紱奕葉公卿  
嶽牧騰譽弦歌有聲階蘭疊影巖桂增榮山澤通氣  
風雲表靈凝脂點月角珠庭白玉無玷黃金滿籬  
忠爲令德孝實天經朋友千里烟霞百靈琴鐔野尚  
松竹山情數屬郡海時逢鬪星黃龍電震白騎雷驚  
赫矣高祖元亨利貞聖人有作天下文明自北提劍  
因茲間行攀鱗北海附翼南溟水火之陣孤虛之營  
左提右挈東討西征巨猾斯斬元兇載清功符衛霍  
思若良平自滿知損居中忌盈蕭條異縣坎壈浮生  
降以中旨賓于上京陳書詣闕對問揚庭山連鴈塞



野接龍堦暮月而已三年有成波瀾不息箭刻無停  
梁木其壞高臺已傾關雲斷絕隴鴈飛鳴頓雙鳧於  
葉縣啣四馬於騰城

將軍都  
督類

周車騎大將軍賀婁公神道碑

庾信

昔者軒丘命氏初分兄弟之姓若水降居始建諸侯  
之國自是以官為族因地為宗水派枝分其可知矣  
公諱慈字元達本姓張清河東武城人也仕於周張  
仲為孝友謀於晉張彥為賢臣韓有開地則五世強  
國趙有孟談則三卿不戰祖慶少習邊將憑伏智勇  
雖復五車行簡不取博士之名一卷兵書即以將軍  
自許角端在手必無齊魯之侵蓮花插腰甚得蛟龍  
之氣為車騎大將軍儀同三司散騎常侍霸城開國  
伯贈河州刺史父璨公子公孫有鎡基於天下良弓



良治有世業於家風書則百家可知劍則千人可敵  
三槐以鴈鼎象物知其神奸五等以栢桂旆瑞守其  
宮室君以才望兼而有之終於使持節車騎大將軍  
儀同三司散騎常侍武定縣開國公贈兼河州刺史  
兼山岳之靈受星辰之氣年在髫髮甫就勝衣竹馬  
來迎已知名於郭伋羊車在道卽見賞於王澄豈直  
童子明經書生說卦而已至如禪河清論秋水高談  
故以辨折龜林聲馳鹿野國家官族君爲首姓起家  
車騎大將軍儀同三司襲爵爲公邑合一千六百戶  
菊冠登朝傳呼甚寵漢魏台鼎故無此比中朝方伯

罕有其年大家宰任總機衡是勤王畧惜君忠壯委  
以瓜牙鎮左廂親信出梁州防主華陽西極漢水東  
流巴濮旣寧沉黎卽靜保定四年王師北伐以君驍  
勇被召將兵師下宜陽身登函谷將燒白馬之城以  
覆鳥巢之壘卽而中途甚雨未獲圖原軍師聞喪不  
成侵宋桓圖趙王今上之第九弟也文則河間上書  
武則任城置陣作鎮岷丘陽旌錦水白虎之俗難安  
黃龍之盟不定以君智畧入佐中權天和元年授使  
持節大都督治柱國總府司錄仍轉司馬餘官封如  
故相如西喻鏤石於靈山武侯南征浮船於瀘水方



之今日彼獨何人九品課工爲上之下四年入朝歸  
事宰族卽受載師大夫將命齊國尋盟出境卽用和  
隣入國聞喪仍從會葬之禮可使南面此之謂乎尋  
以本官入治軍正至如渭水兵書存心爲志軒丘陣  
法聚石成圖旣得師不疲勞兵無怨讟入陪中禁更  
領儀同邸客城池門闌戶籍咸資巡警並用司存帝  
城近臣公室密戚如逢司隸似畏都官旣而孤城鄭  
媼不相其年巴水深翁不醫其疾春秋三十有三奄  
捐官舍呂子明之疾甚歎軫吳王阮文瑜之長逝悲  
深魏主有詔贈其官禮也以建德四年三月日歸塋

於河州苑川郡之禁山公六郡良家西河鼎族地壯  
金行人雄塞氣兵書七卷河水浮來射法三篇天弧  
夜下鋒旗不息刁斗恒驚猶得馬上讀書軍中習禮  
太史子儀善於謀策諸葛公休長於撫馭四代儀同  
三司七世河州刺史鍾鼎成烈冠蓋連陰謂生爲貴  
臣歿爲貴神者也但以遊蒐久客反塋途遠道阻山  
長妻孤子幼哀聲滿野愁氣連雲况復松檟飄颻方  
臨武威之戍丘陵廻遠直對臨洮之城馬援亡於武  
溪尸柩返於魏里梁鴻歿於會計妻子歸於平陵嗚  
呼哀哉嶮崎遠矣昔者繁昌祠前卽有黃金之竭德



陽基下猶傳青石之碑。是謂勒功乃爲銘曰七葉佐漢五世相韓忠臣入仕孝友當官青城仙洞黃石祠壇臺堪走馬書足廻鸞武定風飈霜城嚴肅並馳雙傳俱分兩竹重世刺舉連鑣袞服草靡青丘風馳赤谷世不乏賢挺茲上嗣孝有三德忠無二志劔足身挺書堪面試旂節旣秉高蟬且珥龜轉印函蛇盤綬笥左右將軍前後常侍繼踵五侯因循三事旂旃九坂艦舳雙流還驅木馬更引金牛江波錦落火井星浮蹲酒望帝安歌蜀侯受服河陽偏師洛浦置陣成臯連旗廣武朝兵滅竈夜營多鼓箭起六麋鋒摧九

虎倏忽人世俄然今古崇發兩星鑿驚二豎遊真遁  
夢言返舊塋紫泥賜丹黃腸贈行途登石紐路入金  
城寒關樹直秋塞雲平劔埋合柱書藏鑿楹武侯爲  
廟藥公爲社雲蓋低臨電裳紛下碑枕金龜松橫石  
馬末矣身世留名華夏



唐右將軍魏哲神道碑

楊炯

天經地緯之帝，求制禮作樂之才，撥亂反正之君，資  
 拔山超海之力，繼韶夏而崇號謚，非無陣戰之風，披  
 皇圖而稽文武，或用干戈之道，故能彌綸宗廟，彈壓  
 山川，苞四海以爲家，一六合而光宅，是以二十八宿，  
 懸列將而察休徵，三十五星，聚天軍而赫符彩，呂望  
 垂竿於渭，涘道峻，匡周張良，授策於圯橋，功崇佐漢，  
 乃有心如鐵石，氣若風雲，洛讖書名，河圖秘象，青聯  
 雷燭，歷大塊以三休，碧羽霜淒，倚渾天而一息，岑彭  
 許允，征南鎮北之名，馮異王昌，大樹中軍之號，柱太



廣文苑英華 卷三十一 碑類  
行而泥函谷猛氣無前戮封豕而斬長鯨雄圖不測  
元戎十乘驅衛霍於前矛甲士三千列孫吳於後殿  
秋風白露執金鼓而齊六軍太山黃河折銅符而光  
百代建廟堂之策爲社稷之臣孰能與於此乎在我  
真將軍矣公諱哲字知人鉅鹿曲陽人也七代祖靖  
非前秦征北大將軍鎮北地上郡其後子孫因居於  
寧州襄樂縣開國承家之始誕性命氏之源大名發  
於本支當途峻於層構三辰鬱鬱天街分畢昴之都  
九野茫茫地險列山河之境丞相以萬機論道匡大  
運以震威嚴尚書以八座當官贊金行而標領袖文

昭武穆方駕齊驅公子王孫朱輪華轂大鵬垂翰馭  
風伯而指南溟天馬騰姿偶雲師而集東道祖唐隋  
天水郡丞河陽都尉瑤林瓊樹擢標格以千尋圓折  
方流委波濤而萬頃雄飛有望豈惟京兆之丞陰德  
不倦何直丹陽之尉父寶皇朝通議大夫總管府司  
叅軍事東家孔子至德生於上天南國申侯明靈誕  
於中岳居朝翊贊道先王之法言公府弼諧對上天  
之休命若夫聖人作而萬物覩元首明而庶事康日  
月粲其光華山川鬱其雲雨則有英靈間出丹陵諸  
白獸之旌符瑞挺生黑帝感蒼龍之傑隋珠一寸魏



廣文苑英華 卷二十七  
后揚眉和璧千金。秦王動色。顏生殆庶。聞於竹馬之  
年。楊子參玄。發自銅車之歲。建情峯而直上。疏筆海  
以橫流。彫璫則百堵皆興。峻宇則千門並列。可大可  
久。無忘簡易之途。爲子爲臣。率由忠孝之境。郭林宗  
之披霧。豈敢名言。孔文舉之欽風。每相推荐。若乃五  
才並用。誰能去兵。七德兼施。止戈爲武。出師於九天  
之上。暗合兵書。取法於十日之前。懸符射法。固以文  
武之道。揄揚滿於城中。將相之才。籍甚聞於海內。貞  
觀十五年起家。補國子博士。喬林掃日。驚白鳳於詞  
條。壁水澄天。駭彫龍於義壑。班超慷慨。常懷萬里之

心。季路平生。每負三軍之氣。十六年勅授左。竦律  
門長上祿。賜同京。仍令爲飛騎等講禮。鄧司徒之舊  
事。馬上讀書。祭征虜之前。聞營中習禮。宮花如錦。還  
臨拜將之壇。槐葉成帷。復對聞軍之市。自皇王眷命  
大帝。應期運璇衡。而制八方。調玉燭。而臨四極。玄菟  
白狼之野。來奉衣簪。蟠桃折木之卿。尚迷聲教。太宗  
文皇帝操斗極。把鈎陳。因百姓之心。問三韓之罪。勝  
殘去殺。上馮宗廟之威。禁暴戢兵。下籍熊羆之用。公  
丹心白刃。本自輕生。六郡三河。由來重氣。烏江計逆。  
剖項籍於五侯。涿野懲奸。磔蚩尤於四宰。二十年詔



除遊擊將軍右武侯信義府右果毅都尉長上如故  
顯慶二年以內憂解職痛深吳隱哀極顏丁踏厚地  
以崩寃訴高天如泣血紫泥垂渙頰降璽書墨線臨  
戎遂從金革三年詔除左衛清宮府左果毅都尉尋  
圍谷府折衝都尉並長上如故又以應詔舉對策甲  
科遷左騎衛郎將于時長榆歷歷烽火猶驚高柳依  
依邊風尚急關山夜月遂爲胡虜之秋西北浮雲翻  
作窮廬之景四年詔公爲鐵勒道行軍總管陳兵玉  
塞按節金徵學常山之蛇擬麗譙之鶴鍾鼓嘈噴上  
聞於天旌旗繽紛下踏於地伏尸百萬因瀚海而藏

舟關地數千卽燕山而築觀武臣雄畧氣懾西零神  
將宏圖威如北狄麟德元年詔遷左驍騎中郎將尋  
檢校右監門左武衛將軍本官如故昔者封禪陟雲  
亭之後七十二君圖書出河洛以還三千餘歲振兵  
釋旅方崇薦帝之儀道洽功成必致禋天之禮粵以  
皇家闢統之五十年今上開基之十七載登封告禪  
玉謀金繩建顯號而施尊名揚英聲而騰茂實華夷  
輯睦皆承萬歲之恩朝野歡娛咸奉千年之慶乾封  
元年詔加明威將軍本官如故大風遺孽叛換青丘  
小水殘寇憑陵碧海率百官於文祖尚興彭蠡之師



會萬國於塗山，猶有防風之戮。是歲也，詔公爲遼東道行軍總管，營雄對日，兵氣橫天，開玉堂而按部坐，金城而勒陣，關鞏之甲，犀兕七重，餘艘之船，舳艫千里。駕鼉梁於聖海，秦皇息鞭石之威，泛鼉鈎於仙洲，愚叟罷移山之力，然後風行電卷，斬將屠城，塞丹浦之遙源，伐黑林之粵本。王孫公子，名霑皂隸之臣，深谷太山，境入樵漁之圃。二年，詔加上柱國，仍檢校安東都護，導之以德，齊之以刑，威振六官，風揚五部。兵戈載戢，無勞尉候之虞，桴鼓希聞，寧有穿窬之盜。仰太陽而晞湛露，方預四朝，臨逝水而急寒風，俄悲一

去齊孟嘗之下淚，高榭曲池，魯司寇之悲歌。頽山壤木，長安杳杳，還符日近之言。京兆悠悠，理絕天高之問。紫關生入判白，無期繡服危還，竟知何日。總章二年三月十六日，遘疾薨於府第。春秋五十有四，嗚呼哀哉！詔贈左監門將軍禮也。唯公被服忠孝，周旋禮樂，仁者見之謂有仁，智者見之謂有知。研幾冊府，金滕玉版之書，索隱兵鈴，玄女黃公之法。每建旗推轂，三令五申，躬擐甲胄，親當矢石。軍井未建，如臨盜水之源。軍竈未炊，似對嗟來之食。由是南馳北走，東討西伐，擲之無旁，按之無下。載匡宮裏，遙登將軍之壇。

奇想



閣飛星邊，獨列中軍之位。雖龍泉匿字，薰歇光沉，而  
麟閣飛名，天長地久。夫人扶風氏，隋濠州刺史圓之  
孫也。五扮春艷，牽少女之祥風；八桂秋雲，降仙娥之  
寶魄。謝家之子，歌柳絮而知慙；劉氏之妻，頌椒花而  
自耻。三周按禮，無虧內則之風；四德揚蕤，載闡中閨  
之訓。宿盤龍於月境，早沒鸞床；矯飛翼於霞棲，先沉  
鳳穴。珠星壁月，終陪季子之階；金鼎銀罇，竟列齊侯  
之寢。以貞觀十五年五月五日，終於某所。越咸亨元  
年某月日，祔於某原。長子瓜州司倉擇木，次子右衛  
親衛玄封等，門傳萬石，庭列雙珠。花萼爭榮，芝蘭  
詠

秀天經地義，欽承避席之談。日就月將，虔奉趨庭之  
教。變槐檀而瀝膽，木石悲酸；伐露霜以崩心，幽明感  
動。塋之以禮，登之以時。生民之本，盡矣死生之義。備  
矣孝子之事，親終矣。於是門生故吏，其緝家聲才子  
文人，思傳盛德，庶使蘭相如之壯氣，歷千載而猶存。  
隨季子之餘風，畫九原而可作。其詞曰：文王受命，畢  
公餘慶。玉樹聯芳，金枝疊映。三分並列，七雄齊競。建  
國承家，重熙累盛。功宣蹈舞，德流歌詠。河洛垂文，山  
川吐雲。驪珠育照，虹玉呈文。直立孤聳，天然不群。棲  
遲膠塾，悅懌丘墳。耻爲儒者，自許將軍。伊初不憚，軒



輟討逆陣擁遼河岳鎮碣石班超投翰揚雄執戟弓  
合三才刀長四尺爰清尉候載澄疆場得人者昌失  
人者亡皇恩俾乂帝曰明敷幽桂含穰滋蘭吐芳承  
天待詔觀國賓王茂實斯遠音聲克彰鵬池森漫鷄  
山禍亂出閩辭家夷鹵靜難金微瓦解玉亭水泮扈  
駕命旋陪祠日觀萬邦胥悅千齡啓旦斗骨危城占  
蹄舉兵丸山霧塞渤海波驚帝赫斯怒王師有征虔  
劉北貌戡剪東明遵以文軌宣其德刑太微上將文  
昌貴相非熊非羆令問令望寵踰軍幕榮叅武帳本  
謂來朝何期返塋原野蕭瑟風烟悽愴天道如何吞

恨者多松風夜響薤露晨歌秋月如練春波似羅榮  
華滅後寒暑經過青烏丘壠白馬山河



華嚴外乘長壽殿青島立巖白馬山阿  
 刻詩公風交響靈氣迴赫風吹殿春  
 刻詩公風交響靈氣迴赫風吹殿春

唐上騎都尉高君神道碑

楊炯

南方火德陽精赫雷電之威西陸金行秋令毒風霜  
 之氣達其變聖人所以定天下之文象其宜聖人所  
 以觀天下之變或衣裳六合舞千歲而掃虔劉或鍾  
 鼓八絃用甲兵而誅暴亂若夫皇天失紀慧宇飛流  
 后土不繩山河崩竭蚩尤食石交害於生人項羽拔  
 山憑陵於上國天子聞鼓輦之響思將帥以龔行將  
 軍屬甲冑之容攬英雄而決勝則風雲潛感豪傑挺  
 生得七星之武曲破軍受五運之金多木少四時繁  
 弱射連尹於礮山萬辟太阿殺顏良於官渡然後達



唐文苑英華 卷一百一十一  
人知足、徒興白髮之歌、烈士徇名、不受黃金之賞、與夫棄其筆墨、漢家封萬里之侯、稱爾戈矛、周王命百夫之長、豈可同年而語哉、君諱則字弘規、其先渤海人也、後代因官、遂家于涇州之定安縣、神房阿閣、太山橫日觀之峰、金闕銀臺、滄海蔽天、虛之岸、風土形勝、關河表裏、三分六州之大業、師尚父贊其經綸、一注九合之元勳、齊桓公拓其疆場、高柴至德、籍東魯之聲名、高鳳沉研、盛西堂之學校、英才磊落、而秀發人物、蟬聯而間起、三光不墜、察高星於大紫之宮、八柱無疆、奠高嶽於中黃之域、曾祖冲、北齊鷹揚郎將

周右屯衛清宮府別將成軍、夜火教戰、秋風九天揚、後一之兵、六合擁前三之陣、張生入漢、行觀滅楚之、徵、微子奔周、坐見亡殷之兆、祖赦周褒、郡南和縣長、陶元亮攝官於彭澤、道契羲皇、陳仲弓歷職於太丘、德符星緯、飄風驟雨、不入灌壇之鄉、暴武蒼鷹、潛出、瑕丘之境、考才朝議郎、止開府、孫子荆之天骨、亮拔、不群、王夷甫之道心、神鋒太峻、議郎清秩、懸符處士、之星、開府崇班上、接台階之位、君雄心獨斷、猛氣無前、用兵書六甲於自然、知射法三篇於性道、早圖星象、管公明懷察變之心、幼識旌旗、陶恭祖有行師之



畧屬隋人板蕩天下崩離朱陽夾飛鳥之雲紫極現  
雄鷄之象陳兵爭戰窺玉策於中州姚石壇塲竊金  
符於寓縣我高祖黃雲大帝白水人風雷海嶽之  
純精天地陰陽之正氣媧皇受命殺黑龍而定水災  
漢祖乘機斬白蛇而開火運君夜觀乾象晝察人情  
審、熒、惑、之、詞、謠、驗、嵩、山、之、讖、記、關、中、王、氣、不、勞、甘、德、  
之、言、沛、國、真、星、無、待、殷、墟、之、說、賊、薛、舉、豺、狼、梟、獍、禱  
祝、窮、竒、守、幽、隴、以、行、災、負、關、河、而、作、孽、天、王、按、劍、出  
軍、於、玉、帳、之、前、猛、將、分、麾、受、律、於、金、壇、之、下、以、義、寧  
二、年、王、師、簿、伐、趙、國、公、長、孫、無、忌、精、兵、若、獸、利、器、如

霜問君以帷幄之謀待君以心腹之寄營當月暈因  
八門之歿生陣法天星乘五將之關格蔭華蓋歷明  
堂以我和而制其離以我直而摧其曲敗楚師於栢  
舉未足權衡執秦桴於嶠陵無階等級此實君之功  
也其年詔授朝散大夫賜物三百段排患而釋滯功  
成而不居北踈傳而辭榮追留侯以高蹈三靈革故  
君子於焉待時四海清平謀臣以之歸第自太王基  
命成康隆玉版之圖高帝受終文武盛金刀之業家  
給人足天成地平猶勞水旱之餘尚想京坻之積咸  
亨三年春奉勅於河陽檢校水運使搜粟都尉河堤



使者銅鏡鐵舳蒼鷹白鶴之船竹箭桃花貝闕龍堂  
之水引紅粟於淮海沉歸舟於秦晉遂使齊臣獻納  
先陳不減之名漢后絲綸卽有常平之號望千石之  
氣可以療饑開萬箱之儲自然知禮此又君之功也  
其年詔賜上騎都尉嗟夫河流曲直天道盈虛鬼神  
莫之要聖賢莫能預高臺下泣孟嘗君之惻愴可知  
梁木興謨孔宣父之平生已矣上元三年春三月日  
終于樂邑里之私第享年七十六惟君魁梧動俗符  
彩驚人忠孝天資溫良日用一門兄弟盡同鍾毓之  
車千里賓朋時命嵇康之駕每至白雲生海素月流

懷既

天未嘗不顧焉山河抑揚琴酒馮異之大樹對諸將  
而無言子夏之名山謝時人以不語四林遊刃八水  
忘筮能祛有漏之因早得無生之法雖十年俱盡陸  
士衡之長嘆有徵而千載猶生蘭相如之壯心恒在  
卽以冬十月丁酉葬於定安東南二十里之平原禮  
也陶公相宅郭璞占墳面丹鳳而背玄龜兆青鳥而  
徵白馬三百篇之後卜筮何從二千石之榮子孫無  
替長男仁獻中男仁楷少男上護仁昉等或體窮三  
變潘陸不足以昇堂或力敵高夫關張不足以扶轂  
有元方季方之長幼傳學詩學禮之門風金友玉昆



忠臣孝子窮號積於心髓創鉅纏於肌骨星辰已變  
昊天無報德之期霜露潛移君子有終身之感嗟之  
以禮垂制度於三王思之以時別蒸嘗於四季然後  
按帝賢之舊德叙潘岳之家風戴逵銘北海之文張  
昶刻西山之石若使鄧將軍之一見自得嘉名魏太  
祖之來觀懸知絕唱其詞曰金闕千仞銀宮百常發  
揮雷雨震動陰陽山水形勝人神會昌九州霸業賜  
履勤王樂只君子邦家之光驚雷氣候大昴徵祥運  
屬飛海時逢吸霜中原逐鹿西嶽亡羊漢起高帝周  
興太王乃披荆棘卽奉壇場國步猶阻黎元未康將

軍不拜使者相望陣合星斗兵符玉璜殲夷叛逆刷  
滌邊荒化穆三代時清九皇猶思禮節尚試堯湯漕  
通淮海水泛舟航蒼鷹鷁舳紫貝龍堂功立身退航  
懸車杖鄉百年俄頃萬緒悲涼昔時華屋今日玄房  
平天慘慘半月蒼蒼地謂西郭山言北邙曲池無處  
松檟成行



公... 平入... 萬... 皇... 王...

唐昭武校尉曹君神道碑

楊炯

君諱通字其其先沛國譙人也近代因官遂居于瓜  
州之常樂縣故今為縣人焉顯頊高陽之子孫曹叔  
振鐸之苗裔山河白馬漢丞相開一代之基譙沛黃  
龍魏武帝定三分之業承家卹胤岳峙星羅居雍州  
西境斷匈奴右臂門容駟馬旌旗玉塞之雄坐列三  
貂人物金行之秀祖某隱居不仕父顯盪寇將軍河  
庭寶玉廣都鸞鳳或閭閻之內禮敵於諸侯或抱鼓  
之間威振於千里功則可大以官族而為官德亦不  
孤惟將門而有將君天才卓越雄略縱橫陶謙性好



於幡旗王濬志在於長戟東方諫議口誦孫吳諸葛  
武侯坐吟梁甫屬有隋之末四海分崩皇運之初三  
光草昧五星同聚田橫猶在於草中九代飛榮隗囂  
尚屯於隴右賀拔盛操符誓衆斬木稱兵以辨髮左  
衽之餘負禱杙窮竒之號遂欲驅馳我塞北撓亂我  
河西天子不憚於廟堂鼓其雷電使者相望於道路  
申其弔伐武德元年乃詔侍中楊仁恭出使先之以  
德義陳之以兵甲七旬于羽不籍有苗之師萬國侯  
王坐見防風之戮君深知逆順獨斷曾懷去危卽安  
轉禍爲福非如馬援遨遊二帝之都不學竇融自保

三、分之重勅授昭武校尉鮮卑醜類慕容殘孽遷於  
大棘之城止於小蘭之界雖謂其群下願聞禮於上  
宗而拜於將軍遂誇大於諸國貞觀八年詔特進代  
國公李靖爲行軍大總管登壇拜將授鉞行師開太  
一之三門閉陰符之六甲決勝於俎豆然後折衝萬  
里信賢如腹心故能匡正八極君當仁不讓聞義則  
行從王粲之戎旅棄班超之筆硯係單于之頸有類  
長沙斬樓蘭之王更加平縣詔除上騎都尉車師舊  
國俯眺前庭戊巳遺墟斜連後壁負天山而版蕩擁  
蒲海而虔劉聖人之德非欲窮兵黷武者之師蓋



爲夷酋靜亂十四年詔兵部尚書侯君集爲行軍大  
總管軍營王帳武畧珠韜旌旗蔽於日月金鼓聞於  
天地安人保大實憑帷幄之謀斬將擐旗成籍武夫  
之力君緬懷高義思報國恩從來六郡之子是惟萬  
人之敵梯衝所及攻靡堅城矛戟所臨野無橫陣一  
舉而清海外再戰而滌河源飲至策勲抑惟恒授詔  
除上柱國君備嘗艱阻頻有戰功天子聞之累加徵  
辟慕田疇之節羞賣盧龍之塞高魯連之義請從滄  
海之遊遂乃散髮鄉亭拂衣丘壑爲趙魏之老在羲  
皇之上關內諸公深知郭解洛陽人物高談劇孟家

僅有禮皆使拜賓門客多才咸能市義南宮養老坐  
聞鳩杖之榮東岳龜見鶴書之召以龍翔元年  
某月某日終于里第嗚呼哀哉夫人某官之女也流  
湘降祉河洛騰休符玉石之堅貞貫風霜之慘烈鏡  
飛天上窺祥鳳於銀臺劔動星文秘蛟龍於玉匣以  
某年某月日終越某年月日合塋於某原君孝實因  
心忠爲令德鮮花匝苑盡兄弟之歡娛好鳥鳴林展  
交遊之宴喜太初朗月俯照金鞍叔夜清風來生寶  
劔故能戰必勝攻必取西零種族遙憚武臣北漢酋  
豪見稱飛將雖苑之日猶生之年園令獨慕於相如



漢帝長懷於李牧，長子游擊將軍和。政府右果毅都尉，上柱國末雄次子朝散郎行西州柳中縣主簿。上騎都尉知君等三餘廣學百戰雄才，就養之方兼申愛敬，慎終之道不忘哀戚。雖雨崩防墓，無孔子之格言，而鼠齧前松，有文王之故事。卽以某年月日改葬於木城之平原，長婦某氏卽末雄之妻也。某官之女，柔風淑譽，習禮聞詩。上奉舅姑，旁睦娣姒。溫家之婦，方歡白玉之臺；盧氏之妻，空對黃金之椀。先以求淳元年某月日終至是，卽倍窆于塋內右翊衛弘執兵圖日用，劔術天知六郡，許其良家三州，養其利思。

弘祖德願叙家風，託無媿之銘。跋涉載勞於千仞，訪他山之石，東西向踰於萬里。炯効官昌，運負譴明時。始以東宮學士出爲梓州司法，傾蓋相逢，當仁不讓。庶使見曹娥之碣，楊修歎其好詞；讀元壽之文，高祖稱其佳作。其詞曰：大矣丞相天地翼亮，烝哉王侯子孫蕃昌。條分葉散，源濬流長。金城北見玉關，西侯山澤駢羅。冠車輻湊，降神生德。興賢誕秀，曰有人英材。標國楨鬻，年學劔非。歲論兵以身許國，東討西征。皇家啓聖，撥亂反正。逆賊遊魂不恭，王命亦旣授首。河西大定，蕞爾湟中。車書未同，帝赫斯怒。攢其英雄風。



行電轉谷靜山空二庭遺孽交河路絕天子聞聲元  
戎案節王師無戰海外有截歸我田廬功成不居歲  
云秋矣日月其除壽非金石命也如何孝乎兄弟塋  
之以禮蓼蓼者莪人生若多言猶在耳眇邈山河

瀘州都督王湛神道碑

楊炯

雄厚

惟漢高祖應天順人祭蚩尤於沛庭斬大地於豐澤  
則豐沛之豪傑乘於雲矣惟漢光武龍飛鳳翔舉新  
市之八千破王尋之百萬則南陽之佐命動於天矣  
我高祖神堯皇帝以唐侯而建國從晉陽以起兵協  
和萬邦光宅天下則太原之衣冠有太勲矣公諱湛  
字懷元太原晉陽人也十一代祖卓晉給事中母常  
山公主河東有湯沐邑因家焉塋於長壽原故鄉有  
太原之號皇業伊始公以中涓從事賜田鄠杜間今  
為雍州人也昔武王定於下人大子賓於上帝基鄴



鎬而開國、籍神仙以命氏、霸則司徒所讓位、天子所  
不臣、起則孝弟於閨門、務學於師友、豈直橫江斬將、  
南登建業之臺、土食金溝、北徒卬山之宅、自茲厥後、  
數百年間、國移三統、周人共推其代、祿家徙五陵、漢  
朝不易其冠冕、祖宗邁後魏中書侍郎彭城王府司  
馬周春官大夫都督晉陽侯祖亮本州主簿司木上  
士隋贈信州刺史大名革於東魏天命集於西周宗  
伯所以辨其儀、林衡所以平其守、父綽秦孝王府祿  
仁壽宮監離石郡通守晉陽侯皇朝石州刺史逆賊  
劉武周攻陷郡城因而害遇贈代州總管謚曰烈侯

禮也、天造草昧、王業艱難、周師纔至於太原、胡兵遂  
入於離石、負戶而汲、不能定西戎之禍、析骸而爨、不  
能解南楚之圍、仁者殺身以成名、事有死而無貳、公  
承聖賢之末代、屬喪亂之弘多、天子乘輿、方清秣陵  
之氣、諸侯斧鉞、莫救驪山之烽、國有命而何言、邦無  
道而斯隱、大業之季、本州察孝廉、非其好也、高祖乃  
操斗極、拜圖書、再駕臨於孟津、五星合於東井、公解  
衣而濟、策杖而行、躡食其之長者、逢漢祖而長揖、袁  
曜卿之茂才、見曹公而不拜、從平霍邑、授紫金光祿  
大夫、入長安、加左光祿大夫、歷丞相、相國、二府典籤



參軍事高祖受禪擢爲通事舍人通直散騎侍郎封  
金水縣侯食邑七百戶稍遷虞部郎中丁烈侯艱去  
職尋起爲隴西別駕商鄜二州刺史上柱國荊州大  
都督府司馬冀州刺史定其封邑誓以河山蕭相立  
功於萬代留侯決策於千里願持一郡洛陽之任耿  
純兼攝八州江東之拜陶侃龍朔三年遷使持節都  
督瀘榮漆珍四州諸軍事瀘州刺史江陽縣地瀘水  
提封參伐下而爲益州岐山上而爲井絡尺兵再戢  
黃昌兩日之歌槃木斯來景伯三年之化功成露冕  
歲及懸車歎疎廣之知足慕祁奚之請老乾封二年

書存之女封清河郡君先公卒追封溫國夫人子三  
人童唐皆早亡康今爲秘書省校書郎孫二人祖福  
皆承奉郎以元祐二年正月葬於陝之夏縣涑  
水南原之晁村上以御篆表其墓道曰忠清粹德之  
碑而其文以命臣軾臣蓋嘗爲公行狀而端明殿學  
士范鎮取以志其墓矣故其詳不復再見而獨論其  
大槩議者徒見上與太皇太后進公之速用公之  
而不知神宗皇帝知公之深也自士庶人之於卿大  
夫相與爲賓師朋友道足以相信而權不足以相休  
戚然猶同已則親之異已則疎之未有聞過而喜受



廣文苑英華 卷五十一  
諷而不怒者也。而况於君臣之間乎。方熙寧中。朝廷政事與公所言無一不相違者。書數十上。皆盡言不諱。蓋自敵以下所不能堪。而先帝安受之。非特不怒而已。乃欲以爲左右輔弼之臣。至爲叙其所著書讀之於邇英閣。不深知公而能如是乎。二聖之知公也。知之於既同。而先帝之知公也。知之於方異。故臣以先帝爲難。管齊神武皇帝寢疾。告其子世宗曰。侯景專制河南十四年矣。諸將皆莫能敵。惟慕容紹宗可以制之。我故不貴。留以遺汝。而唐太宗亦謂高宗汝於李勣無恩。我今責出之。汝當授以僕射。乃出勣爲

劔吳遠由其得銘。王裒以之攀柏。冀州境内舊多淫祀。褰帷按部。申明法禁。詔書遷秩。百姓攀車立廟。生祠樹碑。頌德亦猶欒巴。典郡山鬼。潛移張禹。牧州江濤不起。公出身六十載。遺愛二十州。遂罷方岳之官。仍居上台之位。始於撥亂。伊尹之輔成湯。終於太平。軒轅之得風后。然後拂衣高蹈。躬覽載籍。著遺誠十。八章。盛行於代。法文王周易之變象。尼父孝經之篇。窮性命之理。盡天人之際。莊周著論。生也若浮。史佚立言。没而不朽。越文明元年二月十七日。陪塋於獻陵禮也。長子朝散大夫行扶風令。遐觀等生。劔一束。



泣血三年不踰聖人之禮能行大夫之孝京兆載開  
 其新阡昆吾用昭其舊德百年宮室宛在章臺之東  
 五校軍營依然茂陵之下其銘曰昔在湯武阿衡尚  
 父下及高光蕭何鄧禹皇天眷命赫矣高祖惟岳降  
 神克生元輔攻城野戰張飛關羽奇策密謀荀或賈  
 詡始陪營衛仍參幕府旌節龍沙軒旗象浦出臨方  
 岳入調風雨其生也榮池臺鍾鼓其歿也哀陳兵復  
 土孝乎惟孝無父何怙刊石勒銘永傳終古

奇賞齋廣文苑英華卷之二十三

史官陳仁錫明卿甫評選

墓碑類

并序

高士類

蔡邕

碑文不冗  
匪特不規  
其人

先生諱泰字林宗太原界休人也其先出自有周王  
 季之穆有號叔者寔有懿德文王咨焉建國命氏或  
 謂之郭即其後也先生誕應天衷聰獻明哲孝友溫  
 恭仁篤慈惠夫其器量弘深姿度廣大浩浩焉汪汪  
 焉與乎不可測已若乃砥節礪行直道正躒貞固足  
 以幹事隱括足以矯世遂考覽六經探綜圖緯周流



華夏遂集帝學收文武之將墜拯微言之未絕于時  
纓綬之徒紳佩之士望形表而影附聆嘉聲而響和  
者猶百川之歸巨海鱗介之宗龜龍也爾乃潛隱衡  
門收朋勤誨童蒙賴焉用祛其蔽州郡聞惠虛已備  
禮莫之能致羣公休之遂辟司徒掾又舉有道皆以  
疾辭將蹈鴻涯之遐跡紹巢許之絕軌翔區外以舒  
翼超天衢以高峙稟命不融享年四十有二以建寧  
二年正月乙亥卒凡我四方同好之人永懷哀悼靡  
所寘念乃相與惟先生之德以謀不朽之事僉以爲  
先生既沒而德音猶存者亦賴之於見述也今其如

何而闕斯禮於是樹碑表墓昭銘景行俾芳烈奮于  
百世令聞顯於無窮其辭曰於休先生明德通玄純  
懿淑靈受之自天崇壯幽浚如山如淵禮樂是悅詩  
書是敦匪惟撫華乃尋厥根宮牆重仞允得其門懿  
乎其純確乎其操洋洋搢紳言觀其高棲遲泌丘善  
誘能教赫赫三事幾行其招委辭召貢保此清妙降  
年不永民斯悲悼爰勒茲銘摘其光曜嗟爾來世是  
嗣是效



陳太丘碑文 并序 蔡邕  
先生諱寔字仲弓潁川許人也含元精之和應期運  
之數兼資九德摠修百行於鄉黨則恂恂焉彬彬焉  
善誘善導仁而愛人使夫少長咸安懷之其為道也  
用行捨藏進退可度不微訐以干時不遷怒以臨下  
四為郡功曹五辟豫州六辟三府再辟大將軍宰聞  
喜半歲太丘一年惠務中庸教敦不肅政以禮成化  
行有謚會遭黨事禁錮二十年樂天知命澹然自逸  
交不詔上愛不瀆下見機而作不俟終日及文書赦  
宥時年已七十遂隱丘山懸車告老四門備禮閑心

陳太丘碑文

并序

蔡邕

何綽

先生諱寔字仲弓潁川許人也含元精之和應期運  
之數兼資九德摠修百行於鄉黨則恂恂焉彬彬焉  
善誘善導仁而愛人使夫少長咸安懷之其為道也  
用行捨藏進退可度不微訐以干時不遷怒以臨下  
四為郡功曹五辟豫州六辟三府再辟大將軍宰聞  
喜半歲太丘一年惠務中庸教敦不肅政以禮成化  
行有謚會遭黨事禁錮二十年樂天知命澹然自逸  
交不詔上愛不瀆下見機而作不俟終日及文書赦  
宥時年已七十遂隱丘山懸車告老四門備禮閑心

唐文苑英華

卷二十三 碑類

三

古賞齋



廣文苑英華 卷三十三  
三  
古實錄  
靜居大將軍何公司徒袁公前後招辟使人曉喻云  
欲特表便可入踐常伯超補三事紆佩金紫光國垂  
勲先生曰絕望已久飾巾待期而已皆遂不至弘農  
楊公東海陳公每在袞職羣寮賀之皆舉手曰潁川  
郡陳君絕世超倫大位未躋慙於文仲竊位之負故  
時人高其德重乎公相之位也年八十有三中平三  
年八月丙午遭疾而終臨沒顧命留葬所卒時服素  
棺槨財周櫬喪事唯約用過乎儉羣公百僚莫不咨  
嗟巖數知名失聲揮涕大將軍弔祠錫以嘉謚曰徵  
士陳君稟岳瀆之精包靈曜之純天不憖遺老俾屏

我王梁崩哲萎于時靡憲摺紳儒林論德謀跡謚曰  
文範先生傳曰郁郁乎文哉書曰洪範九疇彝倫攸  
叙文爲息表範爲士則存誨沒彌不亦宜乎三公遣  
令史祭以中牢刺史敬弔太守南陽曹府君命官作  
誄曰赫矣陳君命世是生含光醇德爲士作程資始  
旣正守終又令奉禮終沒休矣遠聲遣官屬掾入前  
後赴會刊石作銘府丞與比縣會葬荀慈明韓元長  
等五百餘人總麻設位哀以送之遠近會葬千人已  
上河南尹种府君臨郡追歎功德述錄高行以爲遠  
近鮮能及之重部大掾以成時銘斯可謂存榮沒哀







知制誥上柱國許國公蘇頌爲銘刻石臣頌不敏颺  
言拜命云長公主諱某字某隴西狄道人高祖神堯  
皇帝之曾孫太宗文武聖皇帝之孫高宗天皇大帝  
之第二女中宗孝和皇帝之姑也太上皇之妹開元  
神武皇帝之姑也管軒后修德高陽任而豫之虞姬  
邁德而用之故先王會昌而王者興前聖受  
命而聖人作自風偃三代刑清百年揚耿光於祖宗  
紹期運於神武上以此崇於黃軒至其道次以宗極  
於玄老施其教慶漸綿綿恩周行葦重熙而累盛皇  
哉而唐哉公主承娣月之華分女皇之耀閑和美度

婉婉令德有循其禮無擇於言鑿圖取則聞詩服義  
故可以賦絲緡而開湯沐者也於是曳紅綬賜青圭  
香滿玉鑪綵搖金縷允所謂帝乙歸妹以祉元吉魯  
侯王婚是稱同姓始封宣城公主下嫁乎王氏駙馬  
都尉故潁州刺史贈右監門將軍太原王府君諱勗  
字遂古右監門將軍平舒公之孫歙州司馬之子自  
周儲洛濱之契秦將頻陽之業門昌帝緒家累天姻  
豈平叔之才貌得孟孫之閨閣亦旣觀止展也令儀  
成其肅雍率由俊彩至盥漱櫛縱笄總衣紳箴管刀  
斲線續繁縠若此者敬而持之動必於是則其餘可



重也。天授中，聖后從權革命，駙馬非罪，嬰酷公主復歸于後庭。凡九十甲子，口不入辛味，耳不聆曼音，體逾尚柔，言靡敵怨，運觀心之智，察摩頂之神，豈寂以幽通，將虛而信，受有菩薩現前者，數四居每奇之中。宗禹物不改漢儀，初復乃命宗正卿李珍冊拜宣城長公主，食實封一千戶，并置府僚，比侯王之封，齊令丞之秩，太皇御極，又增五百戶，改封於高安，且重永康之冊，允符長廣之拜。今上握圖，又通前，加至二千戶，尚於德先於親也。公主頃歲奉嘗，覩高宗畫像，雖光靈在天，而見似目瞿，感咽于地，遂成心疾，至使名

醫萃止御藥，相望孝焉，而終仁則何輔，嗚呼哀哉！富貴乃驕奢之資，不期而至，吉凶乃盛衰之象，不召而成。况泰忘約，吝生動，寵怙權，邪醜証，知得而不知喪，知存而不知亡，嘗歷觀之，熟矣。由是黃金象牙，明珠翠羽之飾，積於外，雕文刻鏤，衣統履絲之巧，充於內，然後堅車良馬，漿酒藿肉，吹笙竽，學歌舞於其間者，殊不知以相強而結禍，因自恣而招危。魯元所以好過度，竇太所以縱踰禮，鄂邑所以懟抵罪，湖陽所以匿犯法，館陶所以求不獲，昭平所以免河上，埒開邨，阜胤子孰聞，田在漢京，權臣所奪，吁可長嘆息者矣。



我長公主則不然避榮守靜退藏於密端操正色進  
寡其亂為皇女焉為皇妹焉為皇姑焉非不貴也能  
戒盈忌滿智崇禮卑儉德之恭讓德之益主無攸遂  
不專也勤無告勞不匱也宜於秋犢以助宗人率彼  
春蠶以從王后則未嘗忽諸猶深悟色空大依禪惠  
觀我生之進退究人事之終始蓋泡夢之為喻也乃  
散以擅那离於染着景雲歲請罷賦邑蠲屬官遂沉  
真從省曠書上而制為之嗚呼身役意餘道之微者  
古有女儀嬪則焉或孟母之勸學敬姜之知禮仲妻  
之辟相惠婦之光夫然出於素族書之緹史未有居

典切

高益下託体至尊如長主之儔矣故能九師讓能三  
子聞教自我之出與時偕行知微知彰不詔不黷長  
日暉銀青光祿大夫太僕少卿仲曰暉朝請大夫衛  
尉少卿季曰暉尚舍奉御並欲報罔極柰貌棘心哀  
以送之龜從筮吉粵其年八月朔十七日葬于咸陽  
之北原禮也落月過半秋陽浸微清笳凝兮朔風斷  
丹旄列兮秋雲飛望槐里而西馳去荻園而北顧視  
牽牛兮像設過飲龍兮徑度闔闔窳窳遠羸女之樓  
臺松柏陰烟近漢皇之陵墓其詞曰  
赫赫上帝臨于巨唐卜年萬倍誕睿興王何彼穠矣



廣文苑英華 卷三十三 奇賞齋  
休其有元亦既從夫車服不繫亦云主婦蘋蘩以祭  
在貴能約終溫且惠樂只君子曾不永年未亡之人  
歸於九天心以理遣身以義全光于累聖受于明命  
伯姊延暉皇姑襲慶監以損益辭其滿盛我有空言  
宗于釋門不生不滅茲道存存允之降靈西反其竟  
詠清淺兮天之際憶瀟湘兮日已逝登寒山兮見超  
忽生秋草兮坐蕪沒金為字兮琬為碑永貞芳兮實  
在茲

延州豆盧使君萬泉縣王薛氏神道碑

李華

或稱達性命者齊生死之域違憂怖者一修短之數  
斯蓋無心之倫耳焉足與議於精哉何則雲虹滅彩  
辭人於是詠謚華秀從風君子為之歎息豈不以對  
仙麗之景懷變化而遺戀在昭荼之節悼零落而徧  
憤吾見豆盧氏之子於其伉儷有焉縣王諱字姓薛  
氏河東汾陰人父駙馬都尉奉宸將軍諱尚城  
陽公主考駙馬都尉散騎常侍諱紹尚鎮國太平公  
王其在昔也夏有車正先封周有薛侯事長其在今



廣文苑英華 卷五十一  
也五宗姻於帝室重葉母於王姬河水經天上積星  
辰之氣霍山鎮地下多珠玉之林縣王幼而敏惠長  
而洵淑貞孝義烈之傳吉凶賓祭之儀一聞成誦絃  
絃紉組之制涪毫醞羞之品一見懸解至乃鶴迴清  
泛蠶聚崩雲月韻玖砧花穠綵樹婦人能事成臻妙  
焉大聖天后鍊石補天有王母之神器分茅列地啓  
弄孫之美邑封由有禮義引而親天授三年四月內  
封萬泉縣主天愛下流日親上簡乘龍之舉和鳳爲  
難絡八絃以選門奄千官而求俊夫以龍圖帝貴祈  
步搖之華源厠戟戾門襲燕京之雄胄人之信美帝

用嘉焉以萬歲登封元年仲春旣望歸於豆盧氏六  
宮送行百寮供事迂以銜輅遺以翟車環珮冕旒瓊  
然在馭藻朱黛爛其盈門詔昏之禮於斯爲盛爾  
乃移其愛敬以事舅姑伸其及恭以設公妹舉宗洽  
比如鼓琴瑟每至婚姻會同少長咸集珞璜節步金  
翠耀首有婉孌之心無驕矜之色晞晞矚者若遲日  
之泛漣漪瞻詞氣者猶光風之轉蘅薄加以引納懷  
和饋分周賑踈屬自附窮歸忘窘故蘭行彰信於閨  
門而蕙風滿盈於邦國諒惟琬琰之性日美抑亦劬  
勞之訓致焉中宗孝和皇帝雲迴南土龍見東京二



儀更闢九族還叙望我兄兮公主贊陶鈞之  
 甥也縣王開井邑之賦神龍元年春加實封三百戶  
 縣王既通濟門關奉御又尚司殿省天子巡遊宮觀  
 觴樂池臺我有周親無時不從王家外幸比齊后而  
 聯恩子壻中叅與趙王而均禮或醉飽踰度寒燠本  
 平何嘗不御藥在門王人接路當時厚澤莫之尚也  
 景龍四年二月以奉御出為丹延二州刺史保傅下  
 堂隨朱輪而同去輜駟入郡與阜葢而齊能辭宮闕  
 兮歲闌戀庭闈兮日遠肥泉永歎邪氣攻衷楚祝招  
 而不來秦醫來不及景雲元年八月二十一日傾逝

於延州之解舍春秋二十有四美玉褫顏明珠晦色  
 平陽舊宇遂無望于歸寧懷縣新文空流漣于永逝  
 有子三人西華南容東里等或齒或岐呱呱而泣天  
 何以罰神其忍之冬十有二月五日歸葬於長安之  
 洪瀆原窀穸營護有命加等器服祖遣率由舊章生  
 之也榮葬之也禮若夫柔加好洽善之元也肅雍降  
 貴謙之道也山河其德容潤廣也能罷其祥祚胤大  
 也摠衆美於修嫔落驕暉於小年此所以哀中之又  
 哀也管衰亡馬氏蔡筆斯奮鄭喪曹姬潘文亦作引  
 茲內範事華無愧砥望夫之石以表靈丘緝幼婦之



薛將傳終古銘曰

薛之皇祖胄軒國禹相陰侯周氏其土宇英英白雲  
鬱彼河汾公門蕃衍銘鼎氛氲則仁則義則戚則勳  
餘慶介祉誕靈女士中宗之甥鎮國之子皎若霜雪  
華如桃李舜族爰叙堯封咸秩萬泉開賦三百其室  
守盛以儉居滿不溢亦旣鳴雁宜爾家人謙恭下下  
撫納親親傾財致客對饁如賓我有邸第前臨黃道  
我有池塘却望青草漢輦停暮秦蕭拂早歲月易忘  
歡娛難保良人出守將命比狙與子偕往飲別東都  
望毋腸絕辭家淚枯露萎莖草霜酸衆雛蒐兮何歸

京師之野葬於何處杜陵之下巖巖雙闕列列行櫺  
勒是徽音永觀來者



曹娥碑文 邗鄞淳

嘗游其祠以他娥配之書非特兩起墳立也

孝女曹娥者上虞曹盱之女也其先與周同祖末曹荒流爰茲適居盱能撫節按歌婆婆樂神以漢安二年五月時迎五君逆濤而上為水所淹不得其屍時娥年十四號慕思盱哀吟澤畔旬有七日遂自投江死經五日抱父屍出以漢安迄于元嘉元年青龍在辛卯其之有表度尚設祭誅之辭曰鬱伊孝女擘擘之姿偏其反而令色孔儀窈窕淑女巧笑倩兮宜其家室在洽之陽大禮未施嗟喪慈父彼蒼伊何無父孰怙訴伸告哀赴江永號視死如歸定以眇然輕絕

續文苑英華 卷五十一 碑類 十一 古書之序



投入沙泥翩翩孝女載沉載浮或泊洲渚或在中流  
 或趨湍瀨或逐波濤千夫失聲悼痛萬餘觀者填道  
 雲集路衢泣淚掩涕驚慟國都是以哀姜哭市杞崩  
 城隅或有尅面引鏡務耳用刀坐臺待水抱樹而燒  
 於戲孝女德茂此儔何者大國防禮自修豈况庶賤  
 露屋草茅不扶自直不鏤自彫越梁過宋比之有殊  
 哀此貞厲千載不渝嗚呼哀哉辭曰名勒金石質之  
 乾坤歲數歷祀立廟起墳光于后土顯昭天人生賤  
 死貴列之義門何悵華落飄零早分葩艷窈窕永世  
 配神若堯二女不切為湘夫人時效髣髴以昭後昆

饒娥碑

柳宗元

饒娥饒人饒姓饒名世漁鄱水娥為室女淵懿靖專  
 雖小家未嘗出游治締葛供女事循整鄉閭敬式娥  
 父醉漁風卒起不能舟遂以溺死求屍不得娥聞父  
 死走哭水上三日不食耳鼻流血氣盡伏死明日屍  
 出黿魚鼉蛟浮死萬數塞川下流鄱旁小民悲感怨  
 號以為神奇縣人鄉人會錢具儀葬娥鄱水西橫道  
 上追思不足相與作石以詔後世其辭曰  
 生憲無類氣靈而休嗟茲孝娥惟行之周淵懿含貞  
 好靖不游織葛締紵克供以修蒸蒸在家其父世漁

曹娥五日  
出饒娥一  
日出



飲酒不節死乎風濤匍匐來哭彌天以呼顏目耳鼻  
 膏血交流三日頓踣氣竭形枯父屍既出孝質已殂  
 龜鱉黿鼉有蛟泊魚充流溢岸旁出仰浮見怪形異  
 適與我謀鄙民哀號或以頌歌齊女色憂傷槐罷誅  
 趙姬完父操棹爰謳肉刑不施漢美淳于烈烈孝娥  
 水死上虞娥之至德實與為儔恒人有言惟教是圖  
 懿茲德女家世不儒奇行特出神道莫酬窮哀罔泄  
 終古以留鄉人好禮爰立茲丘建銘當道過者下車

儒未必奇

墓表類

寶文閣待制常公墓表

王安石

右正言寶文閣待制特贈右諫議大夫汝陰常公以  
 熙寧十年二月己酉卒以五月壬申葬臨川王某誌  
 其墓曰公學不期言也正其行而已行不期聞也信  
 其義而已所不取也可使貪者矜焉而非彫斲以為  
 廉所不為也可使弱者立焉而非矯抗以為勇官之  
 而不事召之而不赴或曰必退者也終此而已矣及  
 為今天子所禮則出而應焉於是天子悅其至虛已  
 而問焉使莅諫職以觀其迪已也使董學政以觀其  
 造士也公所言乎上者無傳然皆知其忠而不阿所

廣文苑英華

卷三十三

墓表類

古

奇賞齋







百年之頃。一身之微。曾何足為。輕重於其間哉。然其所以參天地而與之相終始者。皆天理人心之所不容已。而人之所以生者也。於此而全焉。一死之餘。其生氣流行於天地萬物之間者。凜千載而自若也。使其舍此而為區區歲月筋骸之計。而禽視鳥息於天地間。而其心固已死矣。而其所不容已者。或時發焉。則自視其身。亦有不若死之為愈者。是欲全其生而實未嘗生。欲免一死而繼以百千萬死。嗚呼。可勝哀也哉。先人嘗手錄金源貞祐以來。致死於其所天者。十餘人。而武臣戰卒及閭巷草野之人。為多。而予每

間諸師云  
生年不百  
死年萬

覽之。未嘗不始焉而慚惕。若不自容中焉。而感激為之泣下。終則毛骨竦然。若有所振勵者。故為之訪諸故老。揆諸小說。攷其姓里。增補而詳記之。惟恐其事之不傳也。近復得清苑孝子田君焉。貞祐元年十二月十有七日。保州陷。盡驅居民出。而君及其父與焉。是夕下令老者殺。卒聞命以殺為嬉。未及君之父者十餘人。而君乃惻然欲代其父死。遂潛往伏其父於下。以兩手據地。俛而延頸。以待之。卒舉人未暇省。閱君項腦中兩刀而死。夜及半。幸復蘇。後二日令再下。無老幼盡殺。時君已以藝被選而行。次安肅矣。聞其



父死謂人曰我當逃歸葬吾父遂歸求父尸而得之  
負以涉河水傷脛至血出發母冢下尸而塞之乃還  
而衆不之覺也嗚呼此其所以爲孝子者歟其子道  
章資高爽喜讀書而遺山元公陵川郝公皆嘗爲詩  
文以美之雅善予一日狀其父之孝行訪予於易水  
之上且曰古者孝友雖庶人得書於史官而先人之  
孝行若是生無一命之旌而死遂無一言之託以傳  
不朽爲先人子者亦何以自立於世今謀所以表夫  
墓惟先生實哀之言已泣數行下嗚呼予尚恐不銘  
君也哉君諱喜世爲保之清苑人其仕至佩金符其

壽四十三其卒則歲乙未閏七月考彥妣喬母兄嘉  
其所娶實望族韓有婦德鄉里稱爲韓孝婦其壽八  
十六男女三道昭道章裴氏女寅孫五溫良恭儉讓  
曾孫四元亞季德昌銘曰

嗚呼蹈斧鉞而致死猶淵冰之歸全其死者藐焉此  
身之微其全者浩乎此心之天有纍雖丘匪丘者存  
有圓雖石匪石維文百世之下有旌古而勵俗者必  
名此曰孝子之原過者其式之孰獨匪人



... 壽四十三其卒... 王士熙

張進中墓表

王士熙

貴齒尊老之義尚矣古之有天下者皆養之以求其  
言居民間則為父師生于治世涵濡德澤故保其生  
也無傷更事知艱故言之發也有則厥後三老董公  
見舉大義之時沛中父老預歌舞成功之日斯老者  
之著明于世者也聖朝建都燕山民物日富八九十  
歲翁敦茂龐碩朝廷優之徭役勿事歲時得陞殿上  
上皇帝壽每大朝會百官衣朝服鞠躬以進視班次  
唯謹毋敢越尺寸而諸耆老高憤博褐從容暇裕以  
齒後先門者不加誰何俟百官退乃陟峻陞承清光

廣文苑英華

卷三十三

墓表類

十一

壽考



廣文苑英華卷五十一  
歸而娛嬉井陌或騎或步更過飲食和氣粹如大駕  
出宮則龐眉黃髮序勾陳環衛間見者咸曰樂哉太  
乎之民也張進中居京師有年耆老之一也進中字  
子正善爲筆其爲筆也管以堅竹毫以馳獵極精銳  
宜書人爭售之由是四方咸知進中名得其一者以  
爲珍異而尚方時有所需非進中所爲者不用也進  
中自持筆以入必賜以酒年益高被璽書蠲其徭役  
至八十以終時延祐七年某月某日也葬宛平縣岡  
村妻某氏子某余識京師耆老多矣所敬者唯君及  
何失失家善織鈔穀最能爲詩克然有得如宋陸務

士工一藝  
亦尚珍惜

觀可傳也日出買絲騎驢歌吟道中指意良遠張君  
雅重厚毅然有容坐室中自珍其筆有來求之者目  
其貌非儒生雖多予價終不肯出其善者昇之學士  
先生如淇上王仲謀上黨宋齊彥吳中趙子昂皆與  
之善三家皆世稱善書者其知君良有以夫今何君  
張君相繼以隕求似者未之見嗚呼生治世以樂其  
身不必仕之及也擅一藝以壽其名不必文之多也  
張君亦何憾焉揭辭墓前用以告來者



唐河中府法曹張君墓碣銘  
韓愈

碣類

唐河中府法曹張君墓碣銘

韓愈

簡

有女奴抱嬰兒來致其主夫人之語曰妾張圓之妻  
劉也妾夫常語妾云吾常獲私於夫子且曰夫子天  
下之名能文辭者凡所言必傳世行後今妾不幸夫  
逢盜死途中將以日月葬妾重哀其生志不就恐死  
遂沉泯敢以其稚子汴見先生將賜之銘是其死不  
爲辱而名永長存所以蓋覆其遺胤子若孫且死萬  
一能有知將不悼其不幸於土中矣又曰妾夫在嶺  
南時嘗疾病泣語曰吾志非不如古人吾才豈不如



今人而至於死於是邪若爾吾哀必求夫子銘是爾與吾不朽也愈既哭弔辭遂叙次其族世名字事始終而銘曰君字直之祖謹父孝新皆為官汴宋間君嘗讀書為文辭有氣有吏才嘗感激欲自奮投樹功名以見世初舉進士再不第因去事宣武軍節度使得官至監察御史坐事貶嶺南再遷至河中府法曹參軍攝虞鄉令有能名進攝河東令只有名遂署河東從事絳州闕刺史攝絳州事能聞朝廷元和四年秋有事適東方既還八月壬辰死于汴城西雙丘年四十有七明年二月日葬河南偃師妻彭城人

世有衣冠祖好順泗州刺史父泳卒斲州別駕女四人男一人嬰兒汴也是為銘

一榻類  
三  
奇賞齋



度使得官至監察御史坐事貶嶺南再遷至河中府  
 法曹參軍攝虞鄉令有能名進攝河東令又有名遂  
 署河東從事絳州闕刺史攝絳州事能聞朝廷元和  
 人畏一人嬰良牧也具為錄 月壬辰死于汴城西  
 世高亦武師致剛四世陳史父承卒禮州限黨文四

墓誌類

司徒章昭達墓誌

徐陵

周原膺膺佳氣葱蔥王業攸興帝圖斯盛在昔光武  
 佐命鄰縣者鄧侯高祖元臣同郡者蕭相公台輔之  
 量便著綺紈瑚璉之姿無待雕琢起家為東宮直前  
 所奉之君則梁簡文皇帝既而黑山巨盜憑陵上國  
 白水疆胡虜劉中夏公傾其產業募是驍雄思報星  
 儲累殲鯨寇屬幽風有象代邸方降搜荆楚之英才  
 資班輸之妙畧百樓忽起登雲霄而俯臨萬弩俱張  
 隨雷霆而並震揚兵於九天之上決勝於千里之中

大臣類

廣文苑英華

卷三十三

墓誌類

三十三

徐陵



廣文苑英華 卷三十三 音賞類  
殪彼群兇皆無旋踵陳寶應志懷反叛客引周迪資  
其食力更事窺窬公奉詔崇朝飲冰將力前茅後勁  
步驟奔馳仍同旣闕矧其窠窟若夫鳴蛇之洞深谷  
隱於蒼天飛猿之嶺喬樹參於雲日宜越艇而登嶠  
蒙燕犀而涉江威武紛紜震山風海於是咸俘偽師  
悉據高壙爰泊滄溟莫不懲又旣而齊人無信將謀  
郢藩闔艦戈船窺江淹漢公纔聞羽檄遽稟師期馳  
襲荆郢應時燒蕩方欲宣威隴汧太討梁華屬上將  
之韜光逢中台之掩曜大建三年薨於軍幕爾乃青  
烏拍墓白鶴標墳林有逃車樹同華蓋前旂熊軾後

乘龍輻介士發三河之民哀鏡同駟馬之曲長安傳  
坐恩禮盛於西京襄陽墮淚悲慟喧於南隰







而嶷然九歲能屬文十五明經及第二十四調判入  
四等署祕書省校書郎二十八應制策入三等拜左  
拾遺即日獻教本書數月間上封事六七憲宗召對  
言及時政執政者疑忌出公爲河南尉丁陳留太夫  
人憂哀毀過禮杖不能起服除之明年授監察御史  
使於蜀按任敬仲獄得情又劾奏東川帥違詔條過  
籍稅又奏平塗三輔等八十八家冤事名動三川三  
川人慕之其後多以公姓字名其子朝廷疾東諸侯  
不奉法東御史府不治事命公分臺而董之時有河  
南尉離局從軍職尹不能止監察御史死其柩乘傳

入郡入郵郵吏不敢詰內園司械繫人踰年臺府不  
得知飛龍使匿趙氏亡命奴爲養子主不敢言浙右  
帥封杖杖吉安令至死子不敢愬凡此者數十事或  
奏或劾或移歲餘皆舉正之內外權寵臣無奈何咸  
不快意會河南尹有不如法事公引故事奏而攝之  
甚急先是不快者乘其便相噪嗾坐公專達作威黜  
爲江陵士曹掾居四年徙通州司馬又四年移虢州  
長史長慶初穆宗皇帝嗣位舊聞公名以膳部員外  
郎微用旣至轉祠部郎中賜緋魚袋知制誥制誥王  
言也近代相訟多失于巧俗自公下車俗一變至於



廣文苑英華 卷三十三 音賞齋  
雅雅一變至於典譽時謂得人上嘉之數召與語知  
有輔弼之才擢授中書舍人賜紫金魚袋翰林學士  
承旨尋拜工部侍郎旋守本官同中書門下平章事  
公既得位方將行已志荅君知無何有儉人以飛語  
搆同位詔下案驗無狀上知其誣全大體與同位兩  
罷之出爲同州刺史始至急吏緩民省事節用歲收  
羨財千萬以補亡戶逋租其餘因弊制事贍上利下  
者甚多二年改御史大夫浙東觀察使將去同同之  
者幼鰥獨泣戀如別慈父母遮道不可遏送詔使道  
呵麾鞭有見血者路闢而後得行先是明州歲進海

物其淡蚶非禮之味尤速壤課其程日馳數百里公  
至越未下車輒奏罷自越抵京師郵夫獲息肩者萬  
計道路歌舞之明年辨沃瘠察富貧審勞逸以定稅  
籍越人便之無流庸無逋賦又明年命吏課七郡人  
冬築陂塘春貯雨水夏溉旱苗農人賴之無凶年無  
餓殍在越八載政成課高上知之就加禮部尚書降  
璽書慰諭以示旌寵又以尚書左丞徵還旋改戶部  
尚書鄂州節度使在鄂三載其政如越太和五年七  
月二十二日遇暴疾一日薨于位春秋五十三上聞  
之軫悼不視朝贈尚書左僕射加贈賜焉前夫人京



兆韋氏懿淑有聞無祿早世生一女曰保子適校書郎韋絢今夫人河東裴氏賢明知禮有輔佐君子之勞封河東郡君生三女曰小迎未笄道衛道扶齟齬一子曰道護三歲仲足司農少卿程姪御史臺主簿某等銜哀襄事裴夫人韋氏長女聚諸孤等號護膺妻以六年七月十二日祔葬於咸陽縣奉賢鄉洪瀆原從先宅兆也公著文一百卷題為元氏長慶集又集古今刑政之書三百卷名類集並行於代公凡為文無不臻極尤工詩在翰林時穆宗前後索詩數百篇命左右諷詠宮中呼為元才子自六宮兩都八方

不誣其未  
至

至南蠻東夷國皆寫傳之每一章一句出無脛而走疾於珠玉又觀其述作編纂之旨豈止于文章刀筆哉實有心在於安人治國致君堯舜致身伊臯耳抑天不與耶將人不幸耶予嘗悲公始以直躬律人行而勤之則坎壈而不偶謫瘴鄉凡十年髮班白而來歸次以權道濟世變而通之又齟齬而不安居相位僅三月席不煖而罷去通介進退卒不獲心是以法理之用止於修一職不布於庶官仁義之澤止于惠一方不周於四海故公之心不足也逢時與不逢時同得位與不得位同富貴與浮雲同何者時行而道

廣文苑英華

卷三十三 墓誌類

三

音賞齋







有餘歲得不絕其世譜而唐之盛時公卿家法存於今者惟杜氏公自曾高以來以恭儉孝謹稱鄉里至公爲人尤潔廉自尅其爲大臣事其上以不欺爲忠推於人以行已取信故其動靜纖悉謹而有法至考其大節偉如也公享年八十官至尚書左丞方其六十有九歲且盡即上書告老明年以太子少師致仕累遷太子太保太傅太師封祁國公於其家天子祀明堂遣使者召公陪祠將有所問以疾不至而歲時存問勞賜不絕公少舉進士高第爲揚州觀察推官知平遙縣通判晉州知乾州遷河東京西路提點刑

獄知揚州河東陝西路轉運使入爲三司戶部副使拜天章閣待制知荆南府未行以爲河北路都轉運使遂知天雄軍召爲御史中丞判流內銓知審官院拜樞密直學士知永興軍徙知并州遷龍圖閣學士復知永興軍權知開封府康定元年以刑部侍郎同知樞密院事即拜副使慶曆三年遷吏部侍郎樞密使明年以本官同中書門下平章事公治吏事如其爲人其聽獄訟雖明敏而審覈愈精故屢決疑獄人以爲神其簿書出納推析毫髮終日無倦色至爲條目必使吏不得爲姦而已及其施於民者則簡而易



行始居平遙嘗以吏事適他州而縣民爭訟者皆不肯決以待公歸知乾州未滿歲安撫使察其治行以公權知鳳翔府二邦之民爭於界上一曰此我公也汝奪之一曰今我公也汝何有焉夏人初叛命天下苦於兵而自陝以西尤甚吏緣侵漁調發督迫至民破產不能足徃徃自經投水以死於是時公在永興語其人曰吾不能免汝然可使汝不勞爾乃爲之區處計較量物有無貴賤道里遠近寬其期會使以次輸送由是物不踴貴車牛芻秣宿食往來如平時而吏束手無所施民比他州費省十六七至于繕治城

郭器械民皆不知開封治京師常撓於權要有干其法而能不爲之屈者世皆以爲難至公能使權要不敢有所干凡其爲治以聽斷盜訟爲能否爾獨公始有餘力省其民事如治他州而畿赤諸縣之民皆被其惠開封比比出能吏而兼於民政者惟公一人吏部審官王天下吏員而居職者類以不久遷去故吏得爲姦公始視銓事一日選者三人爭其闕公以問吏吏受丙賂對曰當與甲乙不能爭遂授他闕居數日吏教丙訟甲負某事不當得公悟召乙問之乙謝曰業已得他闕不願爭公不得已與丙而笑曰此非



未有正其  
本而創其  
未清其源  
而濁其流  
者

吏罪乃吾未知銓法爾因命諸曹各具格式科條以  
白問曰盡乎曰盡矣明日勅諸吏無得升堂使坐曹  
聽行文書而已由是吏不得與銓事與奪一出于公  
居月餘翕然聲動京師其在審官有以賄求官者吏  
謝不受曰我公有賢名不久見用去矣姑少待之慶  
曆之初上厭西兵之久出而民弊亟用今丞相富公  
樞密韓公及范文正公而三人者遂欲盡革衆事以  
修紀綱而小人權倖皆不悅獨公與相佐佑而公尤  
抑絕僥倖凡內降與恩澤者一切不與每積至十數  
則連封而面還之或詰責其人至慙恨涕泣而去上

明皇

嘗謂諫官歐陽修曰外人知杜某封還內降邪吾居  
禁中有求恩澤者每以杜某不可告之而止者多於  
所封還也其助我多矣此外人及杜某皆不知也然  
公與三人者卒皆以此罷去公多知本朝故實善決  
大事初邊將議欲大舉以擊夏人雖韓公亦以為可  
舉公爭以為不可大臣至有欲以沮軍罪公者然兵  
後果不得出契丹與夏人爭銀瓮族大戰黃河外而  
鴈門麟府皆警范文正公安撫河東欲以兵從公以  
為契丹必不來兵不可妄出范公怒至以語侵公公  
不為恨後契丹卒不來二公皆世俗指公與為朋黨



者其論議之際蓋如此及三人者將罷去公獨以爲不可遂亦罷以尚書左丞知兗州歲餘乃致仕公自布衣至爲相衣服飲食無所加雖妻子亦有常節家故饒財諸父分產公以所得悉與昆弟之貧者俸祿所入分給宗族賙人急難至其歸老無屋以居寓於南京驛舍者久之自少好學工書畫喜爲詩讀書雖老不倦推獎後進今世知名士多出其門居家見賓客必問時事聞有善喜若已出至有所不可憂見於色或夜不能寐如任其責者凡公所以行之終身者有能履其一君子以爲人之所難而公自謂不足以

名後世遺戒子孫無得紀述嗚呼豈所謂任重道遠而爲善惟日不足者歟曾祖太子少保諱某贈太師祖鴻臚卿諱叔詹追封吳國公父尚書度支員外郎諱遂良追封韓國公皆贈太師中書令兼尚書令娶相里氏封晉國夫人子男曰詵大理評事訢太常博士訥將作監主簿詒祕書省正字三子早卒女長適集賢校理蘇舜欽次適祕閣校理李紱次適單州團練推官張遵道公以嘉祐二年二月五日卒于家其子訢以其年十月十八日葬公于應天府宋城縣之仁孝原銘曰



翼。翼。祁。公。率。履。自。躬。一。其。初。終。惟。德。之。恭。公。在。于。位。  
士。知。貪。廉。退。老。于。家。四。方。之。瞻。豈。惟。士。夫。天。子。曰。咨。  
爾。曲。爾。直。繩。之。墨。之。正。爾。方。圓。有。矩。有。規。人。莫。之。踰。  
公。無。爾。欺。予。左。予。右。惟。公。是。毗。公。雖。告。休。受。寵。不。已。  
官。臣。國。公。即。命。于。第。奕。奕。明。堂。萬。邦。從。祀。豈。無。臣。工。  
爲。予。執。事。何。以。召。之。惟。公。舊。德。公。不。能。來。予。其。往。錫。  
君。子。愷。悌。民。之。父。母。公。雖。百。齡。人。以。爲。少。不。俾。黃。耆。  
喪。予。元。老。寵。祿。之。隆。則。有。止。期。惟。其。不。已。旣。去。而。思。  
銘。昭。于。遠。萬。世。之。詒。

种世衡墓誌銘

范仲淹

君諱世衡字仲平國之勞臣也不幸云亡其子泣血  
請於予予嘗經畧陝西知君最爲詳懼遺其善不可  
不從而書之初康定元年春夏戎犯延安我師不利  
朝廷以堡障衆多有分兵之患其間遠不足守者即  
命罷之寇驕而貪益侵吾疆百姓被其毒君時爲乃  
理丞任鄜州從事建言延安東北二百里有故寬州  
請因其廢壘而興之以當寇衝左可致河東之粟右可  
固延安之勢北可圖銀夏之舊有是三利朝廷從之  
以君董役事君膽勇過人雖俯逼戎落曾不畏憚與



兵民暴露數月且戰且城然處險無泉議不可守鑿地百有五十尺始至于石工徒拱手曰是不可井矣君曰過石而下將無泉耶爾攻其石屑而出之凡一畚償爾百金工復致其力過石數重泉果沛發飲井而不耗萬人歡呼曰神乎雖虜兵重圍吾無困渴之患矣用是復作數井兵民馬牛皆大足自茲西陲堡障患無泉者悉倣此大蒙利焉既而朝廷署故寬州爲青澗城授君內殿承制知城事復就遷供備庫副使旌其勞也塞下多屬羌向時漢官不能恩信羌皆持兩端君乃親入部落中勞問如家人意多所周給

常自解佩帶與其酋豪可語者有得虜中事來告于我君方與客飲即取坐中金器以獎之屬羌愛服皆願効死青澗東北一舍而遠距無定河河之北有虜寨虜常濟河爲患君屢使屬羌擊之往必破走前後取首級數百牛羊萬計未嘗勞士卒也故功多而費寡建營田二千頃歲取其利募商賈使通其貨或先貸之本速其流轉歲時間其息十倍乃建白凡城中芻糧錢幣暨軍須城守之具不煩外計一請自給一子專視士卒之疾調其湯餌常戒以笞責期于必瘳士卒無不感泣今翰林承旨王公堯臣安撫陝西言



廣文苑英華 卷三十三 詩賞齋  
君治狀上悅降詔褒之曰邊臣若此朕復何憂二年  
就兼鄜延路駐泊兵馬都監制置本路糧草遷洛苑  
副使慶曆二年春予按巡環州患屬羌之多而素不  
爲用與夏戎潛連助爲邊患乃召蕃官慕恩與諸族  
酋長僅八百人犒于麾下與之衣物繒絲以悅其意  
又采忠順者增銀帶馬紱以旌之然後諭以好惡立  
約束而俾之遵向然悍猾之性久失其馭非智者處  
之慮復爲變時青澗旣完人可循守乃請于朝願易  
君理環朝廷方以青澗倚君又延帥上言人重其去  
命予更擇之予謂夏戎日夜誘吾屬羌羌愛其類益

以外向非斯人親之不能革其心朝廷始如其請君  
旣至環安邊之利害大要在屬羌難制思合夏戎爲  
暴發之患又地瘠穀貴屯師爲難聚糧則力屈損兵  
則勢危斯急病也吾乃周行境內入屬羌聚落撫以  
恩意如青澗焉有牛家族首奴訛者屈彊自處未嘗  
出見官長聞君之聲始來郊迎君戒曰吾詰朝行勞  
爾族奴訛曰諾是日大雪三尺左右曰此羌兇詐嘗  
與高使君繼高挑戰又所處險惡冰雪非可前君曰  
吾方與諸羌樹信其可失諸遂與士衆緣險而進奴  
訛初不之信復會大雪謂君必不來方坦臥帳中已



至感而起之奴訛大驚曰我世居此山漢官無敢至者公了不疑我耶乃與族衆拜伏誼呼曰今而後惟父所使自是屬羌咸信於君有兀二族受夏戎僞署君遣人招之不聽即使慕恩出兵誅之死者半歸者半盡以其地暨牛羊賞諸有功其僭受僞署如兀二族者百餘帳咸服慄請命納其所得文券袍帶由是屬羌無復敢貳君戒諸族各置其烽火夏戎時來抄掠則舉烽相告衆必介馬而待之破賊者數四涇原帥葛懷敏定川之敗戎馬入縱于渭予領慶州蕃漢兵往扼邠城又召君分授涇原君即時而赴羌兵從

天范胸中  
甲兵以得  
以地

者數千人屬羌爲吾用自此始君曰羌兵既可用矣乃復教土人習弧矢以佐官軍吏民有請某事辭某事者君咸使之射從其中否而與奪之坐過矢者亦用此得贖吏農上商無不樂射焉繇是緣邊諸城獨壞不求增兵不煩益糧而武力自振夏戎聞屬羌不可誘土人皆善射烽火相望無日不備乃不復以環爲意前後經畧使交薦君之才能朝廷益知可倚明年遷東染院使充環慶路兵馬鈐轄仍領環州西南占原州之疆有明珠滅臧康奴三種居屬羌之大素號疆梗在原爲孽寢及于環撫之狠不我信伐之險



廣文苑英華 卷三十三 詩賞齋  
不可入北言二州交通于夏戎朝廷患焉其二州之間有古細腰城復之可斷其交路又明年予爲宣撫使乃諭君與原守蔣偕共幹其事君久悉利病即日起兵會階于細腰使甲士晝夜築之夏戎固忌此城君遣人入虜中以計疑之兵遂不至又召明珠等三族酋長犒撫之俾以禦寇彼旣出其不意又亡外援因而服從君之謀也君處細腰月餘逼以苦寒城成而疾作慶曆五年正月七日甲子啓手足神志不亂享年六十一其子京兆萬年縣之神和原君之先河南洛陽人也曾祖存啓河南壽安令祖仁詡京兆長

安令贈太常博士父昭衍登進士第累陞職方員外郎季父放字明逸初隱于終南山君少孤依之服勤左右以力學稱明逸道高德純太宗朝再詔以事親不起真宗復加聘禮起拜左司諫直昭文館累遷尚書工部侍郎大中祥符五年君用工部蔭得將作監主簿五遷至太子中舍初監秦州太平監以母老求養又監京兆府渭橋倉邛州惠民監知涇之保定京兆之武功涇陽三邑在武功毀淫祠崇夫子廟以來學者在涇陽有里胥主知謙者姦利事露逃之逼郊禮乃出君曰送府則會恩益以長惡從所坐杖脊于



縣庭而請待罪。府君李公諮奏釋之，皆是豪黠莫不  
歛手其嫉惡如此。又邑有三白渠，比年浚疏用數邑  
力，王者非其才而勞逸弗等，功利日削。君使勤墮齊  
其力，故功倍貧富均其流，故利廣。至今民能言之，歷  
通判鎮戎軍環鳳二州，鳳之守王蒙正託章憲外姻  
以私干君，復欲以賄污君，君正色不納。蒙正大怨之，  
乃使人諭王知謙訟君蒙正內爲之助，獄成流賓州。  
上親政量移汝州，君之世材以一官讓君，乃除孟州  
司馬龍圖閣直學士李公絃雪于朝，授衛尉丞。主隨  
州權酷，又禮部尚書宋公綬工部侍郎狄公棐皆言

君非辜，改知虔州贛縣。君辭得監京兆軍資庫，以同  
鄜交辟，改簽署同州判官事。又移鄜州，因從軍延安，  
乃有故寬州之請。君少尚氣節，昆弟有欲析其家者，  
君推資產與之，惟取季父圖書而已。蒞官能摘惡庇  
民，青澗與環人皆畫君之像而享事之。及終，吏民暨  
屬羌酋長朝夕臨柩前者數日，朝廷深惜之，賜三子  
恩。君娶劉氏，封萬年縣君。男八人，長曰詒，文雅純篤，  
養志不仕。有叔祖明逸之風。次日診試將作監主簿，  
曰詠，同州澄城尉。曰諮，郊社齋郎。曰諤，三班奉職。皆  
有立，訢記誼三子尚幼，一女適西頭供奉官田守政。



君在邊數年聚貨食教弧矢撫養士伍牢籠羌夷無  
 賢不肖皆稱之又出奇以濟幾事嘗遣謀者入虜中  
 凡半歲間而虜誅握兵用事二三人謀者還言某謀  
 得行會君已沒又天子方懷來故其績不顯銘曰  
 嗚呼神君出于賢門吾志必立吾力是陳寧以剛折  
 果由直伸還自瘴海試于塞垣權以從事意其出人  
 捍虜之患又邊之民夙夜乃職星霜厥身生則有涯  
 死宜不泯邊俗祀之子子孫孫

職官類

唐工部員外郎杜甫墓誌銘

元稹

杜公行事  
可述而止  
稱其詩何  
也

叙曰余讀詩至杜子美而知古人之才有所摠萃焉  
 始堯舜之君臣以賡歌相和是後詩人繼作歷夏殷  
 周千餘年仲尼緝拾選練取其干預教化之尤者三  
 百篇其餘無聞焉騷人作而怨憤之態繁然猶去風  
 雅日近尚相比擬秦漢已還采詩之官既廢天下俗  
 謠民謳歌頌諷賦曲度嬉戲之詞亦隨時間作至漢  
 武帝賦柏梁詩而七言之體具蘇子卿李少卿之徒  
 尤工為五言雖句讀文律各異雅鄭之音而詞意濶  
 遠指事言情自非有為而為則文不妄作建安之後



廣文苑英華 卷三十一  
天下之士遭罹兵戰曹氏父子鞍馬間爲文。往往橫  
梁賦詩。故其遒文壯節。抑揚怨哀悲離之作。尤極於  
古。晉世風槩稍存。宋齊之間。教失根本。士以簡慢矯  
飾相尚。文章以風容色澤。放曠精清爲高。蓋吟寫性  
靈。流連光景之文也。意義格力無取焉。陵遲至梁陳。  
淫艷刻飾。佻巧小碎之詞。又宋齊之所不取。唐興。學  
官大振。歷世之文能者。互書而後。沈宋之流。研練情  
切。穩順聲勢。謂之爲律詩。由是而後。文變之體極焉。  
而又好古者。遺近務華者。去實效。齊梁則不逮於晉。  
魏工樂府。則力屈於五言。律切則骨格。不曾閑暇。則

纖穠莫備。至于子美。所謂上薄風雅。下該沈宋。言奪  
蘇李。氣吞曹劉。掩顏謝之孤高。雜徐庾之流麗。盡得  
古今之體勢。而兼各人之所獨專矣。如使仲尼考覈  
其旨。要尚不知貴其多乎哉。苟以爲能。所不能無可  
無不可。則詩人已來。未有如子美者。是時山東人李  
白。亦以竒文取稱。時人謂之李杜。余觀其壯浪縱恣。  
擺去拘束。模寫物象。及樂府歌詩。誠亦差肩於子美。  
至若鋪陳終始。排比聲韻。大或千言。次猶數百。詞氣  
豪邁。而風調清深。屬對律切。而脫棄凡近。則李尚不  
能歷其藩翰。況堂奧乎。余嘗欲條析其文體。別相附

公論



與來者爲之準病懶未就爾適子美之孫嗣業啟子  
美之柩襄祔事于偃師途次于荆楚雅知余愛言其  
大父之爲文祈余爲誌辭不可絕余因系其官闕而  
銘其卒葬云系曰晉當楊侯杜氏下十世而生依藝  
今家於鞏依藝生審言審言善詩官至膳部員外郎  
審言生閑閑生甫爲奉天令甫字子美天寶中獻三  
大禮賦明皇奇之命宰相試文文善授率府曹屬京  
師亂步謁行在授左拾遺以直言失官出爲華州司  
功尋遷京兆功曹劔南節度使嚴武拔爲工部員外  
叅謀軍事旋又棄其官扁舟下荆楚間竟以寓卒旅

殞嶽陽享年若干夫人弘農楊氏女父曰司農少卿  
怡四十九年終嗣子曰宗武病不克葬沒命其子嗣  
業以家貧無以給喪收拾乞丐樵勞晝夜去子美沒  
後餘四十年然後卒先人之志亦足爲難矣銘曰  
惟元和之癸巳粵某月某日之佳辰合窆我杜子美  
於首陽之山前嗚呼千歲而下曰此文先生之古墳







廣文苑英華 卷三十三  
才不可及，大行不可名，天與之仁，不與之年，哀哉！自開元天寶已來，高名下位，華方疾不能備舉。然所憶者曰：河南元君德秀，元終十年而南陽張君有略，張歿二年而君天。元之志如其道德，張之行如其經術。君之才如其聲望，人倫其瘁，素與昌黎韓幼深京兆王鎮卿洎華友善。韓評君曰：可以為宰輔，王評君曰：可以為師保。華評君曰：分天下之善惡一人而已矣。夫人隴西李氏仁賢，有一子某生，七年哀禮過成人。嗚呼！有後哉！朝廷贈君以秘書少監，悼賢也。華自疾，病風曳杖而往，哭之常聞。師乙之言曰：溫良而能斷。

者宜歌齊權君，可謂溫良而能斷者也。故為齊風表君之墓云。

忠於國，孝於家，潔而不滓，瑜而不瑕，仁胡不壽，為善者何，君不幸邪，時不幸邪。



唐故國子司業竇公墓誌銘

為善者所感不幸亦非不幸然  
出於而國幸然而宋宗而不幸愈而不幸  
果文墓誌

唐故國子司業竇公墓誌銘 韓愈

國子司業竇公諱牟字某六代祖敬遠嘗封西河公  
大父同昌司馬比四代仍襲爵名同昌諱胤生皇考  
諱叔向官至左拾遺深水令贈工部尚書尚書於大  
曆初名能為詩文及公為文亦最長於詩孝謹厚重  
舉進士登第佐六府五公八遷至檢校虞部郎中元  
和五年真拜尚書虞部郎中轉洛陽令都官郎中澤  
州刺史以至司業年七十四長慶二年二月丙寅以  
疾卒其年八月某日葬河南偃師先公尚書之兆次  
初公善事繼母家居未出學問於江東尚幼也名聲

廣文苑英華 卷三十三 墓誌類 四十五 許賞齋



詞章行于京師人遲其至及公就進士且試其輩皆曰莫先竇生于時公舅袁高爲給事中方有重名愛且賢公然實未嘗以干有司公一舉成名而東遇其黨必曰非我之才維吾舅之私其佐昭義軍也遇其將死公權代領以定其危後將盧從史重公不遣奏進官職公視從史益驕不遜僞疾經年舉歸東都從史卒敗死公不以覺微避去爲賢告人公始佐崔大夫縱留守東都後佐留守司徒餘慶歷六府五公文武細粗不同自始及終於公無所悔望有彼此言者六府從事幾且百人有愿姦易險賢不肖不同公一

接以和與信卒莫與公有怨嫌者其爲郎官令守慎法寬惠不刻教誨於國學也嚴以有禮扶善遏過益明上下之分以躬先之恂恂愷悌得師之道公一兄三弟常群庠鞏常進士水部員外郎夔江撫四州刺史群以處士徵自吏部郎中拜御史中丞出師黔容以卒庠三佐大府自奉先令爲登州刺史鞏亦進士以御史佐淄青府皆有材名公子三人長曰周餘好善學文能謹謹致孝述父之志齒而不黷次曰某曰某皆以進士貢女子三人愈少公十九歲以童子得見於今四十年始以師視公而終以兄事焉公待



廣雅釋義卷之三  
四六  
音賞齋  
我一以朋友不以幼壯先後致異公可謂篤厚文行君子矣其銘曰

后緡竇逃閔腹子夏以再家竇為氏聖愕旋河犢引比相嬰撥漢納孔軌後去觀津而家平陵遥遥厥緒夫子是承我敬其人我懷其德作詩孔哀質于幽刻

陳文孫以武士遊自夏將漢中我吟史中丞出明經  
三於前報平蓋帝士木指員不暇顧變為無四  
武賞惠不依嫌而公國地少烈以亦顯其善且長益  
其文吟此計卒其與公亦以被作其然洞可令守

聖而切不  
必問其本  
裁

李懷州墓誌銘

楊炯

公諱冲寂字廣德隴西狄道人也左衛大將軍西平王之孫荊州大都督漢陽王之子今上之族兄也原夫帝堯之緒運期授於天漢顓頊之胄大命集于皇家光耀則若木十枝波瀾則長河九派或中軍按部金鼓所以節其聲或刺史班條冕旒所以彰其德信可謂玉林多寶天族多奇以御家邦以藩王室者也公山河誕慶辰昴發祥金多木少孔文舉之天骨玉潔冰清華子全之神彩南陽季恭偉縣識宰相沛國趙元儒竊知公望編漢皇之兄弟列周室之邢茅天

廣雅釋義卷之三  
墓誌類  
三  
音賞齋



下稱其八才。吾家號爲千里。初任尚舍直長。稍遷城門郎。仍奉勅於弘文館讀書。掌舍諸宮城門。列校制詣東觀。有黃香之博聞。賜其制書。有班游之廣學。尋授駕部員外郎。轉金部郎中。又勅公爲戎州道支度軍糧使。天府充牧軍儲。委積振南宮之級冕。譽表三臺。歷西蜀之江山。榮高駟馬。遷太府鴻臚。二少卿。丁難去職。揚播之登太府。初聞累遷之命。鄭默之拜鴻臚。遽見終喪之禮。孔宣尼旣祥五日。彈不成聲。孟獻子加人一等。懸而不樂。服闋。歷青德齊徐四州刺史。東臨巨海。西主長原。或全齊。歷下之軍。或大禹。徐方。

之地。任隆刑部。陶侃八州。寄重尋陽。桓伊十部。遷宣州刺史。吳王舊邑。楚國先封。江廻鵲尾之城。山枕海根之治。蜀郡無此計吏。則惟薦張堪。潁川尤多制書。則但稱黃霸。巡察使以尤異。聞遷陝州刺史。觀其井邑。號仲上陽之故墟。度其川原。周公分陝之遺跡。唇齒通其列國。咽喉壯其天險。善人爲政。無待於百年童子。行謠先符於兩日。于斯時也。天以順動。帝以會昌。修封禪於岱嶽。作明堂於汶上。望山川而遍群神。執玉帛而朝萬國。制公檢校司理常伯。文昌之省。遙接大階。建禮之門。有連複道。萬機匡贊。八座謀猷。旣



陪軒帝之巡乃覲漢家之事屬河縣南走憑斗骨而  
爲城居衛蒲東亡界朝鮮而爲役屬乘輿乃誅後至  
討不庭申命六事之人以問三韓之罪制曰師出遼  
左卿可爲北道主人檢校營州都督石門山險銅鬪  
河流天文則營室辦方地象則神臺鎮野供其行李  
鄭國有東道之名爲我主人常山當非州之寄遼東  
平以功遷蒲州刺史堯都蒲坂舜耕歷山昭襄王始  
作河橋穆天子至于雷首汝南朕之心腹遂拜韓崇  
河東吾之股肱時徵季布遷少府監忠信爲主揚阜  
齊衡清白在官常林比德又除蒲州刺史諸童之逢

迎郭伋再牧并州百姓之願得耿純復臨東郡孝敬  
皇帝國之儲嗣乾之長男四極奏於重光二年賓於  
上帝崇其謚號用黃屋於羽儀卜其園塋象玄宮之  
制度山陵之建也以公檢校將作大匠游衣漢寢之  
外抱劔橋山之下百工畢力陳琳於是乎躬親諸吏  
懷恩魏霸於是乎無謫遷銀青光祿大夫行少府監  
若夫叶時月乘天正秦人往事遊別館而祈年漢宮  
舊儀下明庭而避暑上幸九成宮以公檢校右領軍  
將軍本官如故董司戎政以戒不虞七校陳其甲兵  
五營按其車服領軍之職用文武于紀瞻右軍之官



廣文苑英華 卷三十一  
叙勤勞於常惠尋以公事免左授歸州司馬楚州舊  
也始得子男之田夔之先也裁爲附庸之國人同賈  
傳路似長岑伯審有聲于鄉里仲任見知于筆札制  
遷中大夫行袁州都督府長史大庭之庫少昊之墟  
上真降婁金精吐宿宥瞻日觀木德題山別乘初迎  
將宣萬邦之化佩刀終爽徒見三公之服以永淳元  
年某月日行次唐州方城縣遇疾薨朝廷聞而傷之  
贈懷州刺史公嚴而有禮直而能和行孝立身移忠  
事主生知者上重之以八索九丘道在尊加之以文  
昭武穆故能入登常伯出踐方州爲六卿之儀表發

三軍之號令引長戟於門前羅曲旃於堂下子孫朝  
夕王樹相輝賓客遠迎玳簪交映悲夫展禽三黜安  
仁再免奚辭棘署俯集桐華慘舒則不繫陰陽喜愠  
則不形顏色何嗟及矣竟遊東岱之山無所不知旋  
閉南陽之墓二年夏五月日塋於萬年縣龜川鄉之  
平原長子某官某次子某官某箕裘必復花萼生光  
隣人泣其悲慟明主憂其毀瘠觀其弔客不無雙鶴  
之徵察其成墳自有百鳥之感森森隴樹漠漠郊烟  
右玄灞而浩蕩左驪山而起伏杜陵萬家之邑非復  
城池滕公駟馬之銘不知年代其銘曰



廣文苑英華 卷三十三 墓誌類  
高陽積德武昭餘慶宅鎬開基封唐啓聖叶和萬國  
平章百姓天叙諸侯禮陳宗正周之曲阜漢之平陸  
地則葭葦祥惟嶽瀆鄉黨稱善閨庭雍穆始拜城門  
即遊天祿大微之位益部之星卿則有六四至丹青  
州則有九八牧專城既踐臺閣仍司甲兵倚伏無兆  
遭隨有運賈誼從王栢譚佐郡自志寵辱曾無喜愠  
人、去、何、歸、天、高、不、問、東、都、門、外、長、樂、宮、邊、白、馬、旒、旒  
青烏墓田楸桁夾路碑石書年百代之後南陽之阡

和州刺史凌君權厝誌

柳宗元

年月日尚書都官員外郎和州刺史連州司馬富春  
凌君諱準卒于桂陽佛寺先是六月告于州刺史博  
陵崔君曰余嘗學黃帝書切脉視病今余肝伏以瀆  
腎浮以代將不臘而死審矣凡余之學孔氏爲忠孝  
禮信而事固大謬卒不能有示乎世者命也臣道無  
以明乎國子道無以成乎家下之得罪于人以謫從  
醜地上之得罰于天以降被罪疾余無以禦也敢以  
鬼事爲累又告爲老氏者某曰余生於辰今之遇戊  
辰戊衝也吾命與脉叶其死矣乎吾罪大懼不克歸



廣文苑英華 卷之三十一 音賞 五十一  
樞於吾鄉。是州之南有大岡不食。吾甚樂焉。子其以是葬。及是咸如其言云。孤夷仲求仲以其先人之善余也。勤以誌爲請。嗚呼。君字宗一。以孝弟聞于其鄉。杭州刺史常召君以訓于下。讀書爲文章。著漢後春秋二十餘萬言。又著六經解圍人文集。未就有謀畧。尚節氣。調人之急。出貨力。猶棄糶。年二十以書干丞相。丞相以門試其文。日萬言。擢爲崇文館校書郎。又以金吾兵曹爲邠寧節度掌書記。涇之亂。以謀畫佐元戎。常有大功。累加大理評事。御史賜緋魚袋。換節度判官。轉殿中丞。侍御史。府喪罷職。後遷侍御史。

爲浙東廉訪使。判官撫循罷人。按驗汙吏。吏人敬愛。厥績以懋。粹然而光。聲聞于上。召以爲翰林學士。德宗崩。邇臣議祕三日。乃下遺詔。君獨抗危詞。以語同列。王伾畫其不可者十六七。乃以旦日發喪。六師萬姓安其分。遂入尚書。乃以文章侍從。由本官叅度支。調發出納。姦利衰止。以連累出和州。降連州。居毋喪。不得歸。而二弟繼死。不食哭泣。遂喪其明。以沒蓋君之行事。如此。其報應如此。夫人高氏在越。孤四人。南仲殷仲在夫人所未至。執友河東柳宗元。哀君有道。而不自於天下。離愍逢尤。夭其生。且又同過。故哭以



爲誌其詞哀焉銘曰

意凌君生不淑學孔氏楊荼郁好謨謀富天祿讎禁  
書贊推轂觀靈龜獲貞卜從東越翊明牧罷人蘇汗  
吏覆升侍從躬啓沃匡危疑興大福吏尚書徒隸肅  
佐經邦才用足道之躋身則辱烏江垂九疑麓仍禍  
凶遭茲酷能知命無怨毒罪不泯死猶僂何以葬南  
嶺曲魂有靈故鄉復封茲壤歸骨肉爲之銘志陵谷



